

COMMENTARII  
DE REBUS  
IN  
SCIENTIA NATVRALI  
ET  
MEDICINA  
GESTIS.



VOLUMINIS XXVIII. PARS III.

---

LIPSIAE, MDCCLXXXVI.

APVD IOH. FRIDERICVM GLEDITSCH.

Venduntur etiam

Londini apud Pr. Elmsly, Edinburgi apud Elph. Balfour, Lugd. Bat. ap.  
Fratres Luchtmann, Parisiis apud Barroi senior. Venetiis apud Io. Bapt.  
Pasquali, Milano apud Ios. Galeazzi, Augustae Taurinor. apud  
Laurent. Giraud, Florentiae apud Ios. Molini, Holmiae  
apud M. Swederum.





---

I.

Kongl. Vetenskaps Academiens Nya Handlingar. Tom. VI. för År 1786.

i. e.

Noua Acta Ac. R. Sc. Suecicae Tom. VI.  
Ann. 1785. Holmiae ap. Ioh. Ge. Lange  
1785. pag. 320. Tab. aen. X.

Trimestre I.

I. **G**UST. AD. LEIJONMARK, de *biquadratica*-p. 1.  
*rum aequationum radicibus* positivis, negativis et imaginariis. Hic lemmata praemittit ad curvas secundi ordinis, quae se tangant aut secant, pertinentia.

II. CAR. WILH. SCHEELE de *acido pomorum et* p. 18.  
*baccarum*. Succus, quem praebent *Ribes grossularia*, et omnes aliae baccae, quas examinavit, nihil acidi acetosellae continent, nam ex aqua calcis nil praecipitant. Cum autem succum illum creta saturasset, solutionem per filtrum cucurbitae immisisset, igni imposuisset, postquam ebullierat, sedimentum album descendit. Quod pellucidi supererat, denuo filtratum, et rursus ebulliens nullum sedimentum demisit, qua re succus ille similis est succo citri. Sedimento loto adfudit acidum vitrioli, et crystallos obtinuit, in omnibus iis similes, quas praebet succus citri. Pellucidum vero illud, quod prima vice ebulliens calcem citratam demiserat, iam fusci coloris, papyro succo heliotropii tinctae illitum, acidi copiosi indicia dedit, quod plurimum cretae dissoluit, itaque ab acido citri diuersum erat. Obtinuit vero ex pomis, tum maturis, tum imma-

Bb 2

turis,

turis, acidum, diuersum ab acido citri, quoniam creta saturatum, ebulliens nullum sedimentum deponit, sed filtratum spiritu vini adfuso, coagulatur. Id *pomorum acidum* vocat, quibus rebus differat a citri acido, et quibus in baccis maior sit copia vnius acidi vel alterius, prolixius enarrat. Dum acidum sacchari praeparatur, quod primo abscedit, antequam sacchari acidum prodeat, pomorum esse. Proxime ad pomorum acidum lactis.

P. 28. III. *Nouem urticae species in Iamaica reperit* OL. SVARTZ, quarum descriptiones botanicas BARONI CLAUD. ALSTRÖMER misit, qui eas hic edit.

P. 37. IV. ANDR. SPARRMAN *quadraginta curculiones* depictos sistit, quos *in capite bonae spei* reperit. Eorum 31 omnino novos, reliquorum alios nondum delineatos, alios a delineatis suae speciei ita variare, vt rursus delineasse non superfluum sit. *Curculionis* genus, cum proxime ad Attelabum accedat, vtriusque characteres exhibet, et qui curculiones LINNEO vocantur: *populi*, *betulae*, *Bacchus* et *cupreus*, eos ad Attelabos vult referri. Ita plura habet, quae ad ordinanda haec coleopterorum genera faciant.

P. 57. V. GUSTAVUS PATIKULL nouam describit *Phalaenam Tineam Betulinellam*. Laruas inuenit in *Boleto Betulino*, medio Maii 1784. Est: larua 16poda, alba, subpilosa, capite primoque segmento antice dilute brunneo. Habitarunt in boletis, utique labente tempore ficcioribus, quos domum attulerat, prima die Iunii coeperunt serica texere, post abierunt in pupas, conicas, brunneas, nulla re prae aliis phalaenarum pupis notabiles. Prima phalaena emerfit d. 23 Iunii, quam aliae sequutae sunt. Est *Phalaena*: alis superioribus albidis, ferrugineo irroratis, maculisque sex nigris, margine exteriori, inferioribus cinereis: Margo vndique ciliaris.

Ooula



Ouula parit parua, ex quibus mox erumpunt larvæ hiemantes in boletis, proxima aestate magnitudinem perfectam attingunt et metamorphosin subeunt. Phalaenam his omnino similem cepit in sylva initio Iulii, sed maiorem, et alis superioribus magis flavescentibus.

Forte quas ipse educauerat, minus creuerunt in boletis siccioribus. Monet Entomologos, non saltim capienda et colligenda esse animalcula, sed inprimis oeconomiam illorum et metamorphoses obseruandas.

VI. CAR. AXEL ARRHENIUS, subcenturio le-p. 61  
gionis tormentariae, agit de *inuestiganda quantitate salis communis nitro admixti*. Soluit nitrum in aqua destillata, et instillat solutionem argenti, calx argenti, vnita acido salis, praecipitatur in lunam corneam; est vero praecipitati pondus proportionale ponderi salis; quoniam, vt BERGMANUS docuit *Opusc. Chem. Vol. I. p. 101, 134*, partes constituentes salis et lunae corneae semper in eadem ratione sunt. Paululum lunae corneae soluitur ab aqua solutioni adhibita, circiter pars millesima aut  $\frac{2}{1000}$  ponderis eius aquae, vnde parum erroris nasci potest.

VII. ARVID FAXE enarrat, *quibus morbis* labo-p. 68.  
rarint recepti in *nosocomium classis regiae*, et quomodo morbi isti se habuerint, decennio 1774-1783.

Nautis in Suecia officia sua in nauibus obeun-p. 75  
tibus morbi maxime communes sunt primo anni trimestri, febres pectorales (*Brustfieber*) et tussis catarrhalis, Aprili rheumatismi, Maio scorbutum et febris vernalis, Iunio febres catarrhales, etsi hae quolibet mense grassantur, Iulio febres inflammatoriae, Augusto Diarrhoeae, Septembri febres autumnales et intermittentes vsque ad finem anni.

Trimestre secundum.

- p. 80. I. ARWID FAXE pergit referre de *morbis in no-*  
 p. 85. *scomio nautico*. Intrarunt illud 1782, mense Febr.  
 intra octiduum, 33 viri, quibus tumor sub mento,  
 interdum ab vna aure ad alteram extendebatur, is  
 non durus erat, sedes eius erat in pinguedine, non  
 multum incommodi creabat, in pinguioribus maior  
 erat. Sub morbi initium sentiebatur horror ali-  
 quis, quem sequebatur febricula, plerumque cum  
 die prima desinens. Iam tumor nascebatur ad col-  
 lum, die 5 aut 7 paulatim altius adscendebat, et  
 similiter decrescendo euanescebat. Ab aëris in-  
 fluxu natum hunc tumorem maxillarem certum est,  
 memoratu tamen dignum, nec ante hoc tempus, nec  
 post, vel aëris vim ad hunc effectum producendum  
 fuisse, vel corporum ad hunc morbum dispositio-  
 nem. Plura de scorbuto nautico, eiusque cum  
 febre putrida nexu.
- p. 94. II. ZACH. NORDMARK exhibet *unitatis radices*  
*imaginarias* vsque ad gradum 10, inclusiue.
- p. 115. III. I. A. RETZIUS describit *Tetrodontem Molam*  
 prope Landiscronam Sueciae captum. Rarius est  
 amphibium in mari Suecico, vbi tria saltem eius  
 exemplaria noster nouit. Imaginem exhibet, et  
 eam, quae ex *Monti* delineatione exhibetur in *Ham-*  
*burg. Magazine* Tom. 18, non satis exactam esse  
 contendit. Breuis descriptio animalis est: T. M.  
*inermis, asper, compressus, rotundatus, cauda breuissi-*  
*ma rotundata, pinnis, dorsali analique annexa, spi-*  
*raculis oualibus.*
- p. 121. III. FAGRAEUS de *agrorum, quo culturae aptissi-*  
*mi sint, magnitudine, figura, situ* tractat, imprimis  
 geometria adhibita. Superficiem agrorum in for-  
 mam cylindricam rotundari vult, vt et aqua melius  
 defluat, et conuexa superficies plantarum radici-  
 bus



bus spatium magis praebeat, quam subiecta basis plana.

IV. CLAUD. FR. HORNSTED describit et depin. p. 132. git *Lacertam Iauanensem* inprimis pinna radiata super caudam erecta notabilem, dorso carinato dentato, dentibus lanceolatis circiter 70.

V. SCHEELLE de *ferrophosphorato* et *sali perlato*. p. 137. Confirmat Meyeri et Klaprothii experimenta, et theoriā illis innixam, ferrum frigidum fragile id habere ab acido phosphori admixto. Sali perlato, acidum phosphori inesse negarat Cl. PROUST. SCHEELIUS vero repetens PROUSTII experimenta nihil aliud ostendere, quam id: acetum aliquid alcali mineralis superflui demere sali perlato.

VI. PET. IAC. HIELM edit tentamina ex *Magnesio*. p. 141. *fio obtinendi regulum*, et id fusionis ope cum aliis metallis miscendi. Methodum ex magnesio obtinendi regulum metallicum, ante decem annos Cl. GAHN cum amicis communicauerat, sed exteris tentantibus non successit, quod modum reductionis non satis intelligerent, et fluoribus vitrescentibus vterentur, qui non apti sunt metallo huic tam facile in vitrum abeunti. Processum igitur perspicue explicat noster. Non coit Magnesium cum mercurio, difficulter cum zinco, ceterum satis bene cum aliis metallis, quae tentauit.

VII. CLAUD. BIERKANDER *phalaenas duas*. de p. 156. scribit, quarum larvae floribus cerasorum et pomorum nocent. 1) Ph. prunella, quo nomine in *Fauna Suecica* appellatur, non reperiunda in Syft. Nat. et FABRICII *Spec. Inf.* Larua metamorphosin sub terra subitura filo ex arbore descendit, ita pendens destrui potest. 2) Ph. rectangulata.

Trimestre tertium.

P. 159. I. LEIIIONMARK pergit differere *de radicibus æquationum cubicarum.*

P. 171. II. SCHEELLE *de terra rhabarbari in pluribus vegetabilibus reperiunda.* Alphabetico ordine enarrat vegetabilia, alia, in quibus repererit eam terram, alia, in quibus non repererit. Comminutis vegetabilibus infusum acidum salis digestionem exposuit, deinde id alcali volatili caustico saturavit. Terra illa soluitur ab acido, et præcipitatur ab alcali.

P. 172. III. IDEM quaedam monet circa præparationem *magnesiae albae.* Duplicem tunc contingere decompositionem, acidum vitrioli salis anglici uniri alcali vegetabili, ipsius autem alcali acidum æreum iam liberum, *Magnesiae.* Sal neutrum, quod simul oritur, alcali vegetabile vitriolatum, reiecitur. Similis decompositio fit, *magnesia*, loco acidum vitrioli soluta in acido salis, nisi quod tamen oriatur alcali vegetabile salitum, etiam reiectione. Igitur sale anglico, et sale vulgari separatim in aqua solutis, et mixtis solutionibus, acidum vitrioli salis anglici, iungitur alcali minerali salis vulgaris, et acidum salis, *magnesiae.* Ita habetur mixtura, continens alcali minerale vitriolatum, siue sal Glauberi et *magnesiam salitam.* Antequam præcipitetur *magnesia*, separari potest sal Glauberi crystallatione. Id vero non succedit nisi hieme, thermometro aliquot gradus infra punctum glaciale constituto. Modum procedendi vberius describit.

P. 175. IV. ERIC. ODHELIUS M. D. Prof. adiunctus artis obstetriciae Holmiae, *Monstrum humanum* describit et depictum tradit. Carebat cerebro, nervis, corde et visceribus nobilioribus, aderant vero caluaria, alia ossa, genitalia, pedes et alia. Suspiciatur, *masculam* hanc informem productam a duobus ouulis im-



impraegnatis, quae commixta se mutuo destruxerint. Si pro mola habeatur, ad maxime organicas pertinet, cum cutem habuerit, caua pectoris et abdominis, bene formata quaedam intestina, extremitates inferiores, et alia.

V. CAR. N. HELLENIVS, M. D. Prof. Oboen-p. 180. fis, describit *vermem* habitantem in *hepate Gadi Lotae* (*Loke Suecici*). Nominatur illi *Taenia Lotae* inter taenias viscerales referendus, proximus Hydatigenae, cui simillimus est. Figurae hepatis et vermis exhibentur.

VI. SAMUEL OEDMANN describit *Anatem Fuscam* LINN. Suecis *Svårta*, eiusque Oeconomiam.

VII. GUSTAV PAIKULL describit Laruam, quae p. 196. abiit in phalaenam *Noctua Parthenias* dictam. Est 16poda, pilis rarioribus, viridis, albo tenue lineata, pedibus intermediis inaequalibus. Quas educavit illae nullis foliis nisi betulae vesci voluerunt, etsi LINNEUS in quercetis collocet.

VIII. HENR. NICANDER quinta vice continuat p. 199. theoriam *machinae hydraulicae spiralis Wirzianae*.

IX. CAR. N. HELLENIVS describit *Mustelam* p. 212. *Nivalem* LINN. ex animali, quod felis morfu occisum habuit, et duabus pellibus. Differentiam specificam statuit, quod sit *M. niualis*, cauda truncato-abbreviata corpori concolore. Est vero grisea aestate, tunc in sylvis habitat, animalculis minoribus imprimis auiculis et ouis infesta. Hieme alba fit, domus rusticas frequentat, mures capiens, hinc rusticis superstitio nata felices reddere apud quos habitat. Feles effugit sub niue cuniculos effodiens, in quos felis sequi nequit. Pellis emitur vsui, cui adhibetur pellis *M. ermineae*, et hac praestat, retinet enim colorem suum et non flauescit.

X. GABRIEL DONSDORF auget *Lucani* genus p. 220. duabus novis speciebus Suecicis, quarum una est: *Pa-*

*rallelepipedus* descriptus a LINN. S. N. XII. p. 561. n. 6. tanquam insectum germanicum, altera nondum

p. 222. descripta: *Piceus ater*, glaber, striatus, antennis, abdomine et pedibus piceis. Exhibetur figura. *Cerui* varietatem  $\beta$ . LINN. asserit sexu differre, nam saepius in coitu reperit, et nullibi ceruus habetur, ubi non sit etiam illa varietas.

p. 224. XI. GUSTAV. PAIKULL describit *nouam Phalaenam*, cui nomen: *Tinea Grandaeuella*. Laruam 8 Maii 1784 in quercu putri reperit, est: 16 poda, grisea, subpilosa, capite ferrugineo, primo ultimoque segmento corneo subfusco. Longitudine tunc erat linearum digiti Suecici decimalium 5. Nutriuit frustulis putribus quercinis; ex magnitudine laruae collegit, vixisse non saltem hyeme, quae praecesserat, sed etiam parte aestatis anterioris. Perrexit autem vesci ligno, per totam hiemem frequentem, et initio Martii 1785 longitudine erat 6 linearum, ex quo incremento adeo lento colligit, forte annum et plus vixisse, antequam esset reperta. Die 9. Maii abierat in pupam, conicam fuscam, nihil memorabilis ostendentem nisi quod vix dimidium repletet cavi, quod larua in frusto ligni effoderat; vtrumque extremum adhaerebat ligno paucis filis griseis, ceterum nihil texturae. Maii 29 exiit: *Phalaena Tineae*, alis superioribus fusco flavescentibus, linea curua, maculaque ouata, sulphurea versus apicem, inferioribus cinereis. *Grandaeuellam* vocat, quod tam diu larua vixerit.

p. 228. XII. IOH. L. ODHELIUS agit de *sedi acris usu externo*. Plantam recentem intra lapides comminutam, imposuit ulceribus scorbuticis, eo effectum, ut non ulterius se extenderent, et suppuratione ad sanationem praepararentur, idoneis remediis internis simul adhibitis. Inprimis hoc epithema sedi acris profuit in tumoribus illis duris, ad genua, in cruri-



eruribus et furis, qui scorbuti characterem principem constituunt huc usque difficulter sanabiles.

XIII. CAR. M. BLOM. describit *Tetraonem* Te. p. 230.  
*atricem feminam* L., quae colore a vulgaribus differt. Est princeps color super totum corpus griseus in albidum flexus (*lichtgrau*), fere ut columbarum sylvestrium, nisi quod magis albidus sit.

XIV. A. IO. HAGSTRÖM describit *cariem* in p. 233.  
*maxilla inferiore* quae feminae contigit sine dubio ab obstructione mensium. Separata est suppuratione, margo inferior maxillae inferioris cum eius labio interno et externo, ab vno maxillae angulo ad alterum, perimetro  $5\frac{1}{4}$  digiti, latitudine  $\frac{1}{2}$  dig. crassitie partis decimae digiti. Vulnus sanatum est, residua cicatrice non adeo magna. Nec vlla hinc difficultas, aperiendi os, attollendi os hyoides, et deglutiendi.

XV. A. BIARKMANN plurium annorum obser- p. 234.  
vationes edit, de tempore, quo *glacies in mari* solvitur, ad litora parochiae *Ofvansjö*; item quando *Cyprinus Brama* propagationi operam dat. Quod quidem his contingit, prima vice, cum glacies solvitur, altera, cum aqua pulvere flauo tegitur, sine dubio antherarum.

### Trimestre quartum.

I. LEIIIONMARK de radicibus *aequationum bi-* p. 239.  
*quadraticarum*.

II. ERIC. PROSPERIN; 1775 egerat de *come-* p. 274.  
*tarum minima ab orbita terrae distantia*, et theoriā cometis tum satis cognitis applicauerat. Iam pergit eadem definire *pro cometis, qui decennio sequente apparuerunt*, quorum ultimus est anni 1785, septuagesimus primus eorum, quorum orbitae definitae sunt. Simul agit de orbita eius, qui 1779 obseruatus est.

p. 285. III. THOMAS BUGGE ex observationibus, Hafniae Decembri 1783 institutis, *Martis nodum adscendentem* definit, et positum, quem observationes ostendunt, cum tabulis confert.

p. 290. IV. IO. CAR. WILKE *Presterum* (*Wasserhosen, Wolkenzüge*) phaenomena quomodo imitetur aqua intra vas cylindrum in vortices acta, 1780 ostenderat. Haec autem cum non faciant ad ipsa *metheora* explicanda, de horum causis iam agit, et tantum non omnes quos ediderunt scriptores, non sufficere ad phaenomena singula explicanda, prolixius monstrat. Concludit, forte ad electricam vim recurrendum esse.

p. 307. V. SAMUEL OEDMANN describit oeconomiam *Mergi Merganseris*. Vulgare animal tamen non satis noscitur. Systematici *Sexuum* discrimina in species diuiserunt. OEDMAN has agnoscit:

1) *Mergus Merganser*, cuius femina est *M. Castor*; 2) *M. Serrator*; 3) *M. Cucullatus*; 4) *M. Albellus* cuius femina est *M. Minutus* LINN. Iam primae speciei hos edit characteres. *Mas* cap. atrouiridi nitente, vix cristato, collo niueo, dorso cinereo, rectricibus niueis, remigibus anticis atris, pectore abdomineque flauescente, pedibus ruberrimis. *Fem.* Cinerea, c. cristato rufescente, gula alba, alis speculo albo, linea nigra diuiso, pectore et abdomine flauescente, pedibus pallidis. Aliae harum auium oua in lapidibus ponunt, aliae in quercubus annosis cauis. Oua interdum 14 edunt, plura, si caute aliqua subtrahantur. Pullos vix exclusos, nocte ex nido in quercubus, ad litus maris satis remotum portant, quod fieri cum observatione constat, nemo tamen vidit, quomodo mater pullos teneros ita prehendat, vt rostro dentibus armato non laedat. Sapor, a pinguedine subcutanea ingratisissimus, nequidem ablata pinguedine corrigitur, itaque non nisi



nisi plebs illis vescitur, lautioris conditionis homines integumento pennis ditissimo vtuntur. Sapor sine dubio inde nascitur quod piscibus vescantur, imprimis mucosis, vt Blennio viuiparo LINN. In mare aliquando OEDMANN reperit anguillam 18 digitos longam. Sine dubio vincendis his piscibus dentes rostri destinantur. Quae de vsu auium ad piscaturam exercendam referuntur, vbi habitat noster comprobata non vidit, et aucta saltim narratione existimat.

## II.

Dissertationes medicae Edinburgenses. Edinburgi apud Balfour et academiae typographos. 1782, 1783, 1784. 8.

**R**arius in Germania inueniuntur dissertationes Edinburgenses singulae, eamque ob rem gratum fore putamus medicis, si quam fieri potest brevissime, certiores de iis faciamus, quae in manus nostras peruenerunt. Sequemur ergo annorum seriem:

1782. *Mens. (24) Iun.*

I. *Dissertatio medica exhibens cogitationes physiologicas de vita et viuificatione materiae humanum corpus constituentis — auctore IOANN. THEODORO VAN DER KEMP, Rotterodamo-Batauo, 24. Iun. Edinburg. ap. Balfour et Smellie 1782. 113 pagg. Absolvitur omne opusculum binis sectionibus, quarum altera vitam et principiis hominis praemissa generalia exhibet, altera vero vitam humani corporis speciatim sistit. Vtraque variis capitibus complexus auctor est. Cap. I. quaeritur vitae in genere consideratae notio distincta, et, praeuia explicatione nominum, quid sit viuens corpus, vita, mors et cadaver,*

- p. 9. ver, *vita esse creditur facultas exercendi illas actiones, quae ad unitatem systematis unitatem appetentis*
- p. 10. *pertinent. Cap. 2. ostendit Noster, ad constituen-*  
*dum corpus, praeter materiam, requiri quoddam*  
*vinculum, quo cohaereat, i. e. anima moleculas*
- p. 20. *inter se copulans, quae non tantum materiam mole-*  
*culae secundam coërceat, verum etiam pro essentiali*  
*suo unitatis appetitu ita organice disponat, ut tota*  
*molecula quam perfectissimum unum constituat; hanc*  
*vero perfectissimam unitatem adesse statuit, ubi par-*  
*tium vires ita fuerint determinatae, ut coniunctae*  
*effectum praestent, quo, habita causarum externarum*  
*ratione, maior concipi non potest. Subiectum est*
- p. 22. *cap. 2. scholium, de demonstranda definita materiae*  
*corporeae diuisibilitate in atomos simplices et numero*  
*definitas, methodo mathematica, quae medicos*
- p. 25. *non moratur. Cap. 3. probatur contra materialis-*  
*tas, mentem esse rem a materie corporea diuer-*  
*sam; hominemque viuentem consistere ex corpore*
- p. 30. *ac principio quodam, quod vis motricis, qua corpus*  
*concitatur, fons est, et sensationum receptaculum.*
- p. 31. *Cap. 4. sistit triplex viuentis hominis principium,*
- p. 31. *i. e. corpus, animam et animae vehiculum s. ma-*  
*teriam quandam corpoream, quae cum anima in sub-*  
*stantiam multiformem, ne unitis quidem viribus dissol-*
- p. 33. *vendam, concrefcit. Vnde efficitur triplex vita cui-*
- p. 34. *que propria, et statuitur, hoc vehiculum esse flui-*  
*dum subtilissimum et mobilissimum, vitam vero*  
*animae esse essentialem, vehiculi substantialem,*
- p. 35. *corporis accidentalem. Sic transitur ad sectionem se-*  
*cundam, in qua vita humani corporis, ut effectus*  
*et actionis principium, consideratur, ut inde pateat,*  
*hos omnes deberi vitae huius virtuti. Explicat er-*
- p. 37. *go Noster cap. 5. causam corporis viuentis, eamque*
- p. 41. *a perfectione repetit; cap. 6. vitam corporis omnem*
- p. 59. *in irritabilitate ponit; cap. 7. docet, materiei corpo-*  
ris



ris, i. e. secundum Nostrum *stupendo numero formarum atomis corporeis nobiliorum*, inesse propensionem quandam ad vitam perpetuandam, eamque contineri resolutione ac attenuatione molecularum crassiorum, esse vero *nutrimentum et semen*; p. 63. cap. 8. statuit, causam efficientem viuentis corporis esse animam, eamque in construendo corpore vehiculo suo, tanquam instrumento, vti; cap. 9. p. 82. recenset conditiones, sub quibus vita materiae humani corporis conciliatur, hucque refert calorem, humiditatem, pressionem, aëris accessum et stimulos; cap. 10. tractat de effectibus huius vitae in ipso p. 86. corpore viuyente, eosque dicit *calorem, turgescentiam, mollitiem, colorem, incorruptibilitatem, robur, harmoniam, sympathiam et inseparabilitatem a mente*; cap. 10. est scholium, quo de determinanda notione p. 112. caloris in genere agitur. In ea opinione Noster est, quod nemo alius ante eum vere definierit calorem. Ecce nouam definitionem! *Calor est abstrahum praedicatum corporis calidi, qua talis s. principium separandi particulas*. Haëtenus Noster, qui methodum Wolfianam et medicinam Stahlianam, vtramque fere obsoletam, secutus est.

2. *Diss. med. inaug. de erysipelate, auctor. GUILIELM. GOURLAY, Scoto. 24 lun. 40 pagg* Collo-p. r. candum erysipelas Noster putat in numero exanthematum, quia intra cutim et cuticulam sedet, a contagio sui generis oritur, et epidemice grassatur, typho stipatum. Iam sequitur *Historia morbi, diagnosis, dispositio*, quo pertinent muliebre corpus, calidum coelum regiones, ad austrum sitae, *causae morbum excitantes, causa proxima*, quae dicitur ex parte eadem esse, quae inflammationis, *signa, morbi euentus, ratio medendi*, qua suadet Noster diathesin phlogisticam tollere, debilitati occurrere, eamque vna cum putredine remouere. Inprimis laudat ex aucto-

auctoritate Cl. *Aitken* epithemata calcarea. Cetera sunt notissima.

3. *Diff. med. inaug. de melaena* — auctore HARPER HALL, de insula Barbada, a. d. 24 Jun. 35 pag

p. 8. Praeuia definitione, qua melaena esse dicitur sanguinis vel materiae fuscae nigerrimaeue vomitus vel deiectio sine mariscarum signis, additaque *diagnosi*, ne quis melaenam cum epistaxi, haemoptysi, vomitu cruento, dysenteria vel biliosa deiectione confun-

p. 11. dat, sequitur *historia morbi*, qua eius signa scribuntur, primum appetitus prostratus, vel fastidium, flatus et ructus acidus, deinde dolor obtusus, et oneris in ventriculo sensus, cephalalgia et vertigo, palpitatio et anxietas praecordiorum, deglutitio nonnumquam difficilis, spasma stomachi, singultus pertinax, nausea et vomendi cupiditas, dolor ad regionem iecoris et lienis, post paroxysmus frigidus, magna in hypochondrio sinistro strictura, maior anxietas, nausea et vomitus sanguinis fluidi vel coagulati, similisque deiectio torminosa, quantitate varia ad libram et amplius, vnde debilitas, pulsus debilis, frequens, inordinatus, frigus summum et pallor, sudor frigidus, viscidus, catholicus, haud

p. 14. raro syncope et mors, vel hydrops. *Cadauerum sectiones* docuerunt, affecta esse abdominis viscera, ventriculum, iecur et lienem scirrhus tentatum, stomachum flatu distentum, gangraena affectum, cruore coagulato impletum, cuius color in intestinis nigrior, odor est ingrator et tenaciter manibus inhaerens, venas ventriculi tumidas vel pallidas.

p. 16. *Causa proxima*, quae sub auctore Nostro non est atra bilis veterum, utpote ficta, (quam vere, viderint alii) nec putrefactio quaedam in liene facta, cum is semper reperiatur mollis in defunctis, neque bilis diu stagnata, sed sanguis in vasis ventriculi vel intestinorum congestus, vnde

tan-



tandem fit exitus. *Causae remotae* sunt, quae de- p. 23.  
 mum cunque res possunt debilitare hasce partes,  
 iisque obnoxiae prae ceteris mulieres ob vitam se-  
 dentariam et menstruorum defectionem, item me-  
 lancholici. *Prognosis* eo redit, ut magis pericli- p. 27.  
 tentur viri, quam feminae, faustior sit idiopathica  
 melaena, quam symptomatica, facilius recidiua.  
*Prophylaxis* iubet, obviare principiis, ergo tollere p. 29.  
 plethorae incrementa quovis modo, stagnationem  
 et scirrhum subigere. *Methodus medendi* in eo con- p. 31.  
 sistit, ut caueatur quaevis actio corporis nimia, os  
 vasis claudatur, et symptomatis urgentibus occur-  
 ratur. Haec quidem recte et praeceptis therapiae  
 accommodate.

4. *Diff. med. inaug. de phthisi pulmonali* — auctore  
 GULIELMO CORP, *Anglo.* 24 Jun. 47 pagg. Ver-  
 satur Noster in natura phthiſeos pulmonum inda-  
 ganda more solito, i. e. antecedunt *causae remotae*, p. 6.  
 hucque referuntur obstructio et inflammatio, quae  
 ad gignendam phthiſin necessaria (?) fit, haemoptoe,  
 pneumonia, catarrhus, exanthemata, scrophula,  
 metastasis puris; (nonne etiam plures memorari et  
 poterant, et debebant?) Scribitur praeterea pro- p. 21.  
*gressus morbi* i. e. stadium triplex inflammationis,  
 debilitatis, putredinis colliquefacientis, puris ex-  
 creatio et febris hectica, vere adesse phthiſin do-  
 cent. Explicatur *ratio medendi*, quae sub primo  
 stadio debet opponi diathesi phlogisticae; sub altero  
 praeter illam vires fulcire, irritamenta pulmonum  
 mitigare per emetica, corticem, spiritum vitrioli,  
 opium; sub tertio putredini resistere, corticis ac  
 opii liberali usu, gummi arabico, aëre fixo, coelo  
 sado et sereno.

5. *Diff. inaug. de aëre dephlogificato* — auctore  
 IONATHAN. STOKES, *Anglo.* a. d. 24 Jun. 40 pag.  
 Sistit Noster *tabulam aërum synopticam ex distribu-* p. 7.  
*Tom. XXVIII. Pars III.* Ce *tione*

- tione chemica*, ita quidem ut via per classes fiat. In
- classe 1.* sunt aëres salini, i. e. acidi et alcalini, in
- p. 8. *classe 2.* aëres inflammabiles, in *cl. 3.* aëres stricti
- p. 10. dicti, i. e. noxius et respirabilis, quo etiam pertinet
- p. 11. *aër dephlogisticatus*. Huius explicantur synonyma, origo, vires, addita calcinatione metallorum, ut
- p. o. quae eius vera natura sit, pateat. Iam agitur de
- respiratione*, et phaenomena cruoris secutura descri-
- centur. Negat Noster, molis diminutionem ab
- aëris phlogistici, inflammabilis aut fixi liberatione
- fieri, colorem sanguinis venosi atro-purpurei ab
- aëre inflammabili vel fixo deriuari posse, hypothe-
- ses de ortu aëris fixi fixas et certas esse, hunc ope-
- cuiusvis inflammabilis ab aëre atmosphaerico prae-
- cipitari, certum esse eius ortum ab bronchiorum
- superficie, sanguine vel aëre atmosphaerico, por-
- tionem aëris phlogistici e sanguine extricari, cum
- maxima pars in aëre atmosphaerico reperiatur; con-
- p. 34. tendit vero, probabilius dici, aërem dephlogistica-
- tum a sanguine ipso inter respirandum forberi, si-
- mulque portionem aëris phlogistici et fixi fere ae-
- qualem e sanguine vel superficie bronchiorum libe-
- p. 38. ratam esse. Hinc repetit ab aëre dephlogistico
- forpto colorem sanguinis arteriosi coccineum, hunc-
- que valentissimum ad excitandam submersorum vel
- suffocatorum vitam remedium existimat. Pauca
- p. 39. subiiciuntur de *vegetatione plantarum*, quae in aëre
- phlogistico et impuro crescunt. Hinc quo plus
- aëris planta consumit, eo purior animalibus fit aër,
- et quo frequentior spiratio animantis, eo vberior
- cibus vegetabilium.

6. *Diff. med. inaug. de typho grauiore petechiali* —  
auctore GEORG. PATON, Scoto, a. d. 24 Jun. 38 pagg.

- p. 2. Exprimuntur *Historia morbi, diagnosi*, quae intra
- p. 5. signa boni vel mali euentus continetur, *causae remotae*
- p. 7. i. e. effluuia corporum, contagia, aër humidus et
- cali-



calidus transpiratio suppressa, *causa proxima*, p. 9.  
 quam occultam esse statuit, *quorundam signorum ratio*, p. 10.  
 i. e. explicatio brevis doloris capitis, affectionum  
 visus et auditus, peticularum, delirii, diarrhoeae ac haemorrhagiarum, *prophylaxis*, quae p. 12.  
 suadet cauere, ne contagio in corpus recipiatur,  
 et nocere possit; *ratio medendi*, qua debet arceri p. 14.  
 spasmus vasorum extremorum; impetus sanguinis  
 minui, vigor corporis conseruari; putredo humorum  
 corrigi, idque primum generatim, deinde singulatim  
 docetur, quin ipsum opium commendatur.

7. *Diff. med. inaug. quaedam de morbis mammarum complectens* — auctore EDUARD. HART, Hiberno a. d. 24 Jun. 36 pagg. Constat opella septem capitibus, de structura mammarum, lactis secretionem post partum, cura mulierum, quae prolem lactare velint, vel nolint, abscessibus post partum, scirrhus et cancro mammarum, denique de cura papillarum. Sterilis ager est, quem Noster aravit, certe melius excolendus, nisi cassus labor esse debeat.

8. *Diff. med. inaug. de plethora* — auctore IO. RADULPHO FENWICK, Anglo, a. d. 24 Jun. 23 pag. Descripsit Noster primo capite, quid sit plethora, altero dedit causas, tertio effectus recensuit, sed ruditer omnia, false multa, ieiune plurima.

9. *Diff. med. inaug. de menorrhagia* — auctore ANDREA SAYERS, Hiberno, a. d. 24 Jun. 32 pagg. Exhibetur definitio menorrhagiae, i. e. copiosi sanguinis e genitalibus floris, historia, diagnosi, causae praedisponentes et occasionales, causa proxima, quae ab laxitate vel debilitate vasorum vteri repetitur, prognosis, methodus medendi, qua sanguinis fluxus praesens sisti, futurus prohiberi debet.

1782.

10. *Diff. med. inaug. de tuenda salute militum* — auctore ANDREA MARSHALL, *Scoto*, a. d. 12 Sept. 52 pagg. Videtur Noster multis voluisse explicare, quae ad valetudinem militis conseruandam pertinent, ideoque agit *cap. i. de victu cohortis*, ac more solito quaedam alimentorum genera multis memorauit, at vero progressus ad pag. 48. insperato sermonem abruptit, causatus, se fragmentum, non opus integrum tentasse. Bellus mehercle homo est.
- p. 49. Sub finem laudat, ne forte, cum materies scribendi deesset, plagulae vacuae essent, institutum fanitatis cohortis Glasguensis, laudat Cullenum, Io. Stedmanum, Io. Hope, Iacob. Gregoryum, Dav. Pitcar-nium, Guil. Cruikshankium et Io. Hunterum. Gratus et liberalis homo est!

11. *Diff. med. inaug. de catarrho* — auctore HEN-RICO GARDE, *Hiberno*, a. d. 12 Sept. 28 pagg. Describit Noster sub hoc nomine *catarrhum inflam-matorium*, applicatione frigoris ortum et vulgarem, modo hac in academia sueto et recepto, i. e. scri-buntur *historia morbi*, *definitio*, secundum Culle-nium, *diagnos*, qua discerni morbus a phthisi de-bet, (hinc etiam *Darwini* experimenta repetita) et a pertussi, *causae remotae*, *causa proxima*, *ratio symptomatum*, *prognosis*, *ratio medendi*, quae in eo ponitur, vt diathesis phlogistica tollatur, aditus humorum ad partes internas prohibeatur, sympto-mata vrgentia mitigentur. In his nihil memora-bile nobis visum est, nisi hoc, quod ad exemplum Cl. HOPE cucurbitulas cruentas pectori dolenti su-perhaberi iubet.

12. *Diff. med. inaug. de mutatione febrium e tem-pore Sydenhami et curatione earum idonea*, — auctore IACOBO HUTCHINSON, *Britanno*, a. d. 12 Sept. 46 pagg. Non male rem suam perfecit, vtpote curio-



curiosam et scitu dignam, cum, experientia magistra, multae res possint efficere, ut morbi vel novi incidant, vel veteres quodammodo immutentur. Constat scriptio docta binis capitibus, *primo memorantur febres, quales tempore SYDENHAMI fuerunt*, ad ductum epidemicarum constitutionum. Ex hoc recensu colligitur, febres pristini seculi longe alias fuisse, ac nunc in Britannia, quippe illae erant omnes omnino inflammatoriae, sine notis debilitatis, animi deliquii, peticularum, haemorrhagiae putridae, flatus et excretionis foetidae, idque ob constitutionem corporis longe firmiorem. Subduntur similiter *febres, quales hodie sunt*, unde patet, *synocham inflammatoriam* et rarius fieri, et cum paucioribus inflammationis signis copulari, et sine sanguinis detractione fere auferri; crebrius incidere apud Britannos *synochum*, qui sub initio inflammationem mentitur, et paucis diebus interiectis, typum typhi aemulatur, praeterea *typhum febrem* *neruosam*, quae hic curate describitur, et liquando signa putredinis ostendit. Tunc *febris putrida* appellatur. Erant ergo febres illorum temporum, sine contagione, at quae hodie sunt, ut plurimum cum contagione. Illae sine notis debilitatis et putredinis, hae vero quam maxime; Illae cesserunt vacuantibus, hae vero sic exacerbantur. Praeterea explicantur *causae, quibus mutatio debet tribui*, nominanturque potus theae et coffeae, usus nicotinae varius, liquoris spirituosus abusus, victus vegetabilis, amplitudo et multitudo oppidorum, et luxuria communis, sed plurimum contulisse, sub auctore Nostro, videtur theae et coffeae infusio. Quibus praemissis, *cap. 2. docetur breuiter curatio febrium idonea*, nimirum synochae, synochi et typhi.

13. *Diff. med. inaug. de pneumonia* — auctore JACOBO FORSYTHE, *Hiberno*, a. d. 12 Sept. 28 pagg. Notatur hoc nomine, vt ex praefixa Cl. CULLEN definitione patet, quisque dolor pectoris febrilis, et describitur more solito, i. e. adferendo historiam morbi, diagnosin, causas remotas, locales praedispo-  
 p. 16. nentes, quo refert Noster angustiam thoracis et scirrhus pulmonis, tandem occasionales, et proximam, quam dicit spasmus externarum arteriarum, actionem auctam sustinentem, fines, puta per resolutionem, suppurationem, gangraenam et sanguinis effusionem, prognosin et curationem. In quibus nihil est, quod memorabile vel inauditum in Germania putemus.

14. *Diff. med. inaug. pauca de mente et eius in corpus effectibus exponens* — auctore PHILIPPO HOLLAND, *Anglo*, d. 12 Sept. 35 pagg. Percenset Noster breuissimis cap. 1. sensus effectus, cap. 2. effectus ex intellectus exercitio oriundos, cap. 3. effectus variarum voluntatis modificationum, i. e. spem, cupiditatem, timorem et desperationem. Sed quia haec Noster ipse tribuit Cl. CULLENIO, non attinet res notas repetere.

15. *Diff. med. inaug. de febre puerperarum* — auctore THOM. EVORY, *Hiberno*, a. d. 12 Sept. 46 pagg. Sistuntur historia morbi et sectiones cadaverum, vnde confirmatur notissima morbi ad omentum, intestina et peritonaeum sedes, *causae remotae*, i. e. grauiditas et partus, *natura morbi*, i. e. memorando causas, quae passim noxas attulerunt, nempe lochia suppressa, lactis depositionem, vterum inflammatum, contagionem sui generis, quam Cl. YOUNG assumit, aërem putridum et rem putridam nominat, erysipelas, *Hulmii* et *Whitii* opinionem,  
 p. 31. ita tamen, vt potior Nostro videatur vltima. Statuit enim, compositurus litem, febris naturam non



non semper eandem esse, modo synocham, modo typhum, dolorem vero abdominis ab inflammatione cuiusque partis ortum pro signo idiopathico habendum. Iam exhibetur *ratio symptomatum*, i. e. p. 34. abdominis tumor, quem ab lymphâ stagnante repetit Noster, vomitus subviridis materiae, quem huic feбри minime proprium esse censet, spiratio difficilis, quae debetur dolori abdominis, vires subito collapsae, ob inflammationem et foedam coluuiem scilicet, dolor cessans, ob gangraenam; *diagnosıs*, quae facilis est, *prognosis*, qua plurimae feminae morbo oppressae dicuntur, denique *medendi ratio*, quae ad dolorem et symptomata valet. In his reijciuntur venae sectio, epispastica, camphora, commendantur cathartica, refrigerantia, vinum, cortex, opium, emetica et cataplasmata censentur media, ad vomitum post purgationem ventriculi laudatur mixtura Riverii, ad diarrhoeam rebellem lotio alui ex amylo, aëre fixo vel aqua tepida.

16. *Diff. med. inaug. de cynanche typho*, — auctore GEORGIO DANIELE, Anglo, a. d. 12 Sept. 40 pagg. Curate pingitur diri et contagiosi morbi facies ad exemplum *Mercati* et *Fothergillii*, memorantur *causae remotae*, eaeque notae, una cum reprobatione dierum decretoriorum, sed argumenta eius non satis certa sunt, *prognosis* et *curatio*, quam feбри et viribus augendis accommodat. Dissuadet tamen acida sumenda, lotionem corporis acidam damnat, ut inanem et noxiam, laudat vinum, potionem e saccharo tenuem, corticem, praeter ceteris aethera, relinquit in medio camphoram. Quae vero an noua et inaudita in nostris terris sint, ut Nostro videtur, valde dubitamus.

17. *Diff. med. inaug. de affectibus animi* — auctore DAN. BRYAN, Hiberno, a. d. 12 Sept.

38 pagg. Argumentum hoc de motibus animi

- p. 9. duabus partibus continetur. Agit prima de effectibus, quos affectus animi in corpus humanum edunt, i. e. docet, quaenam sit singularum perturbationum
- p. 32. in corpus vis et potestas; altera vero ostendit, quatenus in morbis inferendis vel tollendis valeant animi affectus, i. e. ratione ac usu confirmatur commodum vel incommodum, exinde in corpus redundaturum.

18. *Diff. med. inaug. de syncope* — auctore IACOBO HARE, Scoto, a. d. 12 Sept. 56 pagg. Non mediocriter in hac materie versatus est Noster, et parum reliquit, quod scitu vel memoratu dignum vi-

- p. 5. deretur. Anteit *syncope* tristis, sed fida imago; quam
- p. 8. 9. *synonyma* excipiunt; sequitur *diagnos*, ut in pri-
- p. 11. mis a spasmodicis morbis internoscatur; *causa proxima*, quam in corde latere negat, magis in cerebro ait, cum phaenomena morbi hoc satis doceant;
- p. 15. *ratio symptomatum*, i. e. explicatio sudoris, vomitus, palloris, anxietatis, cardialgiae, palpitatio-
- p. 19. nis; *causae excitantes*, quo refertur, quicquid nervos vehementer afficit, ergo et contagio, res putridae, narcotica, animi motus, irritamenta, inprimis ventriculi ac intestinorum, languor et fames,
- p. 35. vacuatio nimia, turbata cordis actio, *causae praedisponentes*, i. e. debilitas et mobilitas nervorum;
- p. 37. *prognosis*, quae causis et effectibus rite aptatur, sed dubia relinquitur, negante tamen Nostro coagulum sanguinis sub syncope, utpote contrarium
- p. 40. *Hewsoni* experimentis; *methodus medendi*, qua tolli morbus praesens debet, futurus auerti. In his re-
- p. 44. mediis eminet frictio, aduersa est venae sectio; *prophylaxis*, quae fit euitando causas excitantes, corrigendo praedisponentes. Sub calcem leguntur
- p. 48. *notae*, quibus quaedam ante dicta contra aliter sentientes defenduntur. Negat Noster contra SAU-



VAGESIUM, syncopen spasmodorum numero habendam esse, historiam, quae in *Obs. Med. Lond. T. I.* reperitur, aliter explicari et posse, et debere, quamcunque materiem, vasis absorbentibus vel lacteis receptam, cor posse afficere, dubiam esse, immo inutilem quaestionem, quomodo fibrae muscutorum relaxatae agant in vi cerebri imminuenda, nervos cordis compressos posse idem efficere, theoriam *Whyttii* magis probabilem, quam veram esse, concretiones sanguinis post mortem demum videri ortas, prodesse lotiones alui ex aromaticis vel cardiacis, sperni debere eas, quae ex fumo tabaci constant, frigus in auferenda syncope stimulando agere, minime adstringendo.

19. *Tentamen inaug. quosdam aëris in corpus humanum effectus amplectens* — auctore SAMUEL DE BUTTS, *Hiberno*, a. d. 12 Sept. 41 pagg. Est bona repetitio physicarum aëris dotum, puta grauitatis, elateris, qualitatum, et levis quaedam ad pathologiam applicatio.

20. *Diff. med. inaug. de rheumatismo* — auctore RICARDO VAUGHAN, *Anglo*, a. d. 12 Sept. 27 pag. Sistit fidam rheumatismi adumbrationem, sub forma huic scholae propria, secundum Cl. CULLENII praecepta. Nam plurimae disputationes Edin-burgenses sistunt meram notissimarum rerum compilationem.

1783. *Mense (12) Iunio.*

1. *Tentamen philosophico-medicum de electricitate* — auctore ABRAHAM WITKINSON, *Britanno*, 61 pagg. Opusculum doctum, etsi sola compilatione constat, duabus absoluitur partibus, quarum prima explicat *phaenomena electricitatis et naturam*, p. 7. ex placitis optimorum scriptorum, altera exhibet

p. 43. *electricitatem medicam*, i. e. recensum morborum, quos sic curatos esse viri summi contendunt; sunt vero hoc ex numero febres intermittentes, amaurosis, ophthalmia, fistula lacrumalis, angina, rheumatismus, sciatica, odontalgia, podagra, paralyfis, tremor, tetanus, chorea s. Viti, trismus, ischuria, amenorrhoea, dysphagia, contractiones musculorum, excretio taeniae, raucedo, contusiones et distensiones artuum, tandem tumores cancrofi, et narrantur omnia ex fide auctorum.

2. *Diff. med. inaug. de tetano* — auctore GULIELMO MUNRO, *Scoto*, 66 pagg. Congessit Noster, quid hoc de morbo vndiquaque dictum et scriptum est. Laudat ad vim morbi spiritum aethereum vitrioli ex testimonio Cl. GULPIN, medici Grenadenfis, pissellaeum Barbadenfe, binis horis per cochlearia datum, ex ore CULLENII, cicutam ex fide IOANNIS HUNTERI. Ergo mera est compilatio.

3. *Diff. med. inaug. de malo hypochondriaco* — auctore IOANNE STARK, *Fifano*, 55 pagg. Definit Noster hypochondriacum sub magistro CULLENIO per *dyspepsiam cum anxietate, molestia et metu ex rebus parum valentibus plerumque in temperamento melancholico*, et explicat morbum more illinc re-

p. 8. cepto. Putat, eum interdum per periodos venire

p. 12. ac decedere, semperque copulatum cum melan-

p. 27. cholia (?) esse, torporem habendum pro causa proxima, at vero medendi ratio, quam scribit, non sufficit explanandis et tollendis symptomatis.

4. *Diff. med. inaug. de amenorrhoea* — auctore ROBERTO HARDING, *Hiberno*, 43 pagg. Expressit Noster imaginem huius morbi fideliter, sed

p. 19. parum est, quod inde excerpamus. Statuit, ob-

p. 23. structionem mensium oriri ab impedita ovarii secre-

p. 33. tione per spasmos extremorum vteri vasorum, epilepsiam vero ab nervorum cerebri mobilitate, venae

sectio-



sectionem caute quidem et in brachio adhibendam, p. 34.  
 vesicas calida aqua et furfure repletas inguinibus su- p. 37.  
 perhabendas ex GUIL. HUNTERI consilio, reiicien- p. 38.  
 dum emeticum, opium etiam, nisi ab animi motu sit. p. 40.  
 suppressio, negligendas cantharidas, mercurium p. 42.  
 aliquot diebus ante, quam fluor venire debuit, ex-  
 hibendum, spernenda emmenagoga et ipsum me-  
 lampodium, commendandam haud raro *venerem*,  
 sed tunc, sub auctore Nostro, *medico, iubenti largo*  
*opus est capillamento, ingenti baculo, aureaque tabaci*  
*theca*, quae iuueni (puto) defunt. Ecce decorum  
 medici Edinburgensis.

5. *Diff. med. inaug. de iis, quae ad sanitatem*  
*conseruandam plurimum conferre videntur* — auctore  
 CHRISTOPHORO STANGER, *Anglo*, 37 pagg.  
 Recensentur quaedam alimentorum genera, potus,  
 exercitatio, aër, affectus animi, secretio, somnus,  
 vestitus, mundities, consuetudo, et quid quaeque  
 res valeat ad valetudinem vel conseruandam, vel  
 prosternendam, breuiter explicatur.

6. *Diff. med. inaug. de contagione* — auctore  
 HUG. OWEN, *Cambro-Britanno*, 47 pagg. Hoc  
 sibi sumsit Noster, vt causas febris fictas refellat,  
 veriolemque aliam tradere aggrediatur. Negat p. 6.  
 ergo, talem febris causam esse frigus, quia potius p. 10.  
 aduersatur, defatigationem, cibum et potum ni- p. 11.  
 mium, *venerem* immoderatam, motus animi, at- p. 13.  
 mosphaerae mutationem et miasmata palustria, re- p. 15.  
 linquit ergo solam *potestatem nociuam*, i. e. *contagio-*  
*nem specificam, ab corporibus hominum proficiscentem,*  
*quae sanis applicata similem morbum progignit.*  
 Scribuntur ergo notae febris a contagione, quod p. 16.  
 crebrius incidat ab commercio sanorum cum infectis,  
 vt plurimum affectet eos, qui sese inuicem inuifunt,  
 vel gregatim veniunt, vagetur in iis locis, vbi in  
 angusto spatio multa hominum turba est, vel in  
 nauibus

- nauibus hominum copia nobilibus, et vberius exemplis confirmantur. Hinc fit conclusio, hanc causam esse fontem febris continuae communem, ceteras vero fictas. Iam inquiritur in originem contagionis, negaturque, hanc fieri ab putredine vel effluuiis humanis (?), sed ubi quaeritur, *qua ratione ac unde in nostrum terrarum orbem peruenerit*, respondet Noster, *opificem rerum omnipotentem et sapientem originem eius tenebris inaccessis obtexisse, generatam fuisse hanc vel ab ortu mundi, vel saltem ante aëtorum annales*. Hem, quam bene ac docte! Ergo cassa Nostri opera est, qui, promissoris magni more, multa pollicetur, sed nihil praestare potest.
- P. 32. Ex his concluditur, facillimo negotio posse febrem in exilium mitti, pestilentiam ab Europa arceri, nosocomia et naues a contagio liberari, modo infecti non recipiantur. Hem, quam noue ac sapienter! Sequitur modus, quo contagionis progressus declinetur, contineturque ille quidem aëre, contactu rerum vel hominum infectorum, et fomite.
- P. 38. Sub calcem iterum negatur, feminia febrilia debilitate non consistere.

7. *Diff. med. inaug. de mensibus paucisque morborum ab eorum vitiis pendentium* — auctore IACOBO FRID. MARTLEY, *Hiberno*, 42 pagg. Contendit Noster, causas mensium, adhuc ab auctoribus memoratas, nequaquam sufficere ad rem explicandam.
- P. 9. In his paullo insolentior ea est, quam Cl. EMMET proposuit, nempe sanguis ab turgescencia sub coitus appetitu stagnans in vtero. Refert etiam Noster tres mensium impeditorum species, emanationem, suppressionem et fluorem difficilem, symptomatica cuiusque, remedia, causae. Sed haec lippis et tonsoribus nostris satis nota.
- P. 19.

8. *Diff. med. inaug. de ictero* — auctore IOANNE MURPHY, *Hiberno*, 38 pagg. Persecutus est Noster

ster



ster iæterum, more tyronum Edinburgensium, historiam morbi, causam proximam, causas remotas, symptomata, diagnosin, prognosin et medendi rationem memorans, sed nihil scripsit, quod memorabile videatur.

9. *Diff. inaug. med. de scorbuto* — auctore RICHARDO KIERNAN, 35 pagg. Distribuit Noster p. 2. scorbutum in tria stadia, quorum primum nobilitatur lassitudine insolita et debilitate, tumore ac pruritu gingivarum liuidarum, spongiosarum et fungosarum, halitu graueolente, maculis cutis, praesertim tibiae ac cruris, liuidis; alterum tumoribus membrorum, cum maxime genuum, liuidis et dolentibus, dolore pectoris ingrauescente, motu corporis difficili; tertium haemorrhagiis oris, narium, ani, dentium casu, veteris vlceris apertura foeda, fungorum prouentu, clausula vitae per hydropem, iæterum vel phthisin, post mortem vero solutione epiphysium et cartilaginum, effusione sanguinis in tela cellulosa, musculorum rigiditate ac putredine solita. Iam scribuntur *definitio morbi, diagnosis, causae remotae*, i. e. debilitas et tristitia, causae excitantes, i. e. cibi inopia, vel prauitas, frigus et humidum, desidia, animi motus subito deprimentes, tandem *curatio* his tollendis apta. Subiicitur *causa proxima*, quam Noster in totius corporis, praesertim ventriculi, debilitate ponit, indeque repetit symptomata, variis in stadiis obseruata; *prognosis* et *curatio*, sed haec iterum lippis et tonsoribus nota. P. 6. P. 24.

10. *Tentamen med. inaug. de typho* — auctore THOMA WALLER, Britanno, 36 pagg. Explicat Noster typhum, sed vulgariter, theoriam febris ex CULLENII praeceptis scribit, inter remedia memorat corticem rubrum; cetera centies recocta sunt. P. 32.

11. *Diff. med. inaug. de ascite* — auctore IACOBO NASMYTH, *Scoto*, 20 pagg. Credit Noster, asciten esse progeniem vitiorum seculi et vix sanabilem, causam proximam statuit exhalationem auctam vel sorptionem imminutam, et medendi viam eam commendat, quae vires tonumue corpori reddat, humoremque vacuet. Prius faciunt cortex et mars, vinum, exercitatio, posterius vero cathartica, diuretica, diaphoretica, emetica.

*Mense (12) Septembri.*

12. *Diff. physico medica de sonis et auditu*, auctore EDMUNDO SOMERS, *Hiberno*, 35 pagg. Constat dissertatio quatuor capitibus. Primum agit de sono eiusque propagatione (physice), alterum de auris humanae structura (anatomice, sed imperfecte), tertium de auditu vel modo, quo soni a nobis percipiuntur, (breuiter, ita tamen, vt aquae labyrinthi vim attribuat vltimam neruulos feriendi ac tremulum motum ad cerebrum vsque prouehendi, immo vero doctam diiudicandarum fidium aurem ab magnitudine et figura labyrinthi diuersa repetit); quartum de quibusdam auditus vitiis, sed ieiuue.

13. *Tentamen med. inaug. de somno* — auctore STEPHANO DICKSON, *Hiberno*, 37 pagg. Versatur Noster vnice in somno naturali, sed ita, vt meminisse videatur illius Ciceroniani, fronte libelli affixi: *Quid melius, quam in mediis vitae laboribus obdormiscere?* Scribendi genus enim tam horridum est, vt auctori doleat hasce paginas tam festinato scriptas, confestim publici iuris facere. Sequuntur ad calcem notae probationibus stabilientes quaedam in praecedente tentamine affirmata, sed quae melius erat omittere. Noster enim variis tentaminibus scilicet certior factus est, pulsum dormientium esse len-



lentiolem, negat, corpus aut animum in perfecto somno et in perfecta apoplexia a voluntate regi, ait, calorem minui, etc. Sit ergo Nostro post gradum Doctoris semper somnus facilis!

14. *Diff. med. inaug. amplectens quaedam de utero gravido* — auctore BENIAMINO KISSAM, *Americano*, 35 pagg. In anatomica partium descriptione p. 1. inest parum de circuitu directo inter matrem et fe- p. 21. tum, de graviditatis sequelis, de cura gravidæ, p. 29. sed desiderantur, quæ iurè inesse putes. Est ergo hæc scriptio vna ex pluribus.

15. *Diff. med. inaug. de somno* — auctore ROBERTO C. EGHORN, *Scoto*, 51 pagg. Haud levis de somno libellus est, qui quatuor capitibus constat. 1. *Phænomena somni*. Imago fideliter p. 3. expressa. 2. *Causæ somni*. Memorantur impressio- p. 6. nes nullæ vel leues, desideria expleta dolorque decedens, relaxantia quæque. 3. *Effectus somni*. p. 16. Dicuntur in eo consistere, quod sensus res externas fere non capiant, mobilitas musculorum minuatur, et quævis secretio etc. 4. *Causa proxima* p. 27. *somni*. Hanc Noster ex CULLENI auctoritate collapsum vel immobilitatem sumendam suadet. Sub p. 33. finem adduntur pauca et manca *de somniis*, quæ definiri non posse et sperni debere creduntur.

16. *Diff. med. inaug. de hydrope* — auctore ARTHURO GRANT ROBERTSON, *Antiguensi*, 33 pagg. Dicit Noster, *hoc summa festinatione finitum opuscu-* p. 33. *lum*, et recte: Nam nihil intus est, quod memorabile putes. Præstabat ergo, honores sine festinata opella ambire.

17. *Tentamen physicum inaug. quaedam de evaporatione complectens*, auctore IACOBO PATERSON, *Britanno*, 52 pagg. Absolvitur libellus tribus capitibus. Primum agit *de evaporationis theoriis di-* p. 7. *versis*, puta NIEUWENTYTI, WALLISI, CARTE-  
SII,

- SII, DESAGULIERI, HALLAEI et BLACKII, subiuncta quadam sententia propria, qua vaporatio dicitur esse processus duplex, ad solutionem aquae in aëre necessarius. Alterum caput inscribitur *de quantitate aquae in aërem exhalata*, quae immensa esse dicitur, et nos in oceano | vivere videmur, si auctori credimus. Tertium versatur in explicandis *quibusdam euaporationis effectibus*. Sunt vero frigoris | notabilis generatio, ebullitio, nubium formatura, grandinem, nebulas, ros, pruina et fluminum ortum complexa.
- P. 34.
- P. 38.

18. *Diff. med. inaug. de hysteria* — auctore ROBERTO GROAT, Britanno, 49 pagg. Decurrit commodo disputatio per definitionem, historiam morbi, diagnosin, seminia, noxas, causam proximam, quam in *affectu canalis alimentarii spasmodico, a statu certo forsitan partium genitalium proficiente, item in motu antiperistaltico aucto et admodum magna systematis nervosi irritabilitate* ponendam esse censet; per euentum morbi et rationem medendi. Haec iubet in subsidium vocare spiritum aethereum vitriolicum, sub histrionum principe ac coryphaeo, *Grahamo*, electricitatem, alcali volatile, asam foetidam, opium, artemisiam, pediluvia, et fomenta, spernere contra moschum, camphoram, hyoscyamum, cicutam, valerianam, castoreum, his etiam ex usu Cl. GREGORII addere acetum largius sumtum. Tandem coronidis loco scribitur *consilium de impediendo reditu*, suadendo regimen idoneum, aërem purum et frigidum, exercitationem, balneum frigidum, oblectationes et medicamenta tonica, et singulatim quaevis explicando.
- P. 24.
- P. 36.

19. *Diff. med. inaug. de ictero* — auctore DIONYSIO KEOGH, Hiberno, 35 pagg. Sterilis est disputatio; falleris, lector, si qua noua quaeris.  
Nam



Nam nec origo icteri a vasorum lymphaticorum sorbentium vitio auctori nota est.

20. *Diff. physica inaug. de visu* — auctore IONATHAN DUDLEY, *Hiberno*, 33 pagg. Memorantur quaedam de lumine, de oculo, de videndi methodo (physice), de visus vitiis quibusdam, (medice, sed parum de myopia et presbyopia);ieiuna ergo est scriptio, et, vt plurimae harum disputationum, ex praelectionibus professorum facta compilatio.

21. *Diff. med. inaug. de febribus intermittentibus medendo* — auctore FRANCISCO BUCHANAN, *Scoto*, 80 pagg. Continet se auctor intra notissima huc pertinentia praecepta, sed vere diiudicat omnia, nec omissa quidem nupera de cortice peruuiano rubro disputatione.

22. *Diff. med. inaug. de scarlatina cynanchica* — auctore ANDREA COVENTRY, *Scoto*, 55 pagg. Curatius et vsui accommodate describitur haec febris contagiosa, sed iterum repetenda est nostra confessio, nihil noui haec scriptio apportat scilicet.

23. *Diff. med. inaug. de hydrothorace* — auctore CAROLO HILL, *Hiberno*, 35 pagg. Definit Noster morbum secundum Cl. CULLENUM, qui fallit sub specie catarrhi, si ab thorace incipit, contra sub specie hydropis, si aliunde venit; post *diagnosin* p. 15. exhibetur *theoria morbi*, qui ab exhalatione ac sorptione impedita repetitur; *ratio symptomatum* i. e. p. 23. dyspnoeae, tussis, difficilis decubitus, palpitationis, somni cito abituri, vrinae parcae et sitis, item stuporis brachii; *prognosis*, vtpote plerumque in- p. 27. fausta; *methodus medendi*, quae intra notissima prae- p. 28. cepta consistit.

24. *Tentamen med. inaug. de variolis* — auctore P. GULIELMO FERGUS, *Hiberno*, 29 pagg. Est leuis variolae benignae et malignae adumbratio, et Noster videtur hanc soli feбри inflammatoriae et  
Tom. XXVIII. Pars III. Dd putri-

putridae accommodare. Quam vere, huius loci non est multis anquirere.

25. *Tractatus med. inaug. quaedam de diaeta seu materia dietetica ipsiusque in corpus et in mentem effectibus complectens* — auctore THOMA BELL, *Hiberno*, 48 pagg. Non spernenda quidem opella isthaec est, cum praecepta victus ordinandi potiora plane ac perspicue tradantur, etsi noua non adferat. Constat tribus partibus. Prima est *de victu solido*. Praeuiua quaestione, vtrum homo animal carniuorum sit appellandus, nec ne, et quae sit victus ex animantibus et vegetabilibus diuersitas, explicantur dotes lactis, piscium, varia variorum ciborum conditio in ventriculo et intestinis, et diuersi victus in sanguinem effectus, diuersa nutrimenti quantitas, manducatio et ciborum coctura (quidni haec posteriora primum locum occupant?)
- p. 10. Secunda est *de potu*. Huc referuntur aqua, liquores fermentati, spiritus destillatus, theae et coffeae infusum et decoctum ex cacao nucleo. Tertia est
- p. 36. *de cibi diuersi in mentem effectibus*. Per exempla quam breuissime docetur, victum animale fecisse nationes feroces et bellicosas, victum vero vegetabilem mites et mansuetas, diuersum victum, siue spectes qualitatem, siue quantitatem, valere plurimum ad intelligentiam et phantasiam vel excitandam, vel deprimendam.
- p. 44.

1784. Mense (24) Iunio.

- I. *Diff. med. inaug. de leucophlegmatia* — auctore IOANNE UNTHANK, *Hiberno*, 82 pagg. Orditur
- p. 7. Noster ab *signorum enarratione*, eaque satis accurata, et subdit *definitionem*, vtrumque morbum, i. e.
- p. 14. leucophlegmatiam et anasarcam, eundem professus; *theoriam*, i. e. causam proximam solidorum
- p. 19. laxatio-



laxationem et humidorum intemperiem; *remotas* p. 27. *causas*, ex quarum numero sunt aër frigidus et humidus, cibus levis vel tenacis materiae, frigida vel immodica potio, crebra vel nimia sanguinis detra-ctio, morbi praegressi, excretio cohibita, tristes animi motus, abusus liquorum spirituosorum; *pro-* p. 39. *gnosin* stadio morbi adaptatam; *curationem*, quae p. 41. in eo consistit, ut *diathesis leucophlegmatica corrigatur*, leuando causas et restituendo tonum, ut *effusus humor euacuetur* vel per *vias naturales*, i. e. emeticis, catharticis, diureticis, diaphoreticis et sialagogis, vel per *emissaria noua*, i. e. vesicantibus, incisionibus, fonticulis, attrahentibus; ut *effusi humoris sorptio promoueat*ur, idque fit stimulantibus, frictione, electricae materiae appulsione ac mercurio; ut *recidius morbus auertatur*, adhibendo auxilia tonica et balneum frigidum. Haec quidem singulatim percensentur, sed copiosa repetitione non egent, quia nota cuius medico sunt. Quaeritur sub finem, *an potus liberaliter dandus sit?* et respondetur, p. 78. potiones saepe idoneas, aliquando necessarias esse.

2. *Diff. med. inaug. de morbo venereo* — auctore IOANNE MURDOCH LOGAN, *Ciue Bostoniensi Americano*, 50 pagg. Repetit Noster primas luis venereae origines ab 1493. ex fide historica, quae potior est Cl. HENSLERI coniectura, et contra DUNCANUM et TODIUM hanc et gonorrhoeam eundem morbum esse profitetur. Breuiter hoc probaturus, p. 3. exemplis docet, eandem feminam impuram alii gonorrhoeam, alii luem impertiisse, virus, vrethrae admotum, illam generasse, vtrumque morbum, ipsum bubonem et faucium ulcerationem in locum alterius successisse, et cum haec adfuerit, luem inueteratam a gonorrhoea excitatam esse, hanc suscitare posse luem sine bubone, non semper in gonorrhoea reperiri vlcus, bubonem vero non fa-

- cile fieri sine vlcere, notas vlceris erodentis in pene demonstasse Cl. MONROUM, hocque adesse posse sine vestigiis relictis. Haec quidem omnino repugnant dictis Cl. TODII, audacter contrarium defendentis. In *historia morbi* apte describitur gonorrhoea et ipsa lues. Sorptionem per glandulas lymphaticas fieri affirmatur cum et sinerossione, etsi hoc rarius, virus ad naturam materiae contagiosae multiplicari, cutem vitium prodere primum circa radices capillorum sub forma macularum subrubrarum vel purpurearum. *Signa, quae hunc morbum ab aliis secernunt.* Difficile est, gonorrhoeam a leucorrhoea sub initio distinguere, sub progressu difficilius. *Bubones venerei* cognoscuntur eo, quod glandulae inguinum superiores occupantur, aliquando duritie vasculorum lymphaticorum a pene usque ad inguen summum. *Modus, quo contagio systema ingreditur, et causae morbi.* Negat Noster, morbum hunc foedum sine coitu olim ortum, iam vero natum ait contactu, praesertim vasculorum absorbentium lymphaticorum osculis ingredi. Gonorrhoea vna via coitus implantatur, lues vero vel parentum ministerio, vel a contactu, v. c. ab osculatione. Procliuitas forte est in maiore absorbendi potestate quaerenda. Acrimonia virus venerei est causa proxima. *Nonnullorum e signis explicatio.* Virus in extrema glande muco mistum reponitur, et sensim proserpit. *Euentus.* Non adeo malus est. *Ratio medendi.* Post praecepta gonorrhoeae prophylactica, in quibus est aqua calida cum sapone mista, item alcali causticum, non, nisi ex plurima aqua exhibitum, iubet Noster, inflammationem tollere vel minuere, tonum restituere, signa fortuita remouere. Primum scopum faciunt venaesectio, cathartica lenia, diuretica, lotio calida partium affectarum; secundum cortex, balneum fri-



frigidum, alumen, balsamum copaiuae, extrinsecus iniectio ex albo vitriolo, saccharo saturni, aerugine aeris (?), opium; tertium remedia accommodata symptomatis, v. c. phimosis, tontigini, testium tumori etc. Praeter haec suadet, semper aliquid mercurii sumendum, ne qua miasmatis pars absorbeatur. Quod ad *luem* attinet, solus iuuat p. 44. mercurius. Ad vlcuscula commendat Noster merc. praecipit. rubrum, hortatur, vt bubo semper discutiatur, et praefert sub curatione huius mercurium ore haustum. Quin Cl. CLARE methodum laudat et probat, ceteris vero anteposit pilulas caeruleas Edinb. Cetera non sunt memorabilia.

3. *Diff. phys. med. inaug. de pathematibus animi eorumque in corpus humanum effectibus* — auctore GRAEMIO MERCER, *Scoto*, 45 pagg. Quinque capitibus complexus est Noster potiora praecepta de natura et causis affectuum, de rebus excitantibus et deprimentibus, de signis externis, de virtute pellendi vel efficiendi morbos, sed nihil intus est, quod memoratu dignum putes.

4. *Diff. med. inaug. de phthisi pulmonali idiopathica*, — auctore RICARDO KENTISH, *Anglo*, 45 pagg. Praefatus est Noster de hoc morbo Britannorum endemio, qui singulis annis 4000 — 5000 incolas rapit. Modus tractandi, vt in reliquis disputationibus huius academiae. Memorabilia sunt. Singulare vitium est, quod tunicae ad- p. 6. natae vasa rubra euanescent, et albescit membrana margaritae in similitudinem. Pus sorptum non est p. 8. causa febris hecticae, nec materia noxia retenta, vt Cl. REID statuit, potest exacerbationes quotidianas suscitare. Repetendae ergo ab irritabilitate illae p. 11. sunt. Inter causas praedisponentes refertur venustas p. 14. quaedam, cum sensu ponderis ad praecordia copulata. Albedo dentium signum est phthiseos, p. 15.

sed fere iuncta cum macula lactea in centro, eaque  
 oriri videtur ab actione materiae salinae ori insiden-  
 p. 19. tis. Causa proxima est debilitas. Tubercula pul-  
 p. 23. monum sunt vasa bronchiorum lymphæ coagula-  
 p. 24. bili referta. Expectoratio est omnium signorum sal-  
 p. 25. lacissimum. (Hic quaedam *de natura puris* Noster  
 narrat, et distinctionem inter pus et mucum super-  
 p. 27. fluam putat.). Neque periculosa puris est reiectio,  
 p. 34. nisi sit etiam copiosa, foetida. Lac non est profi-  
 p. 42. cuum phthificis. Balsama non sunt omnino reiici-  
 cienda.

5. *Diff. med. inaug. de vermibus intestinorum* —  
 auctore THOMA WALLIS, *Hiberno*, 53 pagg. Con-  
 tinet se Noster intra explicationem vermium com-  
 p. 10. muniū, taeniae, ascaridis et lumbrici. Mucum  
 negat esse causam, oriri eos ait ex ovis, quae vna  
 p. 15. cum cibo animalia ingrediuntur. Signa vermium,  
 p. 20. praeter excretionem, dubia sunt et ancipitia. Du-  
 bius etiam tumor oedematosus ad narium alas, quem  
 p. 21. Cl. HOME memoravit. Difficilius est, hydroce-  
 phalum internum incipientem a vermibus distin-  
 p. 23. guere propter signa quaedam communia. Sym-  
 ptomata satis produnt, ventriculum et intestina  
 p. 27. turbari vermibus, hinc digestionem impediri. Me-  
 dici est, eiicere vermes, et effectis inde sequen-  
 p. 30. tibus obsistere. Pulvis stanni mechanice agit; are-  
 p. 31. na deuorata interdum profuit: Dolichos pruriens,  
 mole gr. ii — viii sub forma boli vel electuarii sum-  
 p. 33. ta, mire iuuat. Oleum nocet iis, quibus spiracula  
 sunt. Minus certa aqua calcis deglutita vel iniecta  
 p. 34. est. Calomelas iuuat. Vitriolum viride inter ob-  
 p. 35. soleta est. Spigelia Marylandica laudabilis. Etiam  
 p. 42. radix filicis. Cortex *Geoffraeae Iamaicensis inermis*,  
 Angl. *Cabbagetree bark*, sub forma decocti, syrupi,  
 pulueris et extracti, exhibetur tuto et salutariter.

Cata-



Cataplasmata parum proficere possunt, enemata non P. 50.  
nisi ad ascarides. P. 51.

6. *Diff. med. inaug. quaedam de sedentariae vitae malis amplectens* — auctore IOANNE POTTER, Anglo, 56 pagg. De sedentariae vitae malis acturus Noster praemisit. *Part. I. pauca de historia et P. 9. causis morborum in variis aetatibus ex sedentaria vita, vere quidem, sed non noue; Part. II. scripsit de P. 28. exercitationis in corpus humanum effectibus; Part. III. P. 34. de usu exercitationis ad sanitatem tuendam et morbos leuandos.* Commendatur ad tollendam vel minuendam amenorrhoeam, dyspepsiam, scrophulam, phthisin pulmonum, icterum, epilepsiam et hysteriam, menorrhagiam et leucorrhoeam, hypochondriasin, podagram, anasarcam et ascitem, congestionem sanguinis, vnaque optat Noster, ut gymnastice veterum denuo redintegretur.

7. *Diff. physico-med. inaug. de voce humana* — auctore EDUARDO LONG FOX, Britanno, 47 pagg. Bonae dissertatio, quae lucidum ordinem ac diligentiam multam prodit. Continetur *cap. I. Pars anatomica P. 3. i. e. descriptio partium, quibus vox absoluitur. Cap. 2. quorundam experimentorum historia, i. e. euen- P. 11. tus trium experimentorum, unde patet, ab sectione nullam mutationem in cartilagine thyroide, siue spectes contractionem, siue dilatationem, esse obseruatam. Cap. 3. quaedam observationes de sonis, P. 15. i. e. explicatio conditionum sonus. Cap. 4. De P. 18. vocis speciebus et causis. Docetur sedes et causa vo P. 25. cis, et negatur, labia glottidis eodem modo, quo fides contentae, vibrare, sed tremere, ut arundines instrumenti, quod *clarinet* dicitur; Explicantur etiam P. 27. vox grauis et acuta, quarum haec fit per aperturam glottidis contractam, illa per dilatationem; vox for- P. 30. tis et debilis, ita, ut vigor eius a quantitate ac im-*

p. 33. petu aëris deriuetur; *vocis differentiae, mutatio vocis*  
 p. 40. *tempore pubertatis, vocis vitia*, i. e. paraphonia, aphonia, pertussis, vox clangosa in cynanche tracheali, quae breuiter percensentur.

8. *Diff. therapeutica inaug. quaedam de sudore complectens*, auctore HENRICO BROUNCKER WILSON, *de insula Sancti Christophori*, 38 pagg. Praevia doctrina exhalationis, agit Noster de sudorificis, confutando aliorum sententias, addendo suam meliorem, ut putat, nempe sudorem fieri ab sero sanguinis, sed magis ab aqua, in ventriculum recepta, diuturnum vero ab ipsis corporis fluidis.  
 p. 16. Deinde diuidit sudorifica in relaxantia et stimulantia,  
 p. 23. eaque singulatim percenset. Post explicat *diaphoreticorum usum*, ad mutationes in circuitu sanguinis tollendas, et vacuandum humorem, addendo quasdam Cl. HAMILTONI observationes.

9. *Diff. med. inaug. de raphania* — auctore MICHAELE RYAN, *Hiberno*, 41 pagg. Repetuntur communia praecepta sine proprio usu et experientia. Id vnum exemplum, si verum et certum est, memorare lubet, raphaniam semel ortam esse ex plethora ob omissam venaesectionem.

10. *Diff. med. inaug. de inflammatione*, auctore IO. BARCLAY, *Scoto*, 39 pagg. Scripta et compilata est ex decretis Cl. CULLENI.

11. *Diff. med. inaug. quaedam de cancro complectens*, — auctore JONATHAN CLERKE, *Hiberno*, 32 pagg. Orsus Noster a scirrho, ad cancerum inde ortum progreditur, cui subiungit eum, qui sine scirrho venit. Sed pauca sunt, quae scire interest.  
 p. 16. Cancerum haereditarium dari credit. Causam proximam dicit propriam vasorum partis affectae actionem,  
 p. 22. qua tetrum liquorem secernit glandula,  
 p. 23. et conferre aliquid putat fermentationem. Curando cancro prae ceteris valere creditur mercurius. De  
 p. 26. notis



notis remediis quaedam monentur in transitu, extirpatio laudatur.

12. *Diff. med. inaug. de morbo psoadico*, auctore RAO BECKWITH, *Anglo*, 38 pagg. Complexus Noster sub hoc nomine est *lumbaginem psoadicam s. apostematofam* Sauvag. *phthisin cellularum* Haen. Post definitionem mali, describuntur partes affectae i. e. psoas maior, sistitur imago doloris post inflammationem in suppurationem et mortem abituri. Cadaverum sectio ostendit ingentes abscessus sub musculo psoade. Sub initio mentitur rheumatismus. Causa proxima est communis inflammationum, exitus plerumque infaustus, medendi via notissima.

13. *Diff. med. inaug. de asthmate spasmodico* — auctore THOMA RYAN, *Hiberno*, 39 pagg. Nihil noui adfert Noster. Cassus ergo labor est.

14. *Diff. med. inaug. de opio quaedam complectens*, auctore EDUARDO HARRISON, *Anglo*, 47 pagg. Bona compilatio, cuius auctor collegit, quicquid inde de opio dictum vel scriptum est. Narratur cap. 1. *opii naturalis historia eiusque in vetere medicina existimatio, analysis et praeparatio*; Cap. 2. *explicatur effectus opii*, nempe concitando pulsum, exhilarando animum, obtundendo sensum, reprimendo virtutem stomachi et intestinorum, cohibendo egestionem, sedando motum voluntarium, et alliciendo somnum, citando vel retardando spiritus reciprocationem; Cap. 3. *scribuntur morbi, in quibus medici opio utuntur*, nempe febres intermittentes, febris continua typhodes, phlegmasiae, variolae, rubeola, haemorrhagiae, catarrhus, dysenteria, sed haec ex aliorum auctoritate, praesertim TRALLESI, testis minus idonei, utpote semper meticulosi. Sub finem hortatur Noster, ut, si quando nimia copia haustum sit opium, ad

exemplum Cl. MONROI tubulo aqua larga infundatur oesophago, deinde per fistulam pneumaticam (Syringe dicitur) exantletur iterum atque iterum liquor, donec probe eluatur stomachus.

1784. Mense ( 13 ) Septembri.

15. *Diff. physico-chemica inaug. de principio sorbili siue communi mutationum chemicarum causa, quaestionem, an phlogiston sit substantia, an qualitas agitans, et alteram ignis theoriam complectens, auctore RICARDO LUEBOCK, Anglo-Britanno, 137 pagg.*

Perdiligenter versatus Noster est in hoc argumento

P. 1. non leui quidem, sed scitu digno. Agit pars pri-

P. 6. ma de phlogisto. Docetur multis, quod nullo modo principii corporibus communis infirmet existentiam,

P. 10. quia idem aliis seiunctum obuersari nequeat, item quod phlogisti, ut principii existentiae, verissimae ratiocinandi aduersentur leges. Hic etiam disquiritur, num

P. 12. phlogiston sit leuitatis principium siue grauitatis causa. Hanc sententiam nuper deseruit Cl. BLACK, et duo-

P. 15. bis experimentis reprobat Noster. Num aëris phlogisti ope imminui possit elater? Negatur. Num

P. 16. acidum aëreum ab aëre, phlogisti aduentu, deiiciatur? Negatur etiam, quia in aëre, quo nullum prehendi potest acidi indicium, idem molis decrementum manifestatur, et experimento quodam clarius fit.

P. 18. Num aëris moles vel lucis, vel caloris aufugio imminuatur? Damnatur iterum. Num aër ex acido aërea

P. 19. progenerato molis imminutionem accipiat? Hanc sententiam BLACKII et KIRWANI veram esse negat, quia in nullo experimento, nisi materies ex animalibus vel plantis sumpta fuerit, acidum aëreum progene-

P. 23. rari potest. Pars secunda agit de principio sorbili. Putat Noster, praestare aërem dephlogisticatum nominare aërem purum; Negat, hunc esse acidum

P. 33. nitrosum solum, vel ex parte maxima esse acidum,

ait



ait vero, principium forbile facere corpora ponderosiora, quae, vbi hoc deest, leuiora fiunt. Examinantur etiam *theoriae corporum combustibilium et combustionis*. Impar videtur Cl. CRAWFORD theoria explicandis combustionis phaenomenis, idque Noster argumentis aptis ostendit. His praemissis, p. 42. docet, principio forbili sulphuris combustionem detracto, aëris vel atmosphaerici, vel puri resolui compagem, at vero eiusdem principii cum sulphure nexu acidum efformari vitriolicum. Similiter, p. 49. principio forbili phosphori combustionem detracto, aëris vel atmosphaerici vel puri resolui compagem, at eius cum phosphoro nexu acidum efformari phosphoricum; Haec experimentis vberius confirmantur. Idem fieri putat Noster a carbonum combustionem, contra ab nexu horum et principii acidum aëreum. Ex his sumtionibus concluduntur, falsam esse p. 61. STAHLII sententiam de corporum combustibilium compositione, acida vero illa constare aëre ac parte materiae combustibilis. Hinc multis describitur p. 70. substantiae ante et post combustionem, et, confirmata attractione vnice electiua, quae in combustionem exercetur, formula, paucis explicat *principium forbile*, i. e. *istud principium, quod in combustionem a lucis et caloris principio, attractione corporis combustibilis validiore diuellitur*; docet, combustibilia corpora substantias esse reuera simplices, quae nullum phlogisto affine vel simile sua compage continent principium, lucis et caloris materiam esse p. 83. principium aëris proprium, lucis et caloris phaenomena ab vno eodemque principio pendere, mutationem, quae et aëri, et corporibus combustibilibus combustionem contingit, ab illa mutatione, quae acida et metalla, dum haec in illis soluuntur, insignit, et quae solutio audit, nihilo discrepare. Iam transitur ad *aërem phlogisticatum*. Negat, veram p. 110.

- ram esse receptam vtramque sententiam de huius  
aëris natura, et his praemissis, demonstrantur se-
- p. 115. quentes positiones. 1) Aër metalli cuiusvis actio-  
ne resolvitur, et calx, compositum ex principio
- p. 116. forbili et metallo oriundum, efformatur. 2) Me-  
talla acidum nitrosum, dum in eo solvuntur, re-  
soluunt, principium acido proprium aufugere co-  
gunt, et compositam vel calcem induunt formam
- p. 116. 3) Metalla aquam, quae in acido vel vitriolico vel  
muriatico delitescit, dum in his acidis immergun-  
tur, resolvunt, principium aquae proprium aufu-  
gere efficiunt, et compositam sibi adipiscuntur for-
- p. 118. mam. 4) Aër vel plantarum fermentatione, vel
- p. 120. animalium putredine resolvitur. 5) Aër anima-
- p. 121. lium respiratione resolvitur. 6) Fluidum electri-  
cum et aëre, et alia, principium forbile attrahen-
- p. 122. do, resolvit. 7) Ista corpora, quae phosphorescen-  
tia dicuntur, aëra resolvendo, principium aëri pro-
- p. 125. prium sub lucis habitu evoluunt. Sub calcem le-  
guntur *notae*, quibus vel omissa adduntur, vel me-
- p. 136. morata magis confirmantur, et concluditur, *cor-  
pora omnia combustibilia, metallica aliaque, siue ex  
plantis, siue animalibus desumta, in alia tantum, prin-  
cipium forbile siue commune attrahendo, agere posse,  
et his solis admissis, principium hoc ob imperium suum  
in chemia fere uniuersum, summam mereri cogni-  
tionem.*

16. *Diff. pathologica inaug. de sanguinis per cor-  
pus viuum circulantis putredine* — auctore SAMUELE  
FERRIS, *Anglo Britanno*, 122 pagg. Recte No-  
ster iam in prooemio statuit, eos valde errare, qui  
morbos ab solis neruis, vel solidis, vel humidis re-  
petunt, quoniam alterum sine altero consistere non  
potest. Deinde aggreditur arduam *de putredine hu-  
morum circumfluentium* quaestionem. Prima est,  
p. 4. *num sanguis, corpore viuo, putrescere possit? Potest,*  
quia



quia sanguis particeps non est virtutis vitalis, quae per nervos ex cerebro propagatur, ergo etiam morbidus fieri, et in putredinem quodammodo inclinare. (Hac occasione Noster multus est et disertus in confutando Cl. MILMAN et LINDIO quoad scorbutum, quem a putredine sanguinis fieri contendit.) Iam utitur exemplis pestis et typhi ad sententiam suam confirmandam, quod quidam putredinis gradus, viuo homine, possit infestare sanguinem. Melius et aptius haec quaestio agitari debuit.

17. *Diff. inaug. de humorum in morbis contagiosis assimilatione, in tentamine de variolae natura et sede indagata* — auctore IACOBO CURRY, *Hiberno*, 33 pagg. Negat Noster, variolam ex sanguine fieri, ait vero, dari tres infectionis vias, primum per insitionem, deinde ubi materia variolosa recta ad sanguinem defertur, v. c. in fetu vel post vortas crustas, tandem per naturalem modum, et solis deberi nervis, variolosam materiam ab extremorum in summo vasorum actione pendere; rationem, quare semel variolae hominem affectent, quaerendam esse in quadam nervosi generis mutatione, ut eadem potestas iterum nequeat afficere.

18. *Tentamen med. inaug. quaedam de febribus intermittentibus complectens* — auctore IACOBO COLLIER, *Britanno*, 39 pagg. Praemissa historia febris intermittens, inquit Noster in *causam proximam*, eamque credit, duce Cl. CULLENO, vasorum extremorum atoniam demum efficere spasmus, *re-* p. 11. *motam* vero paludum miasma vel putridum efflu- vium esse dubitat. *Diuerfas species* statuit habere p. 20. vnum genus, i. e. tertianam, diuturnitate paroxys- morum et diuersitate interuallorum tantum varian- tem. Id quod ex natura symptomatum elicitur et demonstratur. Quoad *curationem*, maxime versa- p. 29. tur

p. 37. tur Noster in definiendo usu corticis, (sed haec quidem notissima) et apud Batauos cum tartaro emetico, repetito aliquot horas ante accessionem, vel sub ipsum frigoris tempus dato, paroxysmos et breviores et leniores se fecisse profitetur. Neque haec medendi via noua est.

19. *Tentamen inaug. de pulsu arteriarum quaedam complectens* — auctore ALEXANDRO PELISIER. *Hiberno*, 29 pagg. Sistit Noster breuem, at

p. 2. non perfectam de pulsu doctrinam. Agit *pars I. de pulsu naturali*, ita, vt explicetur, quid in variando pulsu valeat aetas, sexus et corporum natura, vt doceatur, pulsum naturalem, quoad ictus, fere quouis mane conuenire, vesperi et sub somni ingressu paulum minui numerum, matutinum sedatum esse, in vigilantibus et conualescentibus post somnum paullo frequentiore, sub noctis initium octo vel plures superaccedere; (hinc febrium exacerbatio vespertina) subiecta est tabula, quam ROBINSON scripsit, pulsus matutini et pomeridiani, vt differentia melius perspiciatur. Curiosus scrutator facile animaduertet, pulsum quouis die bis increcere, bis decrescere, (hinc duplex febrium continuarum exacerbatio intelligenda) theae infusum semper eum retardare. *Pars II.* complectitur vitia

p. 10. *pulsus*, i. e. explicationem pulsus magni et parui, pleni, i. e. qui fit a nimio sanguine, validi et debilis, duri et mollis, frequentis et rari, celeris et tardi, inaequalis, dicroti, incidui, intermittentis, sed nihil reperimus, quod proprium auctori sit.

p. 25. *Pars III.* versatur in *explorando pulsu*, i. e. in praeceptis memorabilibus; ne quis fallatur. Horologium non adhibendum suadet, quia sic ceterae pulsus conditiones praeteruisuntur, ferendum putat in acutis, negligendum in longis, bonum et exercitatum medicum hoc carere posse. (Sunt et in Germa-



nia medici vaniloqui, qui ex horologio mortem ad mensem restringere audent, etsi malo cum augurio. Decent talia histrionem, non medicum, cum pauci sint medici, qui rite sciant pulsum aestimare.)

20. *Tentamen inaug. anatomicum et physiologicum de differentiis inter fetum et adultum, harum usus, et mutationes, quae in prioris corpore post partum fiunt, recensens, auctore IACOBO GERARD, Anglo, 49 pagg.* Sistitur tabula, vnde pateant differentiae generales et speciales, deinde singulatim percurruntur.

21. *Diff. de febre puerperarum* — auctore THOMAS FULHAME, *Hiberno, 12 pagg.* Post morbi historiam sequuntur *causae remotae*, quas sub de-p. 4. bilitate ac diathesi phlogistica latere putat; *natura p. 5. morbi*, quam antecessores ignorasse Noster credit, eamque variam putat pro aegrae habitu et causis, nihil huic morbo esse proprium, praeter omenti et intestinorum affectionem localem, post partum secuturam, raro simplicem, saepius compositam; *diagnos, prognos et prophylaxis, et consilia me-* p. 8. *dendi, quae continentur, si synocha adest, regimine* p. 10. *antiphlogistico, sanguinis missione, purgantibus mitioribus, emeticis; contra si cum typho incidit, roborantibus, vino rubro, victu nutriente.*

22. *Diff. physiologica de cute et tactu*, auctore LAURENTIO WALSH, *Hiberno, 40 pagg.* Orditur Noster ab *epidermidis structura et origine, ac usu,* p. 5. deinde *cutim* explicat, post agit *de tactu et eius cum* p. 28. *reliquis sensibus affinitate, de sensu tactus exercendo,* p. 35. sed ita, vt nihil inde noui discant lectores, plura supersint, quae melius dici et scribi poterant, si exterorum scripta legisset.

23. *Diff.*

23. *Diff. de submersis* — auctore IACOBO M. DONNELI, *Hiberno*, 52 pagg. Constat opusculum
- p. 5. quinque capitibus. I. *Phaenomenorum descriptio*
- p. 15. Nota symptomata. II. *Nosologia*. Negat Noster, hanc ad apoplexiam pertinere, nec ad syncopen,
- p. 24. sed eandem cum strangulatione esse. III. *Prognosis*. Cum vita non consistat in sensu, spiritu, vel qualibet alia functione, sed in stimuli suscipiendi facultate, fallax omne mortis signum est. Aqua, pulmonem vel ventriculum occupans, prope ex-
- p. 33. haustam vim vitalem denunciat. IV. *De causis et earum in symptomatibus faciendis opere*. Causam
- p. 47. proximam statuit debilitatem communem. V. *De medendi ratione*. Faciunt eam quique stimuli, aër, calor et electricitas.

24. *Diff. med. inaug. de amenorrhoea* — auctore
- p. 28. THOMA SPENS, *Edinburg*, 33 pagg. Nihil nobis memorabile visum est, nisi hoc, quod radicem rubiae tinctorum, patris ad exemplum, vt aperientem, commendauit.

25. *Diff. med. inaug. de vita marina et de varietatibus et morbis eius in diuersis regionibus, nec non de effectibus et conseruatione eiusdem* — auctore GULIELMO HENDERSON, *Britanno*, 57 pagg. Appellat
- p. 8. Noster propriam experientiam. Describit ergo vitam marinam in portu, inter nauigandum, in nauibus maioribus vel minoribus, in latitudinibus frigidis et calidis, sub tempestatibus, lectu iucundam iis, qui e longinquo vident et audiunt maris strepitus; dein-
- p. 31. de agit de effectibus generalibus vitae marinae. Sunt quidem nausea, raro per medicamenta fuganda, et plethora ad vasa, congestio ad caput, scorbutus,
- p. 37. alius adstricta; post tractat de vitae marinae incom-
- p. 40. modis generaliter, de morborum praeuentione et salutis conseruatione inter nauigandum speciatim, sic, vt primò de febribus et fluxibus auertendis loqua-
- tur,



tur, deinde de praeſervatione ſcorbuti. Scribit etiam regulas *de victus adminiſtratione idonea*, et iu- p. 49.  
bet ſorberi mane infuſum theae, edi braſſicam aci-  
dam, panem, et id genus apta alimenta. Ergo  
iterum dapes veteres et ſordentes, ſive, quod aiunt  
multi, compilationem!

25. *Diff. med. inaug. quaedam complectens de  
haemorrhagia pulmonum* — auctore IACOBO DONO-  
VAN, *Hiberno*, 22 pagg. Eſt vulgaris haemopty-  
ſeos adumbratio, praetereaſque nihil.

26. *Tentamen med. inaug. quaedam de phrenitide  
vera complectens* — auctore ANDREA BERRY, *Sco-*  
*to*, 35 pagg. Deſcribitur phrenitis idiopathica,  
curatur iis, quae ſanguinis impetum minuunt.

27. *Tentamen chymico-medicum de aëre fixo ſive  
acido aëreo* — auctore THOMA ADDIS EMMET, *Hi-*  
*berno*, 60 pagg. Negat Noſter Cl. KIRWANI p. 15.  
decretum de natura aëris fixi, et experimentis pro-  
priis refellere ſtudet. Subiicit quaedam *de acidi* p. 46.  
*aërei in medicina uſibus*, et candide proſitetur, hoc  
interdum profuiſſe, at non ſemper. Nominat  
morboſ, puta vlcera vetuſta et rebellia, gangrae-  
nam, vitia ventriculi, calculum veſicae (ſed dubi-  
tanter) typhum putridum, forte et peſtem, an-  
ginam malignam, variolas confluentes et morbil-  
loſ putridi generis, phthiſin pulmonalem, dyſen-  
teriam, (hic ex iudicio Noſtri quam maxime iuvat),  
ſcorbutum, in hoc tamen putat aërem magis eſſe  
prophylaxin, quam medicinam.

### III.

Dissertation ſur l'importance des évacuans dans  
la cure des playes récentes ſimples ou gra-  
ves, ſuivie d'observations raisonnées ſur la  
*Tom. XXVIII. Pars III.* Ee com-

complication du vice vénérien et scorbutique, par M. LOMBARD, *Correspondant de l'Académie royale de Chirurgie, ancien Chirurgien-major employé en cette qualité à l'armée de Normandie, Chirurgien-major en chef de l'Hôpital militaire de Strasbourg, et premier Chirurgien de la Cour de S. A. S. Monseigneur le Duc de Schleswig-Holstein-Limbourg.* A Strasbourg, de l'Imprimerie de Lewault. MDCCLXXXII. 8. mai. pagg. 160. fine dedicatione;

et

IV.

Differtation sur l'utilité des évacuans, dans la cure des tumeurs, des playes anciennes, des ulceres, etc. précédée d'un Supplément à une première Differtation sur l'importance des évacuans dans la cure des playes récentes, par M. LOMBARD, *Maître en chirurgie de la ville de Dole, Chirurgien-major en Chef de l'Hôpital royal et militaire de Strasbourg, Membre de plusieurs Académies, etc. etc* A Strasbourg, MDCCLXXXIII. 8. mai. p. 240.

i. e.

Differtatio super pretio euacuantium in curatione vulnerum recentium simplicium aut grauium, cui accedunt obseruationes ampliores de complicatione constitutionis venereae et scorbuticae, auctore Cl. LOMBARD;

et

Differtatio super vtilitate euacuantium in curatione tumorum, vulnerum inueteratorum, vlco-



ulcerum caet. praemisso supplemento ad dissertationem priorem, auctore EODEM.

**P**rimo loco de necessitate euacuantium in vulne- p. 15.  
ribus recentibus generatim differit Cl. Auctor, conquestus, in plurimis libris elementaribus plane negligi disquisitionem status, in quo corpus laesi, eius humores, digestionis viae et negotium fuerint; inde neque diagnosin, neque indicationes bene formari; sanguinis missionem orgasmo ex vitiis primarum viarum exorto perperam opponi, imo magis officere. Diaetam rigorosiore, nisi eua- p. 26.  
cuationes praecesserint vel interponantur, non corrigere perversitatem humorum, sed extenuando corpus debilitatem inducere. De suppuratione per p. 29.  
usum euacuantium aut promouenda aut emendanda, si corpus humidum aut cacochymicum; et de eadem iisdem auxiliis moderanda, si nimia fuerit, et de cautionibus hoc in casu adhibendis. Testimonia chirurgorum prioris aevi de necessitate horum remediorum. Quantum inprimis in p. 41.  
nosocomiis militaribus momentum ponendum sit in consideratione conditionis aegri, in qua vulnus acceperit; inter quinquaginta milites duello inter se dimicantes vix duos inueniri, qui sine incensis a potu spirituofo animi passionibus pugnam exorsifuerint; et tamen raro praegressae ebrietatis, sed vix non semper tantum vulneris rationem haberi.

In altera parte specialius momenta quaedam per- p. 43.  
tractantur; quae euacuantium usum necessarium reddunt. Vbi humores ad certum gradum commoti fuerunt, ad praecauendos effectus concussionis euacuandum est, praemissis tamen, si caloris aut siccitatis suspicio est, attenuantibus et relaxantibus, ne euacuantia stimulo noxam inferant; optima ex his erunt ex classe antiphlogisticorum cum nitro, pro re nata diluenda et iteranda. De necessitate eua-

- quantum, ubi primae viae alimentis repletæ sunt. De debilitate per sanguinis missiones inducta, licet eodem auxilio infarctus inflammatorius praeuertatur.
- P. 50. frustra expectari resorptionem humoris extra vas missi, si solida nimis debilitata fuerint, praecipue in cerebro; inde opus esse, ut actio solidorum stimulo multo per euacuantia admoto resuscitetur. Exemplum vulnerum capitis, quæ periculosiora visa, praemissis parcioribus sanguinis missionibus, potissimum euacuantibus sanata sunt, et aliorum, quæ, licet trepanum adhiberetur, lethalia euadebant, sectione ne nullam laesionem cerebri ostendente. Digressio de supposita necessitate trepani ad euitandam pressionem calli recens enati; hunc metum vel ideo vanum putandum esse, quoniam ipsa trepanatione spatium maius effici oporteat callo deinde replendum, qui multo maiorem postea pressionem esse effecturus; neque tamen hoc ipsum fieri, in calua ex museo Cl. LOBSTEIN cognouit Auctor, in quâ cicatrices ab ictibus acinacis aliquot ante mortem annis inflictis exterius inaequales, interius autem planae, licet non plenarie coalitæ erant. Noxae emeticorum in extrauersione a disrupto vase maiori cerebri. Dissensus auctorum conciliatus. De usu euacuantium in vulneribus pectoris et abdominis. Denique, ubi locus iis sit in vulneribus sclopetorum, potissimum ex Cl. LOUBET \*), ita tamen, ut eius praecepta non illustrentur tantum, sed etiam corrigantur, imprimis, quatenus purgantibus sub studio suppurationis utendum sit.
- P. 109. Progredimur ad observationes de complicatione acrimoniae venereae cum scorbutica. De malo venereo cum aliis morbis complicato in genere. Difficultates ab eiusdem complicatione cum scorbutico.

\*) Traité des playes d'armes à feu. à Paris 1753. 12.



buto. Differentiae scorbuti ex Cl. LIND \*\*). In p. 118.  
 ter plus quam octoginta milites praesidii Argentoraten-  
 sis, qui anno 1781 morbo hoc complicato laborarunt, vix quatuor a bubonibus exempti fuerunt.  
 Symptomata huius morbi. Mortis subitaneae caus- p. 122.  
 sam potiore non ab haemorrhagia interna cum Cl. LIND \*\*), sed potius a gangraena et putrefactione  
 viscerum, pari ratione atque in herniis gangraenosis,  
 deriuat Cl. Auctor. De dubia diagnosi vtriusque morbi inter se complicati, indeque profecta  
 indicatione remediorum adhibendorum: de damno a mercurialibus metuendo. Bubones venerei cum p. 128.  
 scorbuto complicati tum in initio tum sub incremento maxime dolent, quamquam palleant, nec ad-  
 motae manui caloris sensum imprimant; incrementum autem adepti dolore carent, sed sunt plani,  
 lati, inaequales; raro resoluuntur, et suppuratio nonnisi lenta, difficilis et imperfecta sequitur; in-  
 terdum serum sanguine remixtum effundunt, marginesque offerunt flaccidos, pallidos et decolores;  
 interdum circulo liuido cinctos, quo in casu fundus ulceris sordidus est; parietes eiusdem obdu-  
 cuntur materia alba floccosa foetida, praecursore gangraenae velocissime progressurae nulloque mo-  
 do sistendae. Exemplum quaedam inaequalis even-  
 tus. Ex antiscorbuticis succus citri in casibus qui- p. 134.  
 busdam extinguendo calorem internum mire profuit. De remediis aduersus ulcera venerea, ne- p. 147.  
 cessaria eorundem variatione, caet. De curatione p. 151.  
 bubonum venereorum: incisione opus est, quum vera inflammatio praecessit, quum bubo mediocris  
 voluminis aut in vicinia neruorum, arteriarum aut venarum maiorum situs est; escharotico e contrario

Ee 3

(lapi-

\*) Comm. nostr. Vol. IV. p. 148.

\*\*) l. c. p. 249.

(lapidem causticum reliquis praefert Cl. Auctor), si bubo insignis magnitudinis est, suppuratione lentius procedente, nec nisi maturantibus stimulantibus adhibitis promouenda; tunc solutione caustici excitatur inflammatio febrisque localis, obstructa  
P. 157. resoluens et in pus conuertens. Glandulis, quae humorem vitiatum stagnantem continent, adhuc quodammodo duris, relaxantia ob inde inductam debilitatem non conueniunt; licet enim tela cellulosa eas cingens fluida eorum applicatione allecta euacuet, tamen substantia ipsa non liberatur. Praestant igitur irritantia. Digestiua, si per longius temporis spatium applicentur, nocent; vlcere bene suppurante praestant linthea carpta subtiliora vnguentis. Saepe etiam fundus vlceris curationem retardat, qui duritiem seruat et saniem acrem ac rodentem plorat; tunc topicis opus est, quae moderatam inflammationem excitent et suppuratione, quod restat, consumant. Quem in finem saepe oleum essenziale terebinthinae, tepidum plumaceolo exceptum, sufficit. Nec alia detergentia reiicit Cl. Auctor, sed cautionem in eorum usu commendat. Vlcere deterso vinum mellitum seu balsamum samaritanum melius conducit vnguentis aliisque pinguibus.

In libro secundo primo loco se offert supplementum prioris, in quo indicando breuioribus esse nobis licebit. In eo nimirum versatur Cl. Auctor, vt dissertationem priorem ab iniquioribus censuris quibusdam, quas non opus est fusius allegare, vindicet, demonstrans recentioribusque observationibus comprobans, venae sectionem non semper in vulneribus requiri, quin praesentibus impuritatibus primarum viarum, spasmodum caet. causis, saepius officere, aut saltem curationem retardare; similem esse mentem antiquiorum aequae ac nostri temporis



chirurgorum praestantissimorum, et quae reliqua.

Iam igitur in prima sectione operis ipsius primo tumores inflammatorios pertractat, et necessitatem euacuantium in iis, qui a causis internis oriuntur, demonstrare satagit, innixus iudicio Cl. BOUTELLE \*) (an distinguendo satis dispositionem inflammatoriam a biliosa? uti iam monitum est in recensione tractationis viri huius Cl.); euacuantia, si suppuratio auerti nequeat, eandem moderari. Copiose de eorum usu in erysipellate (vbiuis, ut opinamur, cognito) sanguinis missionibus praefereundo, praeter id genus, vbi caput affectum est, in herpete et anthrace, vbi certe, si umquam, depuratis demum primis viis, sanguis mittendus est; de noxa venae sectionis in vulneribus corporum cacoehymicorum. Tunc progreditur ad tumores frigidos, obstructions glandularum in primis venereas et scrophulosas (vbi in transitu familiae illustrioris in Alsatia meminit, in qua per plus quam tria saecula malum arthriticum haereditate propagatum observare liceat, ita ut ab avo ad nepotem transeat, quadragesimo demum anno se euoluens et plerumque ante quinquagesimum trucidans \*\*), et in his magis adstipulatur Cl. BORDEU, quam Cl. FAVRE, in usu continuato euacuantium \*\*\*). De bronchocele, cuius aliam speciem calidam constituit, cuius cognitionem se Cel. LOUIS debere gratus fatetur, quae ab infarctu vasorum, praegressa suppressione fluxus menstrui aut haemorrhoidalis, existat, et ve-

Ee 4

nae

\*) Comm. nostr. Vol. IX. p. 451.

\*\*) Simile propemodum exemplum vid. in b. LUDWIGII aduers. med. pract. Vol. II. p. 6. Comm. nostr. Vol. XIX. p. 104.

\*\*\*) Comm. nostr. Vol. IX. p. 62 seqq.

nae sectione, iunctis aliis remediis causae cognitae oppositis, indigeat; aliam frigidam, seu resoluentibus et euacuantibus, seu sola extirpatione tollendam. De symptomatibus dentitionis difficilis, euacuantium usu tollendis. De curatione ranulae per phlegmagoga a Cl. SOULIER praestita \*). De decubitu lacteo. Quatenus ab euacuantibus aliquid sperare liceat in tumoribus frigidis ad articulos. De spina ventosa et paedarthrocace. De tumoribus flatulentis. De herniis. Denique de expulsionem corporum peregrinorum deglutitorum, ope purgantium praestanda.

- P. 139. In sectione secunda primo de discrimine inter vulnus et vlcus disputat, et ex huius descriptione transitum sibi parat ad suppurationem vulnerum, in qua miratur Cel. PETIT non prius quam vigesimo secundo die, euacuantia praescribere. Horum usus indicatur, si constitutio phlegmatica materiam purulentam nimis auget, si circa vulnus infarctus duriores passim existunt, si tela cellulosa vicina inflatur, si fungosa caro excrescit, ipsiusque vulneris margines cum duritie eleuantur. De effectibus purgantium in resorptione puris, ductis simul in usum topicis emollientibus et relaxantibus. De indole puris peruersa, quatenus purgantia requirat, nec ne. Plus iis, imprimis in corporibus pituitosis, praestari, ad imminuendam nimiam puris copiam, quam ipsa diaeta. De symptomatibus in vulneribus inueteratis et vlceribus ab acrimonia humorum profectis, quae signis manifestis in primis viis se prodat, et copiose admodum de eiusdem generatione, diuersis gradibus, caet. Exempla duo gangraenae, leuissimis vulnusculis in corporibus sanis visis superuenientis et tertio die lethalis. De re-
- strin-

\*) Comm. nostr. Vol. IX, p. 453 seqq.



stringendo euacuantium vsu in putredine humorum. De contusionibus et inde metuenda gangraena: discrimen inter topica, a conditione corporis ipsius, caet.

Tandem subiuncta est epistola Cl. CHAUSSIER p. 201. ad Auctorem nostrum, in qua primo errorem civibus suis adeo familiarem perstringit, venae sectionem in omnibus laesionibus primum et omnium maxime necessarium auxilium esse oportere, et quantum inde damni oriri queat, exemplo feminae docet, quae curru deiecta leuissimam in capite laesionem acceperat, et post iteratam demum sanguinis missionem funesta symptomata experiebatur, trepanoque adeo admoto sexto die expirabat; sectio post mortem instituta nec effusionem nec infarctum in cerebro ostendebat, vt adeo omnes tristes sequelae lapsus huius a solis spasmodis deriuandae viderentur. Censura Cl. PORT \*) in vulneribus capitis venae sectionem solam tamquam certissimum auxilium praedicantis, et commendatio opiatorum ad mentem Cl. BROMFIELD \*\*), subiuncto exemplo viri iunioris, qui lapsus varia symptomata spastica ostendebat, nec sanguinis missionibus, nec purgantibus, nec liquori anodyno, sed laudano liquido cedia. Sententia Cl. DEASE \*\*\*), in laesionibus capitis inflammationem nonnisi localem existere, quae vniuerso systemati sanguifero adscribenda non sit, ideoque perperam eiusdem euacuationem ope crebriorum venae sectionum postulet, quibus adeo obstructio in finibus extremis arteriarum magis confirmetur, et caet. In carceribus Diuiodunensibus (et certe plurium aliarum urbium!)

\*) Comm. nostr. Vol. XVII. p. 659.

\*\*) Comm. nostr. Vol. XX. p. 405.

\*\*\*) On wounds of the head, London 1776.

bium!) ob impurum aërem vulnerati suppurationibus malae indolis subiiciuntur, et si venae sectionibus opus fuerit, Cl. Auctor conualescentes scorbuto, oedemate pedum et faciei vexatos vidit, imo interdum ascitem accedere: quare sub statu conualescentiae decocta sudorifera cum lacte et purgantia exhibet.

**p. 226.** In primis post acceptum vulnus momentis terror, ira, animi affectus plus minus viuaces, aut solus dolor, oeconomiam animalem turbando accidentia grauiora producunt, quam laesio ipsa; saepe etiam eo ipso tempore ventriculus assumptis alimentis est repletus, quod frequentissimum est in aegris in nosocomia delatis: vnde praecellentia euacuandum prae sanguinis missione patet.

**P. 238.** Tandem de infarctu inflammatorio medullae spinalis in regione colli, quam ignotus quidam pro sede rabiei a morfu canis venditauerat; hunc autem non nisi effectum vltimarum conuulsionum esse Cl. Auctor ex dissectione cadauerum didicit.

V.

Journal de médecine, chirurgie, pharmacie, etc. dédié a Monsieur FRERE DU ROI. Tome LXI. 1784. 662 pagg. Tome LXII. 672 pagg. 1784. in 8.

i. e.

Diarii ad medicinam, chirurgiam, pharmaciam facientis anni 1784. tomi duo.

**T**omo LXI. notanda maxime haec insunt:  
CHEVILLARD de pulmonari phthisi humani lactis vsu sanata obseruatio, Phthisis a decubitu acrium humo-



humorum in pulmones ortum duxerat. Morbo iam ad extremum vitae periculum ducto humanum lac, adhibitis medicinis compluribus aliis, praesentaneum leuamen attulit.

SEGRETAIN *in retentionis urinae a nobiliss. viris, WANTERS et DESGRANGES obseruatae historias meditationes uberiores.* Dubitatur, num ab vteri inuersione urinae retentio ortum ducere queat. Plura alia in proluxa admodum tractatione adducuntur, quae morbis his magnam lucem haud afferunt.

*Observationes variae, auctore FORT.* Notabi. p. 155. les satis sunt, et subraræ. Testiculorum a lapsu fauciorum historia. Seruatus alter testiculus est, quamuis admodum contusus, altero decedente. Caetera omnia optime successerunt.

*Pueri cui catulus testiculum et mentulae partem deuorauerat, historia.* Parentes tenerum puellum cum catulo in conclaue incluserunt. Catulus fame forte allectus, lacerato scroto dentibus suis testiculum sinistrum deuorauit, dextrum spermaticum funiculum lacerauit mentulamque ad glandem vsque morfibz variis laesit. Seruatus sedula arte superstes testiculus est, licet admodum laesus, et sanatio admodum prospere successit. Historiae exempla plura adnexa sunt puerorum a bestiarum cum ipsis inclusarum morfibz aut laesorum admodum, aut necatorum.

*Ophthalmiae siccae, in qua visus defecit, sanatae historia, auctore LEAUTAUD.*

ENGUIN *de equorum gemellorum partu, quorum mater grauiditatem fuerat perpeffa suetum terminum duorum mensium spatium superantem.*

BRILLHOUE *meditationes in SUTTONI annotata in historiam ab ipso descriptam variolosi morbi et medi-*

*medicinarum in illo adhibitarum.* Rixae sunt ad ipsam rem illustrandam parum facientes.

p. 225. *Observationes de peste, auctore* LE ROUX DES TILLETs. Epitomen libri constituunt a Cl. viro SAMOILOWIZ de hoc diro morbo conscripti. Ad-ditae sunt obseruationes Cl<sup>um</sup> viroRUM DE MERTENS et PARIS.

*Apoplexiae feбри intermittenti superuenientis histo-ria,* auctore LAIOIE. Nouus morbus aegrum tempore ab insultu febrili vacuo inuasit. Sanatus est medicinis emeticis, purgantibus et vesicantibus collo impositis.

CHÉFOLIAU *historia efficaciae electricitatis in pa-ralysi adhibitae.* In vetula muliere post suppressas inconsulto vnguenti repellentis ope haemorrhoi-des, hemiplegia oborta est. Eam perfecte depu-lit diu continuatus electricitatis vsus.

p. 258. BEAUIIER *literae ad editorem datae, historiam morbi atrocis, quem ipse sustinuit, exhibentes.* Di-gitum leuiter acu vulnerauit, quum cadauer inci-deret. Vulnus vix conspicuum in initio, nec do-lorem vllum excitans dolores nocturnos intensissi-mos, inflammationem gangraenosam, digitos omnes, palmam, brachium vsque ad humerum occupantem excitauit, cum summo periculo. Re-soluta tamen inflammatio et mortuae partes separatae die vigesimo quinto morbi sunt. Difficiliorma-nus tam dire affectae mobilitas restitit. Clarum est, morbum panaritii naturam, vt quidam putauerant, non habuisse.

PASCAL *obseruationes de moxae Sinenfium aut cy-lindri gossypini secundum mentem Cl<sup>mi</sup> POUTEAU ad-hibiti vsu.* Vlcus rebelle hac moxa artificiali exu-stum, crusta decidua, statim coaluit. Viro, a ca-pitis vulneribus variis amentia et stupore affecto ir-ritis aliis medicamentis, eadem artificialis moxa su-turae



turae sagittali imposita, et caput mediante ea exutum est. Visionem convulsiones excepere, at his discussis statim aegro mens rediit.

LORRY, chirurgi. *de utero scisso observatio.* p. 274.  
Scissura tam ampla erat, et partus doloribus vtero admodum obliquo et a medico circumforaneo male tractato induc[t]a, vt foetus per eam in abdominis cavum elaberetur. Inciso cadauere foetus putridus in abdomine sese obtulit, vterus vacuus in sinistra parte amplissimam scissuram passus.

EPISAUD *observationes de cataractarum membranarum extractione.* Adiunctus fuit in aliquot cataractae casibus lenti crystallinae turbidae membranae lentis talis status, vt luminis radios non transmitteret. Hinc et haec membrana cum exoptato successu extracta est.

DELAPLANCHE, artis pharmaceuticae magistri, p. 280.  
*de aethere minerali tractatio*, in confesso collegii pharmaceutici recitata. Experimenta, fuse expountur, quibus tandem eo deuenit, vt modo a BAUME' proposito aetherem salis communis obtineret.

DEMATHIIS *de medicamento quodam ad hydro-phobiam sanandam.* p. 365.  
Quum admodum exaltetur vitale principium in hydrophobiae morbo, Cl. vir ALPHONSUS LE ROI putauit, fore, vt hydrophobia non aliter sanetur, quam imminuto, et suspenso fere vitali principio. Quem in finem DEMATHIIS V. Cl. canem rabidum et vere hydrophobum viperarum morfu ab aquae metu perfecte liberauit: ob communicatum autem ipsi viperarum venenum, aqua copiose hausta, mortuus est. Cum viperini morsus alcalino sale volatili sanari possit, putat Noster, hydrophobia affectos ex tali morfu curationem atrocis morbi certo expectare posse.

SUMEIRE *de emeticorum in his casibus usu, ubi nulla eorum indicatio est.* Vomitus cum maximo successu concitavit in colica diuturna, siti nulla arte restinguenda, vertigine caduca.

ARCHIER *de puerperarum febre observationes.* Ipecacuanham sueto recentiorum more dedit.

EIUSDEM *de phthisi pulmonali sanata observatio.* Cochlearum terrestrium decoctione aeger phthisi pulmonali ex decubitu humorum serosorum laborans sanatus est.

P. 380. EIUSDEM *historia febris tertianae continuae biliosae cum pleuroperipneumonia coniunctae.*

P. 450. *Litterae de herpetis natura, effectibus, curatione* RUSSELLII *ad DUMANGIN datae.* Taxauerat DUMANGIN RUSSELLII de herpete tractationem. Hae litterae eorum confutationem continent, quae DUMANGIN taxauerat.

HOUDRY *de oedematosa angina aegrum paene suffocante.* Tumor aquosus enormis internas oris externasque colli partes occupauerat. Antiphlogistica methodus quum parum aut nihil proficeret, crescente tumore et suffocationis metu, incisus cum summo successu variis in locis externus colli tumor statimque spiratio liberior et deglutitio, penitus intercepta antea, facilius facta est.

DEMERRET *lactis in corpore oberrantis historia.* Abscessus puerperae in crure sinistro natus incisusque puris lactei insignem quantitatem reddidit. Postea sinistra mamma suppurata puris admodum foetentis libras duas demisit. Deinde in ore sinistro natus tumor pus lacteum, grumosum continuit. Panaritio tandem in manus dextrae digito oborto sanatoque aegra a morbo suo penitus liberata est.

P. 491. *Historia morborum a tineâ capitis retropulsa natorum, cum extispiciis, auctore* LE CONTE DE PREVAL. Febris, verminosam referens tineam excep-  
pit



pit cum tympanitide. In pectore nullus dolor. Tamen inciso cadauere pus in pectore effusum, intestina flatu admodum distenta sese obtulerunt. Conclusio ex his Nostro est nullum etiam a paracensit abdominis leuamen exspectandum fuisse.

LAMBOIRE et MOREAU *observationes in cadauere inciso factae.* Morbo a scrophulis inducto, lethali, puella XI. annos nata laborauerat. Incisum cadauer pulmones admodum infarctos, praegrandes, tuberculis obseffos, hepar hydatidibus obseffum, in inferiori parte induratum, bilem admodum alteratam continens, mesenterium glandulis duris et scirrhis obseffum, pylorum admodum contractum et intestina flatibus distenta exhibuit.

GENY *de ossium cranii fractura, cum dura et pia matre laceratis, cerebri suppuratione, observatio.* Aeger XI annos natus conualuit. P. 498.

*Historia abscessus in rene sinistro, auctore CAS-SAGNE.* Ictero, pedum oedemate, diarrhoea pertinaci aeger laborauit. Tandem tumor in lumbari regione sinistra obortus pus laudabile quidem reddidit, aeger autem ob virium imbecillitatem inde ortam mortuus est. Inciso cadauere, ren sinister massam calculorum insignem continuit.

DU LOU *historia tumoris carnei cultro recisi.*

DE LA ROCHE *ad editorem literae, quibus censuram libri sui de puerperarum febre diario insertam illustrat.* Literae additae sunt TISSOTI, quibus mentem suam de febris puerperarum natura exponit. Eam pro putrida febre habet, et, cautus licet in laudandis medicamentis admodum, ipecacuanham tamen, XXV annorum usu comprobata, in hac febre maxime laudat. p. 559.

TARANGET *atrophiae vniuersalis historia.* Ca-p. 582. cadauer incisum pulmones inflammatos, cor a tabe tantopere consumtum, vt vix cognosci posset, pylorum

lorum cartilagineum, admodum angustum, ventriculū contractum, humorem nigrum continentem, internam intestinalis tubi tunicam crassam praeter naturam, carneam, intestina admodum angustantem, omentum, paucreas penitus fere consumpta, vterum carneam informem massam referentem, omnia denique caetera viscera tabe atrocissima consumpta exhibuit.

MOREAU *historia morborum in urbe Vitry le François observatorum, nec non leucophlegmatiae universalis naturae conaminibus propugnatae.* Aestus insolitus anni MDCCLXXXIII. febres tertianas et remittentes biliosas tam frequentes induxit, ut paene omnes iis corriperebantur. Hos morbos in plerisque hydropes varii excepere, pectoris imprimis, compluribus lethales.

*Continuatio observationum de usu moxae Sinen-  
sum, aut cylindri gossypini, ad mentem Cl<sup>mi</sup> POU-  
TEAU, auctore PASCAL.* Cariosum post retropul-  
sam scabiem tibiae vlcus, moxa hac vltum et sa-  
natum est. Eidem medicamento ischiadicus dolor  
inueteratus cessit.

*Partus laboriosi historia, quem fluxio in pectore  
excepit, auctore MOREAU.*

*De fulminis effectibus, auctore HAZARD, me-  
dico veterinario Parisino.* Mulieri ex leuissimo ful-  
mine tonitruque colicae superueniunt.

ETIUSDEM *de equi mentula cancrofis ulceribus ob-  
fessa recisaeque observatio.*

*Numerus eorum, qui ab anno MDCCLXIV. us-  
que ad annum MDCCLXXXII, XIX. itaque annorum  
spatio, Caleti mortui sunt.* Incolarum numerus sex  
millia vix excedit. Ex his annorum dicto spatio  
mortui sunt 3022.



Tomo LXII. haec insunt:

MOREAU *epilepsiae persanatae historia*, nihil insoliti continens.

HATTE' *de balneorum tepidorum in febribus malignis utilitate observationes*. Delirium phreniticum aegram inuasit, data antea vomitoria medicina et diluente copioso potu. Tepidum balneum delirium, incantamenti instar, sopiuit, iteratusque balnei usus tendinum subsultus sedauit. Postea vesicantibus et commodis medicinis aliis pristina aegro sanitas restituta est. Tandem de venae sectionis, Gallis vltimatissimae in quacunque febre, noxis in febribus ad biliosarum genus pertinentibus agitur.

TOUQUET *asthmatis historia*. Methodo simplicissima, imprimis sedula perspirationis conseruatione, mulier hoc morbo laborans sanata est.

BOUFFEY *observatio de periculo, quod bufones, cancro exulcerato, topicae instar medicinae impositi, adferunt*. Vetula virgo impositis quinquies bufonibus viuis exulcerato in mamma cancro mortua est, dolores ab ambiguo hoc auxilio atrocissimos experta. Putat Noster, venenum bufonibus inesse, indeque non impune talia animalia his vlceribus imposita mori et in putredinem liquari; resorptis enim putridis his humoribus putredinem et gangraenam internam humoribus inferri. Nec vnquam boni quid hoc auxilium cancro attulisse.

SUTTONI *in meditationes* Cl<sup>mi</sup> BRILLOUET re-p. 143. *sponsio* absoluitur.

Anonymi *de puerperio infelici ad editorem literae*, cum notis et epicrisi Cl<sup>mi</sup> viri ALPHONSI LEROY. Quinque historiae narrantur parturientium, aut in partus doloribus, aut instituta caesarea sectione mortuarum, quum foetus brachium offerret. Quibus motus observationibus hunc situm foetus No-

ster admodum periculosum et lethiferum puerperae esse putat, quoniam saepe non liceat obstetricanti omni data opera manu sua ad pedes foetus peruenire, eosque, vt obstetricantes praecipiunt, extrahere: at ALPHONSUS LEROY, vir in obstetricia scientia peritissimus nec vlli facile secundus, errores auctoris nostri confutat, neque, omnibus rite adhibitis auxiliis, talem partum adeo difficilem habet. Quod et historia ab ipso adiecta praeclare docet.

P. 244. SUMEIRE *observationes et meditationes de tussi sicca et rebelli frigidi aëris et frigidi potus usu sanata.* Si ex dilatatis nimis osculis vasorum acris materies pulmones irritans destillat, optimum in frigidis medicinis praesidium esse adseritur.

FERRIERE *oedematosae anginae historiae duae.* Aegrotus alter, quum ori inspiciendo Noster operam daret, suffocatus est, alteri bronchotomia instituta vitam, spiritu per vulnus arte inflictum facilius ducto, seruauit. Adseritur, asperae arteriae incisionem in his casibus tutissimam esse.

*Febris quartanae saluationis ope sanatae historia auctore SOUVILLE.* Aegra iam ante febris insultum pituitam copiose per os reddiderat. Restituta mercurii ope saluatione febris siluit, sanitas pristina aegrae restituta est.

P. 256. DOURLÉN *historia partus difficilis ob capitis paragonphosin, mediante tamen vecte Roonhuysiano feliciter peractio.* Epicrisi addita monet experientissimus vir ALPHONSUS LEROY, vt medici in describendis partus difficilis historiis statum rerum iuste debiteque, nec generaliter nimis, exhibeant.

TERRAS *de lintei carpti proprietatibus et usu in vulneribus et ulceribus sanandis tractatio.* Initia tractationis sunt admodum copiosae, nec ad finem cito perducendae. Ipse Noster, qui vulnerum tractan-

dorum



dorum et sanandorum occasionem copiosissimam habuit, vnguentis et emplastris rarissime usus est, tam feliciter succedente curatione, ut sola quiete, regimine debito et linteï carpti usu, vulnere simplici quodam emplastro tecto, vlcera maxime rebellia et insanabilia paene feliciter ad cicatricem perducerentur. Quum autem localis huius medicinae usus tam late pateat, Noster, proprietatibus pertractatis, modoque linteum carptum applicandi, ipsa vulnera vlceraque, ad quae haec medicina inprimis valet, pertractat. Vulnerum autem vlcerumque omnium sanatio quum naturae opera perficiatur, nec in chirurgo praeter obstaculorum remotionem quid situm sit, ad haec obstacula carptum linteum inprimis valet, vulnera quippe contra aëris externi accessum muniens, blande et molliter fouens, acridinem absorbens. Methodus tandem linteum carptum debite applicandi exponitur.

IOURDAIN *de maxillis artificialibus.* Icone a nobilissimo et in dentium morbis peritissimo viro proposita illustrantur.

Sequuntur quaedam, at non magni admodum p. 291. momenti, de magnetismo animali.

GAULMIN DESGRANGES *historia epidemici morbi, qui in parochia Tronget exeunte Martio MDCCLXXXIV. grassatus est.* Morbi epidemici in hac Galliae particula frequentissime et dirissime saeviunt. Epidemico morbo, quem Noster describit, a Martio mense exeunte vsque ad diem 23. mensis Aprilis XLIII. homines affecti sunt, ex iisque vix quatuor aut quinque superstites euasere. Peripneumonia bilioso putrida et catarrhalis maligna febris morbum constituit. Morbum venaesectiones lethiferum reddiderunt. In euacuantibus, vomitum inprimis concitantibus, plurimum praesidii erat  
Ff 2 pos-

positum. Caeteris indicationibus corticis Peruuiani et vesicatoriorum vsus satisfecit.

*Capitis doloris inueterati singulari accidente sanati historia.* Saltu sanatus morbus est, concussio capite vehementer, et exanthematibus cutaneis in lumbari regione obortis, suppurantibus, quibus omnis dolor ablatus est.

SERRIES *vsus methodi medendi lenientis et refrigerantis in uteri conuulsua contractione exemplo confirmatus.*

*Historia nephriticorum dolorum retentioni urinae adiunctorum ab antiquis excrescentiis carneis urethrae canalem obstruentibus inductorum, auctore LEAUTAUD.*

p. 371. NIEL *vulneris in pectoris cauum penetrantis historia.* Sanguinis parca admodum quantitas aegro detracta est, qui tamen, adhibitis internis medicinis pectoralibus, aluoque purgata, conualuit.

POTHONIER *historia ulceris alcali volatilis externo usu consolidati.* Ulceri locus is erat, vbi Achillis tendo tarso immittitur. Sanatum est alcali volatili aqua copiosa diluto.

*Tractatio de globularia, auctore RAMEL.* Globularia alpium LINN. vim purgantem, et ob insignem amaritiem simul tonicam habet. Foliorum cum aqua decoctio purgat aluum et tonum mire instaurat: hinc omnes virtutes corticis Peruuiani rhabarbaro admixti habet. Hortatur Noster, propriis, vt videtur, destitutus obseruationibus, medicos, vt in febribus intermittentibus hac vegetabili medicina vtantur.

Continuatio tractationis Cl<sup>mi</sup> TERRAS *de linteis carpti ad vulnera et ulcera sananda usu.* Enarrantur modi, quibus natura ad vulnera consolidanda vtitur. Linteum carptum ad vulnera qualiacunque laudatur et enixe commendatur.



SEGRETAIN *literae ad DESGRANGES de vrinae* p. 403.  
in grauidis retentione veram caussam in hac vteri  
obliquitate habente, vt fundus vteri tertio quartoue  
graviditatis mense aut anteriores, aut posteriores  
partes praeter naturam petat.

*Relatio eorum, quibus ex facultate Medicorum* p. 449.  
*Parisinorum et ex regia scientiarum societate Rex*  
*magnetismi animalis examen accuratius demandauerat.*  
Praeclara ex omni parte experimenta sunt, quibus  
summi hi viri ad magnetismi animalis futilitatem  
probandam vsi sunt: quum vero ipse magnetismus  
in Gallia ipsa iam explosus paene sit ac ab omnibus  
repudiatus, non est, quod enumerandis experimen-  
tis his infidemus.

*Experimentorum copiosa ratio regis iussu ab his* p. 561.  
*ad magnetismi animalis naturam et efficaciam eruen-*  
*dam institutorum, quibus ex regia scientiarum acade-*  
*mia rex hoc negotium demandauerat, nempe ab Illustri-*  
*bus viris FRANKLIN, LE ROY de BORY, LAVOI-*  
*SIER et BAILLY.* Egredia pariter sunt et acumen  
ingenii virorum et hanc ob caussam meritissimorum  
produnt, quod magneticum furorem istum de Gal-  
lorum pectore efficaciter depulerint. Constat enim,  
Mesmerum cum rebus suis ab eo inde tempore ce-  
cidisse, quo experimenta academiae regiae scien-  
tiarum, societatis regiae medicinae et facultatis me-  
dicae Parisinae publicata sunt.

*Pueri, cuius cor pectus externum occupabat, hi-* p. 579.  
*storia, auctore TOURTELLE.* Gemellus alter, po-  
stremo natus, massam in pectore externo carnosam  
habuit, quam adstantes mulierculae pro naeuo ha-  
buerunt: at obstupuit plane Noster, quum pulsa-  
re hunc tumorem, formarique a corde, pericardio  
suo orbato, conspiceret. Cor enim per inferiorem  
pectoris regionem transierat, scissuraque inter co-  
stas facta, ad vmbilicum paene vsque pertingebat.

Caruit pectus sterno, mediastino et verarum costarum portione sternocostali, integra tantum existente prima supernaque costa. Infimi ventris muscoli nudati nec cute tecti erant, nisi in laterali abdominis parte. Musculi adeo abdominales ipsi in superna abdominis parte defecerunt. Caeterum labium leporinum os pueri dehonestabat, quod altero etiam oculo caruit. Motus cordis admodum conspicuus fuit. Sub quacunque ventriculorum contractione apex, longitudine cordis diminuta, contractus est arteriaeque pulmonales et aorta dilatatae sunt. Contractiones attractu crebriores longe euaserunt. Puer elapso XXII. post partum horarum spatio mortuus est. Inciso cadauere, praeter iam notata, sana caeterum omnia, nisi quod palpebra inferior oculum, qui deesse videbatur, absconderet.

p. 582. *Observationes circa putridum quendam morbum, auctore TARANGET.* Aeger, die XXIV. morbi mortuus, putredinis in corpore animali viuo consummatissimae symptomata exhibuit, nulla, nec efficacissima medicina interna (forte tamen balneis putredini aduersis ex BILGUERI mente) coercendae. Morbi phaenomena et medicamentorum effectus satis apposite a Cl<sup>mo</sup> auctore, obseruatore sedulo et sagaci, explicantur.

*Hydrophobiae alcali volatilis et vaporum aceti vini bullientis ope sanatae historia, auctore HERVET.* Elapsis octo a morsu canis rabidi admodum diebus hydrophobia aeger correptus est omnibus suis dirissimis symptomatibus coniuncta. Medicinae, quarum in historiae titulo mentio facta est, copiose adhibitae et administratae conuulsiones statim sedarunt, pulsum fortem reddiderunt, anxietatem profligarunt, verbo dirum morbum perfecte, in sanitatem pristinam restituto aegro, depulerunt.

De



*De his, quae vini emetici vsum difficilem et non p. 609.*  
conuenientem satis reddunt obseruationes, auctore  
CHEVILLARD. Virtus certe huic vino, ex anti-  
monii hepate parato, non eadem semper est, quo-  
niam albo vino, quod secundum codicem pharma-  
ceuticum Parisinum ad id parandum requiritur, par  
et aequale acidum non inest. Praeferendus itaque  
ex omni parte tartarus stibiatus codicis pharmaceu-  
tici Parisini est.

*Obseruationes de arcani duplicati in morbis par-  
tum excipientibus abusu, nec non de aquae frigidae  
clysteris forma in affectibus flatulentis applicatae prae-  
stantia, auctore SOBAUX.* Excepere arcani dupli-  
cati parcis admodum dosibus dati vsum spasmici toni-  
ci in infernis, tonicique insupernis articulis emul-  
sionibus mitigandi. Alia aegra dolores abdomina-  
les et vrinae suppressionem post eandem medicinam  
sumtam perpeffa est, in aliis colicum dolorem,  
cum abdominis inflatione, excitauit. (Suspectus  
certe is de duobus sal est, quem Noster adhibuit:  
sed ob cuprum forte suspectus: nos enim, qui  
eundem salem copiose, et pulueris magis concen-  
trata et ad nocendum apta forma dare consueui-  
mus, bonos complures, malos nullos, eo dato effe-  
ctus obseruauimus.)

*Vrinae retentionis symptomatibus dirissimis stipatae  
historia, auctore GENY.* Frigido balneo et glacie  
perinaeo et abdomini imposita morbus a violentia  
externa inductus sanatus est.

*Depressi occipitalis ossis historia, anonymo aucto-  
re.* Particulae fracti ossis cum salute aegri reci-  
sae sunt.

VI.

Methodus formulas medicas conscribendi. In  
vsum praelectionum academicarum edidit  
IO. FR. CHRIST. PICHLER. M. Dr. et collegii  
medicorum Argentorati socius. Argentorati,  
in bibliopolio Amandi König. 1785. in 8.  
cum permisso superiorum.

**P**ropositum fuit auctori nostro, quum neque  
GAUBIUS, neque GRUNERUS, metam in libris  
suis de formulis conscribendis attigerint, libro  
hoc in vsum academicum conscripto partim novas  
formularum medicinalium conscribendarum regu-  
las tradere, partim a GRUNERO V. Ill. dicta illu-  
strare, rescindere, partim additis medicamentorum  
formulis selectis lectoribus formularum ipsi in praxi  
familiarium specimina exhibere.

Haec paene omnia in praefatiuncula magno  
quodam suetoque promissoribus hiatu proponun-  
tur: librum vero ipsum inspicientes, dictaque in eo  
conferentes cum iis, quae GRUNERUS in libro suo  
de formulis medicis proposuit, mirati sumus magno-  
pere impudentiam hominis, non suffecisse sibi a  
GRUNERO proposita palam et effrena fronte dicen-  
tis, et tamen plurima, quae GRUNERUS tradiderat,  
in librum suum, mutato tantummodo aliquo modo  
paragraphorum et rerum pertractatarum ordine,  
transcribentis.

Quae quidem omnia a GRUNERO, V. Ill. iam  
in praeclaro libro: *Almanach für Aerzte und Nicht-  
ärzte*, anno 1786. iam notata sunt, exemplis ta-  
men atrocis plagii non datis, dictisque in hoc libro  
motus PICHLERUS, in appendice ad GRUNERI  
librum mox citatum conscripto, titulo: *Anhang zu  
Herrn*



*Hrn. Professor Gruners Almanach für Aerzte und Nicht-  
ärzte auf das Jahr 1786. von Dr. Joh. Friedr. Christ.  
Pichler — Argentorati 1786.* edito, omnem lapidem  
mouit, vt plagii crimen a se auerteret, exemplis adeo  
datis, non vero admodum copiosis, quibus ostendere  
conatur, quantopere dicta sua ab his, quae GRUNE-  
RUS de eadem re proposuerat, discedant. Nos au-  
tem licet non negemus, in communi materie rerum  
scribendarum communem etiam auctorum diuerso-  
rum sententiam esse debere, librum tamen GRU-  
NERI, cum eo quem PICHLERUS edidit, diligen-  
ter conferentes, paene omnia in eo dicta consentien-  
tia perfecte quoad materiem et verborum adeo  
vsum geniumque dictionis, cum dictis a GRUNERO  
inuenimus, adeo, vt, quaecunque moliatur PICH-  
LERUS ad plagii crimen a se amouendum, res ipsa  
scriptaeque literae perspicue probent, PICHLERUM  
librum suum ex GRUNERIANO confecisse, et in mu-  
tandis quibusdam tam parum cautum fuisse, vt,  
qui libri eius origines veras non videat, in ipso sole  
coecutiat.

Si omnia turpis plagii exempla exhibere lube-  
ret, opus foret, vt PICHLERI librum penitus in com-  
mentarios nostros transcriberemus. Hinc quae-  
dam tantum notanda duximus: vt aequi lectores  
cognoscant, quam impudenter PICHLERUS egerit.

GRUNERUS.

PICHLERUS.

§. 2. Dicitur ea con-  
signatio, qua pharmaco-  
poeum volumus mate-  
riem, mensuram et for-  
mam cuiusque rei adsu-  
mendae ordinare, formu-  
la. — Ea vero medicinae  
pars, quae praecepta hu-  
ius consignationis tradit,

§. 1. Formula vocatur  
medicis ea consignatio,  
qua pharmacopoeo mate-  
riem, mensuram et for-  
mam cuiusque rei adsu-  
mendae atque exhiben-  
dae indicamus. Illa au-  
tem medicinae pars, quae  
praecepta huius consigna-

GRÜNERUS.

methodus formulas conscribendi, *das Formulare*.

§. 3. Sunt vero quaecunque formulae aut *officinales*, aut *magistrales*, s. extemporaneae. Illae prostant in pharmacopoliis ex auctoritate publica et norma qualiscunque dispensatorii — hae vero ex tempore et natura morbi nec non conditione aegri apparantur, caet.

§. 4. Ex his conficitur, formulas tales non, nisi eum scribere posse, qui therapiae generalis praeceptis satis imbutus sit, beneque intelligat, vtrum ex indicatione aliquid aegro dandum sit, nec ne, quale, quo tempore ac ordine, qua mensura — deinde qui cognitam perspectamque habeat materiam medicam et pharmaciam, quoniam inde sumi debent eae res, quibus tanquam instrumentis valetudo labescens firmatur et amissa redditur, neque vero vlllo modo ordinate adhiberi pote-

PICHLERUS.

tionis tradit, methodus audit conscribendi formulas, *das Formulare*.

§. 3. Sunt vero quaecunque formulae aut officinales, aut magistrales. Illae in officinis pharmaceuticis in vsum futurum paratae asseruantur; hae vero ex tempore, pro natura morbi, nec non pro aegri conditione parantur, hac ex ratione extemporaneae quoque appellantur.

§. 4. Quicumque formulas tales scribere vult  
1) illum therapiae generalis praeceptis satis imbutum esse oportet, vt bene intelligat, an, quid, quo tempore ac ordine, qua mensura, caet. aegro aliquid propinandum atque exhibendum sit.

2) materiam medicam perspectam habeat, quoniam illa ingredientias formulis subministrat. Tandem

3) pharmaciam et chemiam vt calleat necesse est, quae operandi modos atque effectus doce-

runt,



GRUNERUS.

runt, nisi medicamenta tam simplicia, quam composita, quoad indolem et apparatus, item regionum et locorum, ubi ars exercetur, rationem, et officinarum qualitatem curate norit. —

Caeterum in prooemio GRUNERI §. 5. cum PICHLERI §. 5. §. 6. cum PICHLERI §. 6. exacte conueniunt, contractis tantum quibusdam a GRUNERO dictis paululum et exemplis quibusdam additis, §. 7. cum §. PICHLERI 7. §. 8. cum PICHLERI §. 8. §. 10 et 11. cum PICHLERI §. 10. verbo omnia cum dictis a GRUNERO, quoad ipsa verba, ut plurimum perfecte conueniunt. Adiecit tantum PICHLERUS signa medicamentorum in officinis pharmaceuticis recepta a GRUNERO consulto omissa.

Sed haec forte excusari possent, quum generaliora artis cuiusque rudimenta eadem semper sint, nec ii valde taxandi sint, qui in exponendis iis virum sequuntur, qui omnia breuissime et sermone vere latino tradidit: sed PICHLERUS noster GRUNERUM non solum in introductione, sed in vniuerso libro tam presse sequutus est, ut in qualicunque pagina, mutato tamen consulto paragraphorum numero et ordine, plagia nequissima turpissimaque obuia sint. En exempla quaedam!

GRUNERUS.

§. 24. Orsi a puluere simplici, videamus, quae obseruandae in apparando regulae sint. Hae eo redeunt:

PICHLERUS.

§. 21. Regulae in praescribendo puluere hae sunt:

GRUNERUS.

- 1) aptum est, quidquid siccum natura sua est, et in minutula moleculas redigi potest. —
- 2) minus commoda sunt, quae, ubi comminuuntur, rudem indigestamque molem dant, vel adfuso quodam liquore — intumescunt, v. c. cortices et radices lignosi. Tunc enim praefereamus infusionem vel decoctionem.
- 3) neque idonea sunt duriora quaeque, gummata, resinae, mucilagines, odoratu vel gustatu graua, acria, alcalina fixa et volatilia, siue sola sint, siue cum acris quodam mixta. In his enim coniunctio aut fieri nullo modo potest, aut certe nauseosa fit conglutinatio. Quae si forma alia dantur, magis placebunt.

6. Nefas est puluerem exigere, ubi deglutitio difficulter fit, v. c. in

PICHLERUS.

- 1) si ad vsum internum destinetur, semper subtilissimus est adhibendus. —
- 2) ad pulueris interni formam minus commoda sunt substantiae, quae vel adfuso quodam liquore multum intumescunt, vel non nisi magna dosi effectum praestant. Tunc enim infusio vel decoctio praefenda.
- 3) neque idonea ad hanc formam sunt, quae vel sub assumptione per salivam aut vehiculum dissoluta facile lentescunt, v. c. gummata stricte sic dicta, vel conglutinantur, e. g. gummata resinosa. Idem valet de iis, quae odoratu aut gustatu graua, acria, volatilia: nauseabunda sunt enim sub hac forma, et partes constitutivae volatiles in auras facile disperguntur, his ex rationibus forma pilulari propinanda sunt.

6. In morbis difficili deglutitione concomitatis, e. g. angina, hysterica-

rum



GRUNERUS.

angina, hyftericarum  
accessione, syncope caet.  
Tunc praestabilior for-  
ma liquida est.

7. Dosis pulueris ore ad-  
sumendi fere est scrupu-  
lus vnus, drachma se-  
mis vel vna, rarius au-  
gescit, nisi vbi ex indi-  
catione fit, vel salibus  
constat, quae vehiculo  
largiori dissoluuntur v. c.  
sal Ebfomense — tan-  
dem nunquam dosis in-  
crescit, vbi puluis ex  
corticibus vel radicibus  
componitur.

8. Per subscriptionem  
finiri debet, in quot par-  
tes molem omnem vel-  
lis diuidi — — Doce-  
mus etiam per subscri-  
ptionem:

a) *modum praeparationis*,  
v. g. M. F. trititando  
puluis grossior, vel si  
subtilissimus esse debet,

PICHLERUS.

rum accessione, synco-  
pe, catarrho suffoca-  
tiuio, caet. pulueris for-  
ma non idonea est, tunc  
praestabilior forma li-  
quida.

7) Dosis pulueris inter-  
ni est a scrupulo ad  
drachmam, rarissime vl-  
tra adscenditur. Satius  
est repetere identidem,  
quam quantitatem ni-  
mis augere.

8) Non raro pondere  
non determinato prae-  
scribitur dosis, v. c. ad  
cochleare — si vero ex-  
actissime ad pondus de-  
finita requiritur, phar-  
macopoei potius indu-  
striae diuisio est com-  
mittenda —

10. Iubemus per subscri-  
ptionem

a) *modum praeparatio-  
nis*, v. c. M. F. *pulu.  
subtilissimus* — gros-  
sus. — Si vero in de-  
signa-

GRUNERUS.

interdum additur M.F.  
alcohol.

b) *Tempus*, quam diu trituratio partium in pulverem redigendarum continuanda sit, v. c. *triturentur aequabiliter per quadrantem horae.*

c) instrumentum, quo haec fieri volumus, v. c. *M. solvantur mortario tecto, vitreo, lapideo.*

d) *partitionem massae* in tot partes, quot nobis placuit, vel quot medicina ipsa desiderat, v. c. *div. in VI. part. aeq.*

Taedet plura plagii turpissimi exempla adducere; vt autem lectores sciant, totum paene librum hoc modo conflatum esse, loca succincte adducere placet, quibus PICHLERUS a GRUNERO *V. III.* dicta pro suis vendidit.

GRUNERUS.

§. 2.	—	—	—
§. 3.	—	—	—
§. 4.	—	—	—
§. 5.	—	—	—
§. 6.	—	—	—

PICHLERUS.

signatione puluerulenta iam praescripsimus, tunc ponitur *M. exactissime.*

b) Repetitionem aut partitionem massae, in tot partes, quot in animo est, vel quot quantitas generalis postulat, e. gr. *M. f. pulv. pro dosi, dentur tales no. VI. aut misce exactissime, diuidantur in VI. partes aequales.*

PICHLERUS.

§. 1.	—	—	—
§. 3.	—	—	—
§. 4.	—	—	—
§. 5.	—	—	—
§. 6.	—	—	—

§. 8.



GRUNERUS.				PICHLERUS.
§. 8.	—	—	—	§. 8.
§. 10. 11.	—	—	—	§. 10.
§. 12.	—	—	—	§. 11.
§. 13 et 14.	—	—	—	§. 13.
§. 17 — 20.	—	—	—	§. 14.
§. 24.	—	—	—	§. 21.
§. 26. n. 2. 4.	—	—	—	§. 26. 2. 4.
§. 42.	—	—	—	§. 27.
§. 43. n. 1. 2. caet.	—	—	—	§. 28. 1. 2. caet.
§. 50.	—	—	—	§. 43.
§. 57.	—	—	—	§. 45.
§. 32. n. 1. caet.	—	—	—	§. 49.
§. 83.	—	—	—	§. 58.
§. 49. n. 1. 2.	—	—	—	§. 65. 1. 2.
§. 79. n. 1. 2.	—	—	—	§. 72. 1. 2.
§. 84.	—	—	—	§. 88.
§. 65. 3.	—	—	—	§. 93. 3.
§. 91. 1. 2.	—	—	—	§. 95. 1. 2.
§. 92.	—	—	—	§. 100.
§. 99.	—	—	—	§. 102.
§. 102. n. 3.	—	—	—	§. 103. 3.
§. 101. 1.	—	—	—	§. 104. 1. 2.

Loca transimus silentio plura alia, imo in tam angusto pagellarum numero vix memoranda, quibus mutato rerum pertractatarum ordine, et mox explicitis magis mox contractis GRUNERI, *V. III.* dictis, formularum conscribendarum rationem persequutus PICHLERUS est, adeo ut, si turpiter spoliata et nequiter aliis erepta excipias, liber parum admodum proprii habeat. Eamque ob causam mirati eo magis sumus viri impudentiam inuectivas in GRUNERUM acerrimas, in libello supra citato *Anhang in Gruner's Almanach*, conscribentis, quum tamen omnia, quae GRUNERUS in eum scripserat,

rat, verissima, αὐτοψία probante sint, nec in rebus ad doctrinam literasque pertinentibus crimen paene vllum plagio maius sit.

VII.

OPPIANI Poëmata de Venatione et Piscatione cum interpretatione latina et Scholiis. Accessit Eutechuii Paraphrasis Ixeuticon et Marcelli Sidetae Fragmentum de Piscibus. Tomus I. Cynegetica ad quatuor Codicum MSS. fidem recensuit et suis auxit animaduersionibus IAC. NIC. BELLIN DE BALLU, Inhalliae Monetarum curia Senator. Argentorati Sumtibus Bibliopolii Academici 1786. (forma octaua.)

**A**nte hos ipsos decem annos in eadem vrbe prodierat noua *Oppiani* editio a viro docto Germano procurata, quam auctor nouissimae ita fere insequitur, vel potius insectatur, vt si quis lector annotationes nouissimi Editoris ipsumque poëtam recte intelligere vbique velit, vtraque simul editione opus habeat. Non inficiamur quidem, multas Gallum ex collatione Codicis Vaticani, Veneti. et Regii Parisini vtriusque attulisse egregias lectiones, quibus multa Oppiani loca passim deprauata in integrum sensum restitui possunt; verum aut nullae aut paucae admodum sunt lectiones, quae disciplinam ipsam historiamque naturalem adiuuent, illustrentque. Versus autem iste, qui nunc primum ex Codice scripto prodiit, lacunam quidem praeclare supplevit in serie orationis, sed ad historiam naturalem non pertinet. Maius igitur expectari debebat auxilium ab eruditione Editoris, qui hos libros inter-

pre-



pretandos suscepit. Verum is, quod ex animadversionibus eius existimare potuimus, in historia naturali plane hospes, per aliquod tantum temporis spatium in egregiis illustris BUFFONI libris habitasse videtur, unde, quicquid ad rem suam facere putabat, fideliter excerpfit. Nec illi in mentem venisse videtur, multo maiore ac diuturna exercitatione cum in disciplina critica, tum in historia naturali opus esse ei, qui veterum auctorum fabulosa saepe et obscura de rebus naturalibus scripta interpretari aggreditur. Versionem latinam *Turnebi* sub textu appositam emendasse quidem se iactat Gallus; verum in plurimis locis sequi eam comperimus veterem lectionem, cum longe alia in textu posita conspiciatur. Nec potest multum auxilii expectari ab ea versione, quae sit ab homine docto quidem illo, sed harum rerum plane ignaro, profecta. Optamus igitur, licet sperare id vix audeamus, ut meliorem viam ingressus sit Gallus noster in versione gallica, quam saepius in notis laudauit, nos vero nondum vidimus. Desiderium tamen eius legendae mouit nobis, quod in Notis p. 336 refertur ex animalium historia Arabis *Eldemir* multa loca ab alio viro docto *Syluestre de Lacy* excerpta versioni gallicae adiecta legi. Nos interim de virtutibus et vitiis huius nouae editionis ad lectores nostros referemus, sed ea tantum excerpemus, quae disciplinam nostram attingunt.

Libri primi versu 295 equos Libycoſ ita describit ex lectione Codicis Regii recepta a Gallo: μέζονες εἰσιδέειν — ἀλλὰ δέμας ὀλιχοί· πλευρῇσι γὰρ ἀμφὶς ἔχουσι τῶν ἄλλων πλευρῆς σπασθῆναι, κτένα τ' ἐνέκ' εἰσι πάσσονες εἰσιδέειν, καὶ κρείσσονες εὐθύς ἐργεῖν: quae versio TURNEBIANA a Gallo immutata sic interpretatur: maiores adſpectu — corpore longi; lateribus enim superant alios spatula, costarum pedi-

ne, quocirca sunt ampliores specie, et meliores contra irruere. Quis vero hanc barbariem capiat! In notula textui subiecta amandat nos Gallus ad animadversiones suas; ibi vero iocosus homo vulgatam lectionem: τῶν ἄλλων πλευρὰ, σπαθίνην κτένα θ', ἔνεκεν εἰσι et cet. explicat, et in extremo addit: *Sed hunc versum e codice aliter dedimus.* Sed videamus, qua ratione homo perspicacissimus vulgatam lectionem explicet. Rem, inquit, simpliciter explicabo, πλευρῇσι ἀμφὶς ἔχουσι τῶν ἄλλων est, illi equi omnes alios lateribus vincunt. Nam ἀμφείχειν et ἀμφιγενέσθαι cum genitiuo significat, vt omnes sciunt, *vincere, superare.* Quomodo autem lateribus vincunt? *quia maiores visu sunt latere, (κατὰ πλευρὰ) costarū latitudine et ordine et distantia costarum.* σπαθίνη et σπαθὴ est os costarum, costa ipsa, ad cuius similitudinem effecta est medicorum vel pharmacopolarum spathula, qua pharmaca miscent. κτεὶς pectinem significat et ordinem costarum. Hactenus Gallus. Sed in his describendis risum vix tenebamus. Quae enim esse potest spatulae medicorum cum costa equi similitudo? Quis deinde illi dixit, ἀμφείχειν significare *vincere*? Etsi vero putat vir doctissimus, omnes hoc scire, nos quidem ignorantiam nostram plane profitemur. Quidni exemplum aliquod apponebat ex copia sua? Sed abeat, aliisque illudat. Nobis ridere licebit barbarum πλευρῆς et particulam moneta senatoris monetarii percussam ἔνεκεν, qua locupletauit litteras graecas.

Equos OPPIANO ὄρουγγας dictos versu 317. de Zebra interpretandos censet, nec animaduertit, duo eorum genera OPPIANO poni; quorum alterius taenias comparat cum tigrium maculis oblongis, alterius maculis pardalis rotundis. Denique, quod rem conficit, vtrumque genus artificio humano



mano pictum affirmat poeta; igitur de Zebra non cogitabat.

Canes Agassaeos e Britannia versu 468 descriptos interpretatur gallice *Bassits à iambe torse*. Ad-  
dimus Celeb. PENNANT in Zoologia Britannica  
Quadrup. p. 22 asseuerare, de cane paruo sagaci An-  
glis BEAGLE dicto hunc locum intelligi debere.  
Nobis non licet affirmare aliquid; dubia enim est  
significatio verbi γυεός, quo OPPIANUS versu 474  
vtitur, quodque in versione *curuum* est. Sed vox  
λασιότερον aperte pugnat contra Galli opinionem.

Libro II. in recensione variorum generum boum  
miramur ad versum 84 de boue Aegyptio non afferri  
locum *Achillis Tatii* Lib. II. c. 16. verum tanto co-  
piosior est Gallus in bobus Aoniis versus 96 illustran-  
dis. Verum aliis iudicandum relinquimus, quid  
viro docto in tota illa annotatione consilii fuerit,  
et quid coniectando effecerit. Nos enim diuinare  
opinionem eius in tam confusa et inepta oratione  
non possumus. Quod vero in extremo adiecit lo-  
cum longum ex *Tzetzae* Chiliad. V. v. 398 sumtum  
de venatione ferae fabulosae, Monocerotis, quod  
suspicebatur eum ex quinto OPPIANI libro deper-  
dito deriuatum esse, in eo fallitur. Eandem enim  
narrationem plures olim scriptores frequentarunt,  
ex quibus eam repetierunt *Eustathius* Antiochenus,  
in Hexaëm. p. 40 et *Petrus* Damianus L. II.  
Epist. 18. Facile tamen hodie his lautitiis ca-  
remus.

Boues Syriacos vers. 100 et seqq. eosdem ac  
Caesaris Vros et nostros *Bufflas* censendos putat,  
donec firmissimis argumentis diuersa opinio probe-  
tur. Haec posuimus ipsa Galli verba. Sed tam  
facile negotium hoc transigi non potest, quam pu-  
tabat. Aperte etiam eius opinioni refragatur  
color ab Oppiano proditus versu 103 (αἰθωρες) ful-

vus; deinde, quod cornu valentes (κρεαλκείες) dicuntur. Quod si vero Gallus popularis sui, illustris BUFFONI opinionem, Buffalum nostrum Graecis ignotum fuisse asserentis, impugnare volebat, vti debebat loco planissimo *Aristotelis* H. A. II. c. 1, quem tamen ipse iam illustris BUFFON alio postea loco laudavit, sententiamque suam retractavit. Hinc efficitur, vt credamus, non adeo diu in praeclearo popularis sui opere, nedum in ipsa rerum natura contemplanda, Gallicum *Oppiani* Interpretem habitasse.

Disputatio satis longa de Bifonte *Oppiani* vers. 160 seqq. satis monstrat, harum virium non esse de re tam difficili et summorum virorum dubitationibus iactata certi aliquid statuere. Forma cornuum plerosque interpretes impedit; hanc vero ita expedit Gallus, vt Φοίνια κέντρα ὑπτια πρὸς αἰθέρα interpretetur cornua in frontem supina et mucrones curuos (hami instar) et in coelum euectos. Ita enim, addit, quicquid de misso capite animal ferierit, mucrones cornuum, vt hami, attollent, quod tradit *Oppianus*. Verum huic opinioni refragatur plane vsus loquendi, qui vult, vt cornua in frontem deflexa πρηνῆ, in dorsum vero reflexa ὑπτια dicantur. Eiusdem pretii est annotatio, qua πυργιλώχινες ἀνωκαὶ versu 166 de cornibus bifontis ita explicat, vt mucrones istos cornuum reflexos igneis linguis similes dicat. En cor Zenonis! Hoc est sapere. In narratione de genere ceruino ostendit primum ad ἑτιδανὴν δειρὴν i. e. tenuem cervicem versu 180. Igitur in animaduersione ad h. l. posuit: quo sensu sit nihili ceruorum collum, quod satis amplum et longum nouimus, non video: Igitur emendat μηκεδανῆ i. e. procerum collum. Specie quidem veri non caret haec correctio; sed in *Oppiano* verborum proprietates non adeo quaerenda est, vt persua-



persuasit sibi Gallus. qui eum inter elegantissimos poetas collocat et fere Homero comparat. In quo quidem eum sensu et iudicio suo frui facile patimur. Praeterea recte animaduertit, nares quadruplices versu 181 ex errore vulgari posuisse *Oppianum*. Verum fortasse sub errore hoc veri aliquid latet. Porro animaduersione dignum etiam erat, quod *Oppiano* cerui vbique *στικταί*, *στικτόποδες*, et *αἰολόνωτοι* i. e. *uarii*, *pedibus* et *dorso picti*, dicuntur; quae quidem nota in aetatem tantum iuuenilium ceruorum, *faons* Gallis dictorum, cadere videtur. Num igitur putabimus, ceruos *Oppiano* visos semper fuisse variegatos; an aliam speciem cerui ab eo intelligi suspicabimur?

"*Ιογκον* versus 296 putat esse Axin *Plinio* dictam feram VIII. c. 21. in quo consentientem sibi postea reperit postremum *Oppiani* Editorem; sed de bubalo vers. 300 contra communem virorum doctorum opinionem insurgit, putatque, cornuum formam bubalo ab *Aristotele* et *Oppiano* bubalo tributam plane ei refragari. Verum hic non satis possumus mirari leuitatem et temeritatem hominis, qui tantorum virorum opinionem impugnare ausus sit, cum nec rerum naturae studio nec seuera litterarum graecarum disciplina satis excultus esset. Locus enim, quem adhibet, *Aristotelis* de Partibus Animal. III. c. 2 tantum abest, vt vulgari de bubalo opinioni obstet, vt potius eam confirmet. Quibus vero, inquit, cornua prae nimio excessu superuacua sunt, iis alterum auxilium natura adhibuit, vt ceruis velocitatem; grandis enim illa et multifida cornuum magnitudo potius obest, quam prodest. Bubalis etiam capreisque interdum cornua inutilia sunt: nam etsi contra nonnulla resistunt et cornibus se defendunt, tamen feroces pugnacesque belluas fugiunt. Vides ergo verba de ceruorum cornubus posita minime ad bubalos

balos et capreas pertinere; et poterat eodem plane iure Gallus etiam capreis cornua multifida affingere ex hoc loco, quae simplicia omnes nouimus. In generibus caprarum ouiumque siluestrium constituendis et explicandis nihil plane noui attulit Gallus ad versum 326 et sequentes, praeter nominum recentiorum varietatem temere positam. Ita ex argumento villi caprini putat versu 377 cues rutilas (in versione male est *rufas* pro ξανθαί) esse Musmonas insulae hodie Sardiniae et Corsicae indigenas. Nos vero singula ab *Oppiano* posita signa diligentius distincta persequemur. Αργάγερος igitur versus 338 rupicapras nostras intelligi putamus, argumento sinuum cutaneorum, sed coecorum, quos rupicaprae pone cornua vtrinque singulos habent solae cornigerorum animalium; de quibus praeter IO. IAC. HADERUM in *Apiario* p. 55 vide etiam Cel. PALLAS *Spicil. zoolog.* 1. no. 7. et *Spicileg.* XI. p. 42, quem plane nobiscum consentientem habemus. Deinde mentione ouium caprarumque siluestrium contineri etiam *Strepsicerotem* dictum Graecis plane arguit versus 329 στρεπτοῖσι κεφαλῇφι κορυσσόμενοι κέρασσι: quem CONR. GESNERUS olim non satis recte de cornibus in dorsum reflexis interpretatus est; ea enim cornua Graeci ὑπτια seu supina dicunt. De Subo versus 382 seqq. nihil coniectando assequi licet in tanta OPPIANI breuitate. Monebimus tamen, etiam hic Subo colorem *rufum* in versione tribui, qui *rutilus* (ξανθός) est, et splendidus. Pili praeterea breues, frons lata, cornua duo Subo sunt. Quod vero amphibius dicitur ab OPPIANO, intelligendum est, vt de ceruis, qui flumina nando cibi causa saepe traiciunt. Atque hoc quidem recte monuit Gallus.

De attagene vers. 405 recte dubitat Gallus, an BELONII Francolinus ab illustri BUFFONO sub nomine



mine Attagenis descriptus intelligi possit. **BELONI** francolinus inter pulueratrices aues est; ita etiam de attagene suo tradit *Aristoteles* H. A. IX. c. 49. quem scolopaci comparat in colore ibidem c. 26 (et hic quidem locus est, quem ab *Athenaeo* laudatum frustra se quaesivisse in nostro *Aristotele* queritur Gallus in nota ad h. l.) et scriptor temporum Sullanorum **ALEXANDER MYNDIUS** apud **ATHENAEUM** IX. p. 387. Verum **ARISTOPHANIS** attagen habitat prata et loca paludosa, vt aperte satis indicant loca duo *Anium* vers. 245. et *Vesparum* vers. 257. vt adeo miremur, vnde in mentem venerit nupero **ARISTOTELIS** interpreti Gallico asserere in *Comment.* p. 112. Scholiasten graecum **ARISTOPHANIS** solum propter ignorantiam attagenem in pratis et locis paludosis collocare. Igitur statuamus necesse est, Attagenem Atticum a reliquorum Graecorum attagene praeter nomen nihil commune habuisse. Quod quidem exemplo non carere sciunt litteraturae graecae periti. Addimus hoc loco exortum nuper alium Gallum **PEIROUSE**, qui tetraonem lagopoda Pyrenaeorum montium describens in *Mémoires de l'Académie de Toulouse* T. I. 1782 asserit, attagena veterum esse gallinam corylorum, contra attagena recentiorum vna cum Lagopode altera **PLINII** esse Lagopoda plumis aestiuis vestitam. Videtur iam olim **CONR. GESNERUS** in eam opinionem pronus fuisse, vt attagenem intelligeret gallinam corylorum; verum haec opinio in attagenem **ARISTOTELIS** et **ALEXANDRI Myndii** cadere tantum modo possit.

De Otide, cui in descriptione *Oppiani* versu 407 *floret semper pilosissima auris* inepte prorsus exclamat Gallus: fierine potuit, vt feliciori penicillo prioribusque coloribus Bistarda depingeretur. Sola enim avis est ista, quae a nascente

roſtro vſque ad aurem barbam gerat longam tenuibus plumis tenerae lanuginis ſimilibus formatam. Nos contra vix abſtinemus, quin exclamemus, potuitne clarius indicium fieri, Gallum Biſtardam vulgarem nunquam niſi fortasſe in pictura aliqua vidiffe, nec eam ab exterarum regionum generibus diſtinxiffe. Solis enim peregrinis generibus auris pennis longis eminet, non biſtardae Galliae atque Europae indigenae!

De Oryge verſ. 445. quae traduntur in longa ſatis annotatione, noua quidem ſunt, ſed non vnius aſſis. Interpretatur enim orygem de rupicapra (Chamois); colorem lacteum intelligi putat luteum ſubpallidum; genas porro in ſolis rupicapris nigricare addit, et ſic omnia egregie conuenire in rupicapram, quae *Oppianus* de oryge tradit, praeter magnitudinem rhinocerote paulo inferiorem. Sed hanc comparationem ad emphasin et hyperbolam poeticam refert. Tu vero, Lector, compara mihi egregiam Cel. PALLASII diſputationem in Spicileg. zoologico XII. qui quidem recte orygem *Oppiani* ab oryge reliquorum ſcriptorum diſtinxit, illumque ex notis poetae pro Leucoryge ſuo habet. (p. 63.). Hunc poſtea pictum exhibuit *Pennant* in Hiſtoria Quadrupedum Lond. 1781. tab. VI. Totus albus in media facie et temporibus maculam ruſam praefert. Annotatione praeterea dignum eſt, verſum 454. qui vulgo legebatur ita: ἰοφόροι· κεῖνὴν δὲ φύσιν κεράεσσι λέγῃσι, vt cornua orygis caua eſſe traderentur, nunc ex Codice Vaticano emendatiorem habere: ἰοφόρον κείνοις δὲ φύσιν κεράεσσι λέγῃσι, i. e. venenatam cornibus illis naturam eſſe aiunt. In verſione tamen adhuc legitur: caua vero cornua natura eſſe aiunt. Nobis quidem haec noua lectio admodum blanditur, verum in tanta obſcuritate rei, de qua agitur, nihil plane ſtatuerе licet de natura



cornuum animalis, quod ne coniectura quidem assequi licuit.

Quae de elephanto traduntur in annotationibus, trita sunt et vulgaria. Poterat tamen admonere lectorem de diuersitate elephanti Libyci atque Indici, quam praeter *Polybium*, *Strabonem*, *Plinium* et *Philostratum* obiter etiam prodidit *Liuius* Libro XXXVII. c. 40. de bello Romanorum cum Antiocho magno, atque ex eo *Appianus* T. I. p. 582. ne pari quidem numero, inquit, Indicis elephanti Africi resistunt, siue robore animorum vincuntur, siue quia magnitudine; longe enim illi praestant. *Appianus* vero in eandem fere sententiam tradit, Africanos elephantos minores et breuiiores esse ita, vt maiores Indicos timeant. Eadem porro differentia patriae et quidem paulo maior versatur in genere rhinocerotum; quae veteres non latuit. *Pausanias* enim et *Martialis* primi rhinocerotis Aethiopici bicornis meminerunt. Verum praeter cornuum diuersitatem et numerum alia etiam in corporis habitu differentia apparet, quam planissime nuper explicauit doctissimus *Camperus* post *Sparrmannum*.

*Oppianus* Gallo nostro rhinocerota iuniorem descripsisse videtur; quod quidem arguere putat non magnitudinem solum ab *Oppiano* illi tributam, sed macularum etiam mentionem (ita enim interpretatur ἑαθαμίγγας versus 559), quas fronti tantum dorsoque inesse poeta tradit, cum in maiorum et vetustiorum ferarum toto corpore crustae illae et tubera sparsa occurrant, quae illustris *BUFFONUS* in *crustations ou de tuberosités* appellat. Verum de magnitudine quid sibi velit Gallus, nescimus; eam enim oryge paulo maiorem rhinocerotri tribuit poeta; orygis autem magnitudinem non definiuit. De macularum etiam interpretatione propter colorem earum purpureum in flaua fronte et dorso dubita-

mus tantisper, dum aliunde meliora edoceamur. Verum illud recte admonuit Gallus, verba καλλικόμοισι μετώποις nullo modo ferae prorsus glabrae, sparsis tantum hinc inde pilis singulis per pellem, conuenire; hinc igitur emendabat πηλυτόμοισι de rugis interpretatus frontis, quae tamen non adeo conspicuae sunt in fronte, quam in reliquo corpore. Deinde vox πολυτόμος eam significationem, nisi auctore Gallo nostro, non habet, nec omnino habere potest. Denique locum *Strabonis* Libro XVI. p. 533. de rhinocerotis pelle emendatum sic ponit: ἔχει δὲ καὶ δύο στόλῃς pro στύλῃς i. e. habet duo cingula (i. e. sinus profundos pellis rugis efformatos) tanquam draconis spiras a dorso usque ad ventrem decurrentia, alterum versus collum, alterum ad lumbos. Verum nobis locus hic multum adhuc dubitationis habere videtur; neque enim στόλος graece ita dicitur, nec videmus similitudinem cum spiris draconum, nec denique quomodo duo tantum eiusmodi cingula nominauerit *Strabo*, cum totum vbique corpus rugis eiusmodi exaratum sit. Nec meliore fortuna acutissimus *Britannus Tyrwhitt* emendabat p. 45. τύλας, quae vox proprie de callo, deinde etiam de tubere calloso cameli vsurpatur. Nobis hic locus opportunus videtur lectorem de loco *Cosmae Indicopleustiae* admonere, qui in *Topographiae Christianae* Libro XI. multa animalia Indiae et Aethiopiae propria descripsit. Is igitur etiam de rhinocerote bicorni tradit, quem viuum mortuumque saepius in patria contemplatus erat. Nomen Aethiopicum ponit *Aru* vel *Harisi*, et cornua duo incedentem feram motitare, iratam vero firmiter defigere, infimoque imprimis arbores etiam exscindere refert. Ex quo apparet, veterem esse narrationem, de qua apud *Hottentottas* inaudiuit *Sparrmannus* p. 412 de mobilitate cornuum, cuius

fidem



fidem et veritatem nec *Sparrmanno* in viua bestia aut comprobare aut reiicere licuit.

De pantheris, quos *Oppianus* versu 522 obiter cum felibus et aliis animalibus parvis nominat, miram legimus ad h. l. annotationem: Duo tantum in tota sunt antiquitate scriptores, qui de pantheris istis loquantur, noster et *Aristoteles* H. A. VI. c. 35. Deinde adstipulatur illustri *Buffono*, qui panthera *Oppiani* putat esse thoom speciem minorem, atque omnino eam feram, quam ipse sub arabico nomine *Adiue* descripsit. Verum fallitur illustris *Buffonus* in eo, quod thoëm minorem eundem putat cum panthere; *Aristoteles* enim, qui duplex aut triplex thoom genus ex vulgari traditione prodit, alio loco (quem *Gallus* laudavit) simul panthera et *Θῶας* nominat. *Oppianus* vero simpliciter *Θῶας* nominat, nulla plurium generum facta mentione. Praeterea in loco *Aristotelis* VI. 35. dubitari potest, an sequentia verba, quae vulgo ad thoas referunt: *Corpore*, inquit, *porrectior usque ad caudam sed altitudine minor. Celeritate aequae praestat, quamvis crura habeat breviora; mollis enim et agilis est, proflireque longius ob eam rem potest*: potius ad panthera, cuius mentio antea facta est, non referenda sint. Singularis enim numerus ad *ὁ πανθήρ* redit; thoës vero plurali numero designat, quod plura thoom genera ipse alibi tradiderat. Denique, quod nulum ex antiquis scriptoribus praeter *Aristotelem* atque *Oppianum* pantherum meminisse asserit *Gallus*, in eo memoria eum fefellit. Nominabimus hic solum *Aelianum* XV. c. 14. qui inter alia dona etiam pantheras cicuratos regi suo ab Indis afferri tradit. In loco de echino versu 597 seqq. magnum sibi lucrum fecisse videtur *Gallus* in lectione Codicis *Venetici*, quae vulgatum *μείζωνος* maioris mutat in *μείωνος* i. e. minoris. Rationem vero non capimus, quae

quae eum impulit, vt eam mutationem tam auide amplecteretur. De maiore enim, ait, hystrice aget poeta in libro tertio. Quo vero argumento docebit, *Oppianum* echinos cum hystricibus permutasse, quos nomine distinxerat? Quodsi id fecit, non videmus, qui ignorantiae, barbariei vel petulantiae crimen recusare possit, qui in tanta nominum diuersitate lectoribus illuserit.

Ad Caput de Simiis versu 605 ne verbum quidem appositum reperimus, quo *trina* simiarum genera explicarentur. Videtur autem *Oppianus* tres simiarum classes constituisse; de speciebus enim numerus verus esse non potest, quarum multo maior *Aristoteli* iam olim cognitus fuit.

De dente elephanti reperimus in Addendis annotationem ad locum *Oppiani* versu 507 seqq. quam omittere non debemus. Tradit scilicet *Oppianus* cum *Pausania* p. 159. dentes elephantinos aequae ac cornua bouilla igne emollita dilatari in variasque formas duci posse; quod quidem artificium nobis hodie incognitum est. Sed veteribus, inquit Gallus, *artem eburis igne et malleo molliendi innotuisse, eo probabilius est, quod hodie reperta est ars illa et Chymicis quibusdam non est ignota, ut nuperrime didici a clarissimo viro Meunier, Acad. Scient. Parisinae Socio.* Argumentandi haec ratio valde quidem noua nobisque inaudita est; res tamen ipsa propter manifestum *Pausaniae*, artium elegantiorum peritissimi viri, testimonium certa nobis videtur, et miramur, obseruationem hanc non animaduertisse viros doctos, qui de arte veterum, qua statuas eburneas elaborarunt, scribere aggressi sunt.

Procedimus ad librum tertium, vbi ad versum 35. et sequentes, quibus *Oppianus* leones Libyae colore caeruleo nigroque mixto, et deinceps leonem Aethiopiae nigrum ore fuluo commemorat,  
recto



recte admonet, *Plinio* Libr. VIII. c. 17. *leonum in Syria tantum colorem nigrum esse* asserenti fidem vix haberi posse, nisi ex *Oppiano* nomen Libyae pro Syria reponatur. Sed debebat praeterea *Gallus* differentiam duplicis leonum generis, quod tradit *Oppianus*, Asiatici scilicet et Africani, accuratius explicare, et cum simili prorsus distinctione ab *Aristotele* primo H. A. IX. 44. deinde ab eius asseclis *Plinio* VIII. c. 18. *Aeliano* H. A. IV. c. 34. et *Solino* c. 27. facta comparare, ut, quid veri narrationi inest, lectores intelligere possint. Quamvis enim illustris *Buffon* de hac leonum diuersitate taceat adeoque dubitet, vix tamen huic *Aristotelis Oppianique* consensui omnis abroganda esse fides videtur. Quotam enim hodie Africae partem, indigenarumque eius animalium nouimus? Itaque expectandum, ut posteritas veterum auctorum narrationi auctoritatem addat; interim tamen sedulo inquirendum erit, quid de hac varietate leonum tradiderint. Singula igitur momenta ex verbis *Oppiani* collecta et definita verbis planis ponemus. Leones Asiaticos, id est, Armeniae, Parthiae Arabiaeque indigenas, iubatos, praegrandi capite crassaque ceruice et imbelles ponit; contra Libycos breui pilo vestitos, sine iuba, colore caeruleo nigroque mixto, aut totos nigros, omnium fortissimos. Sed praeterea in verbis *σμερδαλέος δὲ πρόσωπα καὶ αὐχένα*, quae vertunt vulgo: *horrendus facie et ceruice*: praeter horroris notionem, quae notam generi leonum diuerso distinguendo satis aptam non praebet, maius aliquid et signum clarius latere putamus. Igitur persuasimus nobis inibi colli capitisque proceritatem et argutiam tradi; qua nota etiam *Aristoteles* fortius leonum genus distinxerat, ubi ait: *τὸ δὲ μακρότερον καὶ εὐθύτερον ἀνδρείοτερον* i. e. *genus procerum, breui simpliciue villo fortius est*. Contra  
alterum

alterum genus, cui *Oppianus* collum crassius et praegrande caput iubamque prolixam tribuit, *Aristoteles* στρογγυλώτερον, ἑλωτρίχώτερον καὶ δειλότερον appellat; idem *Plinius* compactile et breue, crispioribus iubis, pauidius; *Aelianus* γυρότερον καὶ συνεστραμμένον καὶ τὴν χαίτην λασιώτερον satis bene interpretati sunt. Vides itaque, lector, tantum abesse, vt *Oppianus* a disciplina *Aristotelis* longe abeat, vt potius plane cum ea consentiat, eamque signis atque argumentis clarioribus explicet atque illustret. Superest tamen, vt notionem longitudinis, quam verbo σμερδαλέος ex consensu etiam orationis ipsius tribuimus, auctoritate et exemplis aliorum poetarum confirmemus. Suppeditabit ea nobis *Nicander*; is de aspide in *Theriac.* versu 160 tradit: ἡ καὶ σμερδαλέον μὲν ἔχει δέρμας, quod *Eutechnius* in paraphrasi graeca interpretatur: μεγίστη δὲ ἔσα i. e. longa et magna corpore.

Ad locum de Onagro vers. 183 seqq. recte illud primum monuit Gallus contra postremum Editorem, Onagrum *Oppiani* diuersum plane a fera Africana hodie Zebra dicta, quam primus *Philostorgius* descripsit, esse onagrum latinis etiam scriptoribus dictum, id est asinum ferum, cuius venationem Romani diligenter exercuisse videntur, vt genus asini villaticum et domesticum coniugio siluestri emendarent, docente inprimis *Columella*. Idem iam olim monuerat illustris *Buffon* in historia Asini; idem deinde confirmauit egregius *Pallas* noster in *Symbolis Septentrionalibus*, vbi onagrum sibi visum saepius praeclare descripsit et viuis coloribus pinxit. Idem vero iam antea in *Spicileg. zoolog.* XI. p. 5. de asinis feris bene docuerat. Insula Cauda in vicinia Cretae inprimis ferax pulcherrimorum onagrorum traditur a *Suida*; eandem insulam *Plinius* IV. 12. cum *Mela* II. 7. Gaudon appellatam

cum



cum Chrysa contra Hierapytnam sitam ait. Eandem etiam memorat *Callimachus* apud *Strabonem* I. p. 44. Eadem denique hodieque a Graecis recentioribus propter onagrorum copiam Γαιδαρονῆσοι, *asinorum insulae*, appellantur, auctore *TOURNEFORT* in Itinerario T. II. p. 53. — Sed supersunt tamen quaedam in narratione *Oppiani* loca, quae Gallus praeterire non debebat, quaeque nobis dubitationis multum habere adhuc videntur. Primum verba illa de taenia seu fascia nigra, quae medium dorsum cingit χιονέης ἐκάτερθε περισχομένη στεφάνησι, i. e. vt in versione *Turnebiana* legitur, *niueis utrinque cincta lineis*, recte quidem Gallus p. 247. de linea nigra dorsi, quae assidente utrinque alba, super humeros anterieus descendit, crucisque speciem exhibet, in asino vulgari etiam interpretatur; sed docere omisit, quomodo color ἀργύρεος seu argenteus onagro conueniat, quem nec *Pallas* noster in onagris suis vidit. Voluit quidem Gallus persuadere nobis, hunc esse colorem argenteum, qui asininus et κίλλιος Graece dictus fuerit, auctore *POLLUCE* in *Onomast.* L. VII. segm. 56. (quem locum iam olim *CONR. GESNERUS* adhibuerat) verum nemo ignorat, colorem istum a sano homine non potuisse ἀργύρεον dici; Credibile tamen est, *Oppiano* aut aliter dici ἀργύρεον, aut aliam, olim fuisse huius loci lectionem; nam aliter χιόνεαι illae στεφάναι, lineae illae niueae, in colore argenteo vix poterant distingui. Praeterea epitheton ἡερόεις satis indicat, quem *Oppianus* colorem Onagro proprium facere voluerit; nempe, vt recte olim *CONR. GESNERUS* aduertit, ex cinereo splendidum, quem supra etiam versu 74 in pardali χροιῇ ἐπὶ παμφανώσῃ ἡερόεις dixerat. Emen- datione versus 185. a Gallo proposita, qua vulgatum ὅστε πέλει Φαιδρὸς mutat in ὅσσε πέλει Φαιδρὸς i. e. *oculis est hilaris*, non magnum lucrum historiae natu-

naturali accedit. Quod vero verba ἀρκίος δέμας de apta membrorum compositione explicat, illustranda erat illa notio exemplis pluribus ex Oppiano allatis, qui usum huius vocis frequentat. Ita de camelopardali versu 477. memoratur ἀρκίον ὡς ἐλά-Φοιο, τέρεν στόμα, vbi versio Turnebiana habet: *satis patulum ut ceruo tenerum os*; nec tamen ibi annotatum aliquid reperimus. Denique hoc loco poterat ab interprete Oppiani memorari insignis asini nota, quam ex usu vulgari repetitum sine dubio tradidit Antimachus, poeta Colophonius, cum Callimacho, Cyrenaeo. Hi enim asinum optimae notae appellant ἐνεάκυκλον; sunt vero κύκλοι, auctore MESYCHIO et HERODIANO, αἱ ἐν τοῖς σκέλεσι τῶν ὄνων περιγεγραφαὶ μέλαιναι i. e. circuli nigri in pedibus asinorum; qualibus reuera multi etiam nostratum asinorum humeros et femora cincta gerunt, vt iam annotatum video in illustribus BUFFONI historia animalium.

Locum difficilem versu 251 seqq. de equis Aethiopiae feris, ita feliciter extricasse sibi videtur Gallus, vt equos fluuiatiles intelligi putet, quibus, vt verum fateamur, satis bene omnia in Oppiani descriptione conueniunt, praeter iubam per medium dorsum ad caudam vsque excurrentem, cum Aristoteles iubam equi simpliciter hippopotamo attribuerit. Sed miramur, Gallum non offendisse ad locum natalem equis feris assignatum ab Oppiano ἐπὶ κρημνοῖς ἐπὶ τέμασιν Αἰθιοπῶν, quod versio Turnebiana interpretatur *in praecipitiis ultimis Aethiorum*. Quid enim aliud hippopotamum praecipitiis assignare est, quam delphinum appingere filuis. Verum fortasse huic difficultati ita potest occurrī, vt dicamus, κρημνὸς h. l. esse ripas fluminum, aut loca paludosa; quemadmodum paulo post versu 365 de apro est, eum cubilia ponere πυράτοις ἐπὶ βένθεσι



βένθεσι κρημνῶν, vbi aequè inepte de praecipitiis capiunt. *Pindarus* etiam κρημνὸς saepe de fluuiorum, paludum et maris ripis dixit. Quod vero ipsam equi fluuiatilis formam attinet, mirum quantum in ea describenda veteres graeci et latini scriptores cum a se inuicem tum a recentioribus differunt, vt iam olim monuimus in censura *Aristotelis Gallici*. Postea hippopotami crocodilum faucibus tenentis imaginem ex gemma antiqua caelata (no. 62.) publicauit *Description des Pierres gravées du Cabinet du Duc d'Orleans* T. II. vbi editor p. 167. de hoc sensu monuit, et doctissimi *Aubentonii* disputationem eadem de re adiunxit. Denique quod descriptionem Gallus noster hippopotami, tanquam vero proximam, raram, et ex auctore manuscripto et anonymo profectam repetiit ex *Bulengero* de Ludis Circensibus, in eo egregie falsus est. Is enim totus locus, quem *Bulengerus* tanquam ex auctore manuscripto depromptum posuit, exstat hodie longe integrior in *Eustathii*, Antiocheni, Commentario in *Hexaëmeron* p. 21. Nobis quidem, si credere volumus; *Oppianum* etiam hic cornua cum dentibus nomine tenus permutasse, eodem iure conicere licebit feros Africae equos intelligi animal vernaculo nomine *Gnou* dictum, equo quidem toto corporis habitu admodum simile. Sed hoc est hariolari! In loco obscuro de luporum quinque generibus vers. 293 et seqq. explicando nihil attulit Gallus, quod ad ea genera distinguenda atque explicanda pertineret, nisi quod recte monuit, genus primum sagittarium dictum, versu 295. ἔξθός πτόπαν εἶδος *rufum*, non vero *flauum*, esse interpretandum. De altero genere, accipitre dicto, vulgata lectio versus 312. arguebat, eum inprimis capras depraedari; sed lectio Codicis Vaticani habet ἄγην, quod h. l. praestat vulgato αἰγί. Quartum genus vulgata

Tom. XXVIII. Pars III. H h lectio

lectio versus 327 εὐρύτατον ὤμοισι *latis armis* probat; sed lectio Codicis Vaticani habet νώτοισι, *lato dorso*. De lectionis veritate nondum decernere licet, quoniam haec genera prorsus ignoramus adhuc. Recepit tamen Gallus lectionem Vaticanam, relictis in versione *Turnebiana*, quam emendandam susceperat, *latis armis*.

De thoibus versu 37. recte monuit Gallus, illustrem *Buffonum* cum aliis male eos cum lupo aureo, *Chacal* vulgo dicto, permutare, a quo tamen notis quibusdam ab *Oppiano* editis satis distinguuntur. De thoibus ab *Aristotele* dictis res non adeo clara est; nimis enim pauca philosophus de eorum vita, nihil plane de forma prodidit.

Locum de hystrice vers. 393. ubi primum τῶν ἤτοι μέγεθος μὲν ὅποια λύκοισι δαφονοῖς, i. e. *magnitudo quanta luporum*, deinde vero βαιὸν, ὀλιζότερον — δέμας i. e. *paruum et brevius corpus* dicitur, recte quidem Gallus in corruptelae suspicionem adduxit, quod duo isti versus recta fronte invicem pugnant; sed medela ab eo proposita: τῶν ἄτοι et cet. i. e. *horum magnitudo non tanta est quanta luporum, sed parvi et breviori corpore sunt*, admodum nobis inepta videtur. Voluit enim sine dubio poeta docere, cui ferae maxima cum hystrice similitudo aut formae aut magnitudinis intercedat, nec intererat lectoris scire, cui dissimilis sit. Igitur corruptela aut in voce λύκος, aut in ὀλιζότερον, latet. Nihil enim fere hystrix cum lupo commune habet.

Narrationem de ichneumone mire corruptam Gallus plane non attigit, nisi quod versu 437. lectionem Codicis Vaticani posuit de cauda ichneumonis: ἀκροισι κεφαλῇ δοκέει δ' ἔμεν οἷσι κορύμβοις, ἅντα μελαινομένη, θηρῶν φορίδεσσιν ὁμοίη, quod versio *Turnebi* a Gallo emendata h. l. interpretatur:

nam



nam cauda ei procera et serpentina est, summis apicibus caput esse videtur, contra nigricans. Ad verba ἅντα μελαινομένη adscripsit Gallus: verte ἅντα ex aduerso spectata, *vue de face*. Verum quo argumento hanc interpretationem lectori approbabit? Deinde nulla potest esse loci huius iusta interpretatio, dum aliunde ei medicina facta fuerit. Quid enim monstrum lectionis a Gallo positum auctoritate Codicis Vaticani nos adiuuat? Quae potest excogitari caudae ichneumonis cum capite eius similitudo? Scimus caudam eius desinere in pilos longiores, quos vna cum reliquis caudae pilis contorquet iratus, erigit antrorsum (hinc *Oppianus* recte ἀντία γυρώσας versu 440.) et melius more grunnit, ut discimus ex accurata ichneumonis perfici descriptione in *Symbolarum Septentrionalium* Cel. PALLASII Vol. IV. p. 99. data. Κορύμβος ἀκῆς possumus pilorum fasciculum in caudae apice prominentem interpretari; sed quid faciemus illa serpentum squamis simili cauda? quae in ichneumone non squamosa, sed pilosa est. Vides igitur, Gallum non modo lectorem nihil in hac difficultate adiuuasse, sed multo etiam magis aliena intrusa lectione turbasse.

Ad versum 504. legimus hoc Galli decretum: Cuniculos et lepores confudisse videtur *Oppianus*; at *Xenophon* contra, ex cuius libello de Venatione noster haec cuncta de leporibus desumfit, rectius in duplicem speciem eos distinguit: vide pag. 573. l. 14 et seqq. Sed in utroque fallitur. Nec enim *Oppianum* confundere cuniculos cum leporibus vlllo argumento doceri potest; nec *Xenophon* vllibi duplicem leporum speciem distinguit. Nominat quidem εὐναίς et δεομαίς lepores, sed hi moribus, non natura differunt. Praeterea duo quidem genera nominat Cap. V. §. 22. sed magnitudine et colore

lore tantum distincta, quem in utroque genere eundem tradit cum *Oppiano*. Attamen facile credimus, *Oppianum* tria leporum Europaeorum genera, colore etiam diuersa, non satis distinxisse, colorisque differentiam omnem ad terrae, cui inhabitant, colorem falso retulisse.

Hae quidem sunt omnes obseruationes viri docti, quae historiam animalium naturalem spectant, quas ex toto libro collectas posuimus, quo melius lectores nostri existimarent, quid noua haec *Oppiani* editio ad augendas scientiae naturalis copias ampliandumque, quicquid de veterum studiis hac in disciplina scimus, vel subsidii vel augmenti contulerit, et quid de noua libri de Piscatione editione porro exspectare liceat.

### VIII.

AURELII CORNELII CELSI medicinae libri octo.

Ex recensione LEONHARDI TARGAE. Accedunt notae variorum, item quae nunc primum prodeunt, I. L. BIANCONII dissertatio de CELSI aetate et GEORGII MATTHIAE lexicon Celsianum. Lugduni Batavorum, apud Sam. et Io. Luchtmans MDCCLXXXV. praefat. pagg. 56. operis et notarum pagg. 678. lexici Celsiani pagg. 463. in 4to mai.

**A**d hanc CORNELII CELSI editionem omnibus fere numeris absolutam et caeteris omnibus longe praestantiorem adornandam bibliopolae frustra in Batavis et alibi virum eruditum quaesiverunt, qui medicinae studium cum iusta literarum, praesertim latinarum, scientia ita coniungeret, ut editoris



ris partes recte et cum laude in se suscipere potuerit. Hinc ipsi bibliopolae negotium, quod cum plurima sane laude peregerunt, susceperunt, et si dubitatio quaedam in eligendis optimis libris tam impressis quam scriptis subesset, virum doctum et in latinis literis versatum consuluerunt. Ex illius consilio factum est, vt repudiato LINDENII textu manco admodum et ab ipso LINDENIO temere saepius interpolato, (mos enim fuit huic viro, vt, vbicunque difficultatem quandam textus offenderet, subinde corrigendam ex codicibus facile, subinde vero ipsis librorum auctoribus naturalem, suis textui inditis textum temere mutaret, vt adeo, si concinnam commodamque formam, quam editiones suae habent, excipias, parum in iis sit, quod commendationem mereatur) quem ALMELOVEENIUS etiam sequutus erat, CORNELII CELSI illud exemplum nouae huic editioni fundamentum praeberet, quod ex recensione LEONHARDI TARGAE, viri e MOR-GAGNII disciplina profecti et egregii prorsus, Patavii anno MDCCLXIX. prodiit. TARGA autem textum ad librorum scriptorum veterum fidem, imprimis antiquissimi Medicei, tanta cura, et tam docte recensuit, vt eius editio merito ea dici debeat, qua CELSUS illibatus et ad antiquissimorum librorum fidem integerrimus prodierit. Nouae autem huic editioni compluria accessere illam admodum commendantia et lectoribus interpretationis apparatus quendam cupientibus apprime utilia. Ediderat scilicet praeclarus vir, IOANNES BAPTISTA BIANCONIUS, dissertationem de CORNELII CELSI aetate doctissimam et omnibus paene numeris absolutam, a summis etiam in Germania viris admodum laudatam. Quod argumentum autem quum BIANCONIUS per epistolas ad TIRABOSCHIUM lingua Italica scriptas late explicuisset, librariorum ro-

gatu totius argumenti summam paucioribus pagellis conclusit et amplioris libri epitomen latine scriptam librariis paulo ante mortem communicauit. Venit etiam, casu quodam, in manus librariorum vetusta CELSI membrana ab aliis nondum collata, satis varietatum exhibens, quas huic editioni adiecerunt. Codicem tamen ipsum, qui insignem varietatum copiam exhibuit, non descripserunt. Adiectae etiam sunt variorum interpretum in CELSUM notae ex editione, quam celeberrimus et de vniuersa re medica meritissimus in Lipsiensi Academia medicus professor KRAUSIUS praeclarae suae et caeteris omnibus haecenus praestantiori editioni adiecerat.

Vti autem saepius accidit, ut virorum doctissimorum lucubrationes, quibus sedulam admodum manum admouerunt, et quae vtilitatem summam omnibus iis vtentibus adferunt, temporum quadam iniuria delitecant, nec facile in lucem protrahantur, ita in CELSUM lexicon copiosissimum, perfectissimum, a viro in CORNELII CELSI lectione maxime versato et in illustrandis explicandisque aliis veterum monumentis medicis felicissimo GEORGIO MATTHIAE, in vniuersitate Gottingensi quondam professore medico celeberrimo, studio summo congestum atque elaboratum, apud haeredes eius in tenebris, tineis et blattis expositum tam diu iacuit, donec a librariis aere redimeretur, et splendidissimae huic editioni, ceu singulare ornamentum, subnecteretur. Quae librariorum cura eo magis laudanda est, quum CELSO intelligendo, explicando, ipsiusque adeo latinae purioris linguae thesauro copiosius instruendo hoc lexicon inprimis conferat, similemque laborem a summo viro IOANNE RHODIO profectum flammae absumserint, neque in promissis LEONHARDUS ipse TARGA, eundem laborem pollicitus, steterit.

Haec



Haec sufficient, vt intelligant commentariorum nostrorum lectores, quid a bibliopolis, studio sane ex omni parte laudabili, in hac editione adornanda fuerit praestitum. Praefationem bibliopolarum, dedicationes et praefationes Cl<sup>um</sup> quondam virorum, IOANNIS CAESARII, ROBERTI CONSTANTINI, IOANNIS ANTONIDAE VAN DER LINDEN, THEODORI I. AB ALMELOVEEN, IOANNIS BAPTISTAE VULPII, LEONHARDI TARGAE excipiunt.

Sequuntur librorum scriptorum editorumque, p. 35. qui in CELSI emendatione a TARGA adhibiti sunt, indices. Antiquissimus Mediceus codex saeculo XII. scriptus est et in CELSI lectione recte constituenda summae utilitatis. Caeteri Medicei, qui numero sex sunt, adeo inter se consentiunt, vt ab vno eodemque exemplari profecti videantur. Scripti omnes saeculo XV. sunt, at tertius paulo antiquior est. Vaticani septem codices omnes saeculo XIV. aut XV. scripti sunt.

Editorum librorum recensione, mancam, nec p. 39. principes omnes editiones referentem, IOANNIS LUDOVICI BIANCONII *de CELSI aetate epistola* excipit ad librarios latine data. In ea hoc maxime probatur, quod CELSUS, quem TIBERII AUGUSTI temporibus floruisse plurimi auctores perhibent, aureo linguae latinae saeculo, primis nempe OCTAVII AUGUSTI temporibus, vixerit. Quod inde potissimum probatur, quod QUINCTILIANUS refert CORN. CELSUM artium libros suos ante GALLIONEM patrem exarasse. Fato autem functus est GALLIO MESSALA circa dimidium imperii AUGUSTI. Ex ipsis praeterea CELSI locis variis colligitur, artes suas illum concinnasse paucis annis a THEMISONIS ex Laodicea, qui Romae medicinam faciebat, interitu; siquidem ad eum prouocans non aliter meminit, quam *nuper* THEMISON. Is autem

circa annum V. C. DCC. supremum diem obiit, quod inde probatur, quod ASCLEPIADEM praeceptorem habuerit, qui anno V. C. DCLXIII. vivere desiit. Verosimile admodum est, THEMISONEM annum paene trigesimum egisse, quam ASCLEPIADES, praeceptor ipsius, interiret, et anno aetatis LXXX, anno V. C. DCCX. supremum diem obiisse. Ex quibus manifeste patere Noster putat, CORN. CELSUM non longe post annum V. C. DCCX. artium libros elaborasse. quod commode primis temporibus, quibus AUGUSTUS summa rerum potitus est, respondet. Accedit his argumentis aliud, quod videlicet CELSUS medicinae historiam ad THEMISONIS tempora deducat, neque ANTONIUM MUSAM memoret, qui tamen ASCLEPIADIS placita a THEMISONE mutata iterum mutauerat, medicinaque frigida AUGUSTO feliciter administrata tantam nominis celebritatem nactus erat, ut CELSUS, si MUSAM excepisset, curationis celeberrimae et placitorum immutatorum mentionem siue dubio iniecisset, in primis quum in citandis auctoribus admodum copiosus esse soleat.

Quae omnia coniecturae fidem satis magnam sane conciliant, CORN. CELSUM ante annum V. C. DCCXXXI. artium libros suos concinnasse, temporibus, quibus VIRGILIUS, HORATIUS aliique aureae aetatis scriptores florere. Ipse praeterea CELSUS frigida iecinori infesta putat, quod sine dubio non scripisset, si frigidae ad haec affectionum genera laudes usu ab ANTONIO MUSA et exemplis probatae ad eum peruenissent. Licet autem CELSUS a COLUMELLA, qui CLAUDII temporibus floruit, temporum suorum auctor vocetur, id tamen opinionem Nostri non admodum infirmat, quoniam COLUMELLA, qui opera sua senex conscripsit, iuventute florere, declinante AUGUSTI imperio, probe



probe potuit. Ad reliquas CELSI conditiones quod attinet vitamque, non admodum verosimile est eum ad nobilissimam Corneliam Romanam gentem pertinuisse, ingenuum vero et liberali genere natum probari aliquo modo potest, partim quia nomen triplex gerit, insolitum libertis, partim quia honestatis, pudoris, tam copiosa documenta in libris suis occurrunt, ut liberalem educationem habuisse facile pateat. Romam incoluit, incertum, utrum donatus Romana ciuitate, aut Romanus ciuis. Confecit scientiarum complurium epitomen, quam artium titulo insigniuit, adsignato artium cuique peculiari libro. Inde etiam codices vetustissimi optimique titulum habent Artium A. CORN. CELSI liber VI. medicinae vero primus. De agrorum cultura quintus liber fuit. Rusticas etiam res et pecuariam prius tractasse ex opere ipso patet. Rhetoricam etiam, notante IUVENALIS scholiaste, septem libris complexus est. De historia, legibus et re militari libros edidisse QUINCTILIANUS refert.

Num CELSUS medicus reuera exstiterit, aut p. 51. scriptor tantum, qui notas sibi res ad medicinam facientes in epitomen redegerit, auctores dubitant. Calluisse medicinam certum est, incertum vero, imo dubium, num mercedis gratia medicinam exercuerit. Princeps ratio in eo sita est, quod epitomen complurium artium scripserit, nec credibile admodum sit, illum has artes omnes, de quibus scripsit, exercuisse. Finem doctissimo operi coniecturae quaedam de viuendi genere, quo CELSVS vsus est, aliaeque imponunt.

Sequitur ipse textus, typis nitidissime impressus expressusque, ex LEONH. TARGAE recensione. Textui eiusdem TARGAE notae doctissimae subditae sunt, quibus non quidem obscuriora loca explicantur, quod tamen optabile magis fuisset, sed potius recepta in textum lectio vindicatur, aliaeue

adferuntur, quae minorem auctoritatem fidemque habent. In quibus notis non quidem est quod admodum taxemus, nisi quod interpret auctori suo interpretando et illustrando operam tam parcam dederit, superflua tamen, nec accommodata satis diffusaeque nimis sunt, quae ex LINDENIO aliisque notae haud optimae interpretibus ad lectionis varietatem pertinentia; de LINDENII enim lectionibus in textum temere receptis certum est, eas codicum fidei aliisque regulis firmioribus in recipiendis lectionibus aliis observandis parum niti. Hinc imminuta paululum libri moles foret, ut de taedio, quod lectoribus iure mouet lectionum copia textui parum aut nullo modo inferuiens, non loquamur, si, omissis iis, quae LINDENIVS temere textui de suis inspererat, in minuendis TARGAE notis doctus vir, cui editores curam libri demandauerant, insudasset.

Textum epistolae aliquot in CORNELIVM CELSVM excipiunt, notissimae scilicet epistolae immortalis viri IOANNIS BAPTISTAE MORGAGNII ad IOANNEM BAPTISTAM VVLPIVM datae, literis minutioribus, nec tamen oculum laedentibus, impressae. Literas copiosas ipse TARGA ad doctos Italos scripserat, quibus eorum, si obscurior ipsi quidam CELSI locus esset, consilium petiit. Hae literae omnes cum responsoriis, epistolas MORGAGNII excipiunt, scilicet a TARGA ad CAIETANVM COGNOLATVM, IOSEPHVM TORELLVM, IACOBVM FACCIOLATVM, IOANNEM BAPTISTAM MORGAGNIVM, datae, cum dictorum clarissimorum virorum responsoriis, et MORGAGNII literae ad IOSEPHVM TAVRELLVM datae cum eiusdem viri responsoriis, in quibus omnibus, doctissimis quippe, ad illustranda explicandaque difficilia CELSI loca plurima notatu dignissima continentur.

Lectio-



LECTIONUM varietas ex codice manuscripto saec. XV. haud antiquiore et ex Poggii, Secretarii Apostolici libro descripto, quem TARGA intercedente IOSEPHO Libero Barone ab ABACO a Serenissimo quondam Bauariae electore MAXIMILIANO IOSEPHO impetrauerat, epistolas consequitur. Accepit hunc codicem, quum ipsa editio multum processisset, hinc, quae textui subiicienda fuissent, hic adnexa sunt.

Variorum auctorum, quae nunc sequuntur, notae, ex CONSTANTINO, SCALIGERO, CAESARIO, CASAVBONO, COCHIO, ALMELOVEENIO, KRAVSIO, et ex editione CELSI ab Illustri viro CAROLO CHRISTIANO KRAVSE, quae Lipsiae, anno MDCCLXVI. prodiit, desumptae copiosissimum interpretationis apparatus, at variae utilitatis, continent. CONSTANTINI, SCALIGERI, CAESARII, CASAVBONI, ALMELOVEENII ita hic perfecte leguntur, vti KRAVSE, Vir Ill. eas dederat, ipsae vero KRAVSII notae in epitomen quandam redactae, quaedam etiam ex iis penitus omissae sunt. TRILLERI criticae in CELSUM observationes penitus desiderantur, quae tamen obscurioribus CELSI quibusdam locis haud parum lucis affundunt. Notas varietates codicis membranacei admodum copiosae sequuntur.

Singulare autem ornamentum huic editioni accessit adiecto copiosissimo in CELSUM indice a GEORGIO MATTHIAE studio summo confecto, cui proprium potissimum hoc est, vt voces CELSO vsitatae omnes alphabeti serie recenseantur, locaque omnia adiciantur citenturque, in quibus eadem vox, phrasi simul adiecta, in opere ipso occurrit. Quod laborum genus quum studium copiosum et continuam lucubrationem requirat, nec in vilo auctore paene alio simile studium insumtum sit, laudandum vehementer.

menter studium librariorum et commendandum est, quod hos doctissimi quondam et in CELSI lectione versatissimi viri labores tineis et blattis forte futurum pabulum redemerint et CELSI editioni, quam adornarunt, splendidissimae, subiunxerint.

Non autem solum vocibus in CELSO occurrentibus euoluendis et harum usu discendo hoc lexicon inseruit: rerum etiam diligentissimus vir studiosam rationem habuit, adeo ut, si vocem quandam euoluas in hoc indice, omnia inuenias, quae in CELSO occurrunt, siue significationem, siue res ipsas spectes, ut adeo hic in CELSUM index vero lexicī realis nomine veniat, neque quicquam sit, quod in eo facile desideretur.

Sed in molem index increuit ipsum librum longe superantem, partim quoniam auctor omnes usitatissimasque latinis viris voces locaque collegerat, in quibus hae voces occurrunt, eaque loca ad verbum in indicem suum transcripserat, partim quoniam, quod admodum laudabile est, et ad CELSUM illustrandum imprimis confert, obscuras voces omnes, eas imprimis, in quibus HIPPOCRATEM CELSVS latine explicuit, citatis HIPPOCRATEIS vocibus locisque, quae CELSVS latine dixerat, graeco fonte allegato et explicito diligenter illustrauit.

Quae ut lectores exactius intelligant, loca quaedam indicis, non vero admodum prolixa, exempla tamen eorum praebentia, quae de indice ipso retulimus, in commentarios nostros transcribere lubet.

*Ac. I Praef. 3. 102. 2, 8, 54. 114. — (loca alia copiosissime adiecta sunt) in transitione I praef. 92. 105. 1, 2, 14. 2, 3. 9. 11. (citatis locis compluribus aliis) i. item etiam 7, 14, 31. praeterea adhaec I. praef. 53. 3, 8, 6. 4, 4, 52. i. et quidem 2, 7, 82. ac etiam, interposita voce. 6, 11, 14. ac neque*  
I praef.



i praef. 112, 1, 1, 1. 1, 2, 2, 2, 1, 48. 2, 4, 17 — ac ne quidem. 1, 2, 14. 2, 3, 7. — ac primum 6, 18. 82. 7, 7, 152. ac primum dein 5, 28. 52. ac protinus quidem, sed. 3, 6, 20. 21. ac quidem, in *transitione*, *sequente vero vel* autem 3, 3, 6. 7. 3, 4, 20. 21. — ac quoque. 2, 6, 30. — ac quoque *i. quin adeo* 6, 14, 10. ac postea quoque 4, 13, 18. ac tum quoque 5, 26, 62. 7, 26, 66. ac saepe 3, 3, 14. 4, 13, 13. — — ac si *pro sic si* 3. 9. 11. 7, 29, 3. 3, 15, 10. 4, 5, 23. — ac tum 3, 15, 7. ac tum quoque, tum 7, 26, 66. *ac ante vocalem*: ac in super 4, 10, 7. ac inter 8, 1, 71 — ac, et 7, 18, 39. (Loca omnia, copiosissime allegata, consulto non transcripsimus.)

Resido, sedi, fidere, *penultima breui sedem* capio: periti medici est, non protinus, vt venit, apprehendere manu brachium, sed primum residere hilari vultu percunctarique, caet. 3, 6. 15. medicus neque in tenebris neque a capite aegri debet residere, sed illustri loco, aduersus eum. 3, 6. 25. in tepidario residere 1, 3, 9. ipsum (*medicum*) posteriore parte residentem 8, 15, 6. *i. erectum sedere*: vbi residere vult (*decumbens aeger*) in ipso acuti morbi impetu 2, 4, 1. quae biliosa in stomacho residerunt. 3, 12, 8. *i. collecta sunt. i. in arctius spatium contrahor*: aspera arteria in gutture assurgit caeterisque partibus residit 4, 1, 9. *opp.* vbi resedit inflatio 4, 5, 9. intus tunicae oculi residant. 6, 6, 92. *i. collabantur.*

Vnicum adhuc exemplum adicere liceat, vt intelligant lectores, quomodo doctissimus indicis auctor medicamenta a CORN. CELSO memorata pertractauerit.

Lases, eris, *succus sylphii radice et caulium concretus*: de quo Theophrast. hist. plant. 3, 2. Dioscorid. 3, 94. Plin. hist. nat. 16, 33. et 22, 23. *alibi-  
que.*

que. Solin. cap. 29. Pallad. de re rustic. 3. tit. 29, 4. tit. 10. Salmas. ad Solin. p. 2, 4, 9. seqq. Rhod. ad Scribon. Larg. com. 67. p. 126. seq. et com. 192. pag. 279. seq. *Spanhem. de usu et praestant. numismat. diff.* 6. p. 293. seqq. Laserpitium, quod Graeci silphion vocant, cuius succum vocat laser Plin. h. n. 19, 3. add. Colum. de re rustic. 6, 17. et 12, 57. *optimum laser Cyrenaicum, sed idem rarissimum: minoris virtutis Syriacum, quod Plinii aetate maxime in usu fuit: adhuc minoris praestantiae Parthicum: ultimae notae Medicum auctores perhibent.* Laser nominat 4, 3, 8. 4, 4, 62. 5, 27, 60. 78, 83. accus. 3, 16, 7. 4, 12, 11. 6, 14, 9. oportet laser quam optimum ad piperis magnitudinem deuorare. 4, 12, 11. laseris quam optimi paululum deuorare opus est. 4, 4, 59. laser terere 6, 14, 9. lasere linguam ipsam linere (oportet) 4, 2, 39. ex eadem autem aqua gargarizandum quoque est vel cum lasere vel sine eo. 6, 14, 11.

## IX.

SCRIBONII LARGI compositiones medicamentorum denuo ad editionem RHODIANAM editae a IOANNE MICHAELE BERNHOLD, phil. et med. D. Serenissimo Marchioni Brandenburg-Onoldino - Culmbacensi a consiliis aulae, physico supremarum praefecturarum Vffenhemensi et Creglingensi, academiae Imperiali Naturae Scrutatorum adscripto. Accedunt praefatio et index. Argentorati apud A. König, typis Knenleinianis, MDCCLXXXVI. in 8vo. praefatio 24 pagg. textus cum indice 158 pagg. complectitur.



Post tam praeclaros et numeris paene omnibus absolutos labores, quos summus quondam vir, IOANNES RHODIVS, in SCRIBONIO edendo insumfit, post editionem inquam Rhodianam amplissimam doctrinae vtilissimae ad illustrandos etiam complures veteres medicos alios copiam continentem, Iliada post Homerum cecinisse Cl. BERNHOLDIVS videtur, dum in SCRIBONIO nouiter edendo elaborauit. Licet enim complures adeo et comparatu faciles SCRIBONII editiones haud prostant, neque Rhodiana editio tam frequenter obuia sit, vt quauis alia carere possimus, non quidem reprehendendum est propositum Cl. viri operae suae partem edendo iterum SCRIBONIO impendentis, taxanda autem reprehendendaque iure leuior opera est, qua SCRIBONIVM tractauit, taxandum id potissimum est, quod SCRIBONIVM quidem nobis dederit, recuso RHODII textu, sed neque ex RHODII notis lectu dignissimas et auctori illustrando inprimis vtilis, eas inprimis, quibus antiqua SCRIBONII medicamenta illustrantur, elegerit, neque, post praeclaros celeberrimorum viro- rum in eruendis antiquis medicamentis labores, vl- lam horum laborum mentionem fecerit. Notum denique perspectumque omnibus est, lexicon Scri- bonianum IOANNIS RHODII studio summo elabora- tum plurimum vtilitatis adferre iis, qui in veterum medicorum studio versantur, plurimaeque in hoc lexico contineri, illustrandis scriptoribus omnibus, qui in argentea Romanae linguae aetate vixerunt, admodum vtilia. Hos autem labores, quibus ta- men insigne ornamentum editioni suae accessisset, et vtilitas quaedam, quum RHODII amplissima edi- tio non frequenter admodum in bibliothecis pro- stet, lexiconque in veterum studio occupatis plus vtilitatis adferat, quam amplissimae et nimia paene doctrina exornatae eiusdem doctissimi viri notae,  
con-

consulto omisit, indice tamen, a WEINRICH, doctore medico, confecto addito, qui vero praeter medicamentorum nomina a SCRIBONIO memorata quibus sine omni detrimento rerum suarum lectores carere potuissent, nihil continet. Quae enim ad illustranda medicamenta quaedam adferuntur a BERNHOLDIO, aut obuia satis notaque omnibus, aut non apposita satis, neque ex omni parte vere dicta sunt. Notissima certe sunt indic. p. 147. quae de aluminis generibus veteribus memoratis adferuntur, liquido scilicet atque concreto, quibus tamen non omnia aluminis genera comprehensa sunt, nec quid cadmia nostratibus vocetur scire opus est, verum potius, cuinam corpori naturali veteres hoc nomen dederint. *ἰεράν βοτάνην* verbenacam APVLEII et aliorum esse BERNHOLDIVS asserit, ipse SCRIBONIUS vetonicam esse, dixerat, quam sui temporis medici et prophetae praesertim pariter *δῖαν*, *ἰεράν*, ob magicas virtutes et potentes, quas ipsi tribuere, appellarunt. Hinc non est quod indic. pag. 152. summum virum RHODIVM Noster confutet, quum praesertim et ipse RHODIVS \*) sacrae herbae nomen verbenacae, cui id magis competit, tribuere maluerit.

Sed haec de calce operis dicta sufficiant. Praefatio speciosis admodum titulis instructa est, quibus quippe *nova* se prolaturum, *refutatis* contradicentium sententiis, Noster pollicetur. Operae autem pretium est, ut dispiciamus, quaenam haec *nova* sint, quibus titulus praefatiunculae temere ornatus est.

Primum SCRIBONII copiosissime ex vniuersa Romana antiquitate excitantur ex RHODII notis pag. 3. et 4. quas tamen Noster studio non citat,

et

\*) Not. ad Scribon. compos. 150. pag. 222, 223.



et LARGI quidem ex BURMANNI praesertim in OVIDIVM notis. Plura etiam de SCRIBONII nomine adferuntur, in eo non vera, quod RHODIVS testis adducatur, SCRIBONIVM a MARCELLO SIBVRIVM appellatum esse: haec enim ex IANO CORNARIO desumpta, non RHODIVS ipse adfert. TIBERII CLAVDIIQUE aeuo certe vixit, libri ipsius locis compluribus hoc probantibus. Licet autem, deficiente documento qualicumque alio, liber ipse non prodatur, dignitatem in medicina famamque peculiarem auctori suo SCRIBONIO fuisse, putat tamen Noster, quoniam MESSALINAE proposuit et CLAVDIVM in Britanniam sequutus est, eum apud CLAVDIVM eiusque coniugem archiatri munere functum esse intimaeque admissionis fuisse, (quis autem tales tamque futes coniecturas vnquam veras putet? Nemo sane fuerit, qui conclusionem talem valere facile credat, inprimis quum archiatri Romani temporibus, quibus SCRIBONIVS vixit, longe recentiores sint, MEIBOMIO \*) probante.)

Praeceptores habuit APVLEIVM, CELSVM, VALENTEM et TRYPHONEM, dogmaticorum sectae adnumerandus, aut potius eclecticorum, quod tamen etiam maiori et intensiori probatione indiget, inprimis quum de eclectica veterum hac medicorum secta omnia adhuc dubia ambiguaque sint, neque sectae singulari addictus dici is queat, qui de doctrinis cuiuscunque sectae optima quaeuis sibi, ad suos vsus eligit.

p. 12. summi viri, CONRINGIVS et HALLERVS, male taxantur, quod empiricum SCRIBONIVM fuisse retulerint: quae sequuntur, digna sunt, vt transcribantur. Aliter iudicassent, credo, summi hi viri,

\*) In Cassiodori formulam comitis archiattrorum. cf. Haller biblioth. med. pract. tom. I. §. 27. p. 179.

viri, *si legissent, quae protuli* (dolenda quippe merito horum virorum fors est, quod temporibus vixerint, quibus insignia vastaque cari nostri viri inventa incognita fuere.)

Probatur postea, sed modo Nostro solito, doctissimum medicum fuisse, *SCRIBONIVM*, neque quicquam in opere eius paene reperiri, quod superstitionem ullam, aut non satis consummatum usum redoleat. Fuisse potius medicum in arte sua admodum exercitatum, candidum, probum, honestum humanum.

Nunc *noua* BERNHOLDII sequuntur in praefationis titulo memorata. Obiter scilicet IANVS CORNARIUS dixerat credibile esse, quod *SCRIBONIVS* librum suum de medicamentorum compositione graece conscripserit. Eadem alii in transitu quasi, adductisque nullis plane rationibus, dixerant, quae IOANNES RHODIVS in notarum suarum prooemio docte iam, ut ipsi erat solitum, confutauerat. Haec vero omnia sicco pede transit, scilicet ut *noua* proferat, aut potius dicta iam alio sermonis genere profert, auctore non citato. Si vero etiam *SCRIBONIVM* graece scripsisse communis opinio esset, argumenta BERNHOLDII Nostri certe latinas operis origines non probarent. Latinae enim voces, quas LARGVS, ut maiorem dictis lucem adfunderet, in Graecam linguam conuertit, vix probant, librum latine scriptum esse, probarent potius, eum, qui libro e graeco sermone in latinum vertendo operam dedit, studio verba graeca simul adduxisse, ne vocum permutatione et alia iis significatione data, error legentibus subnasceretur. Eadem perfecte in alterum argumentum dici possent, quo Noster utitur, dicens, latinum compositionis medicamentorum librum ideo esse, quod Graeca in latinum versa contineat, scilicet librum παρασκευαστικῶν AS-  
GLEPIA-



CLEPIADIS, cui interpretatio *praeparationum* adiuncta est; talia enim studiosum admodum, nec errorem facile admittentem virum latinae e graeco versionis auctorem proderent. Tandem, latinae libri origines tertium *nouum* argumentum non melius exactiusue probat. LARGVS haec verba habet: *est stomachi vitium, quod inrequiebili, ut ita dicam, et inextinguibili siti consistit, ατονον Graeci vocant*, Noster vero ex addito *ut ita dicam* probari posse autumat, SCRIBONIUM, quod doctiorum nemo haecenus in dubium vocauit, HALLERI enim, qui graece librum scriptum esse et postea latine versum, ex CORNARIO statuit, testimonia in rebus ad antiquitatem medicam pertinentibus auctoritatem plurimam haud habent, librum suum, licet in Graecis admodum, pro temporum suorum more, versatus, latine scripsisse.

Noua autem in hac editione pollicitus Noster licet in promissis non steterit, ipseque adeo in praefatione plura ex aliis scriptoribus desumta adferat, quos tamen, studio forte, non citat, hoc tamen praestitit, in quo laudandus vehementer est, quod editionum, quae haecenus prodierunt, omnium accuratam recensitionem dederit, promissarum adeo, non vero absolutarum mentione non neglecta. Nec in iis, quae ad externam libri formam pertinent, aliquid negligentiae in editorem et typographum cadit, ut certe commodam admodum vsuique inferuientem SCRIBONII editionem constituat.

X.

QUINTI SERENI SAMONICI De Medicina Praecepta Saluberrima. Textum recensuit, lectionis varietatem, notas interpretum se-

lectiones suasque adiecit IOANNES CHRISTIANUS GOTTLIEB ACKERMANN Med. Doct. (et Prof. Altorfin.) Lipsiae in bibliopolio Mül-leriano 1786. 8. 175 pagg.

Saepe mirati sumus, quid sit, quod hodie adeo frigeat veterum medicorum studium, ut pauci eos penitus norint, pauciores magni aestiment, et in causis huc attinentibus non ultimam putamus quendam editionum defectum. Id etiam ad Q. SAMONICVM pertinere volumus. Etsi enim pristinis seculis pluries in vulgus editus est, tamen hodie maximam partem desunt amantibus. Laudabilem ergo censemus Cl. ACKERMANNI operam, in eo restituendo poliendoque consumtam, quia nihil quidem omisit, quod huc spectare videbatur, nihil intactum vel intentatum reliquit, ut poetam et correctiorem, et comtiorem prodire iuberet, eaque via facilius intelligere possent lectores, quod boni nouique vetus ille hospes adferat.

- p. 1. In *Praefatione* Cl. ACKERMANN docte lateque inquit in carminis auctorem, sed ambiguus haeret, patri, an filio adsignandum sit, id vnum certum putat, etiamsi medicinam professus non sit, tamen
- p. 18. medicamenta quaedam utilia expertum, duces *Dioscoridem* atque *Plinium* vtrumque potissimum secutum, parabilibus remediis contentum, et in pangen-
- p. 19. do carmine imitatum fuisse *Lucretium* et *Horatium*.
- p. 24. Deinde percenset *codices manuscriptos* 12. eosque, ut semper, variae aetatis varii pretii esse ait, primas tamen dat *Veneto*, HVMELBERGII, ROB. CONSTANTINI, RANZOVII, RIVINI, KEVCHENII, ita vero, ut nec ceteros omnino spernat, sed subinde recipiat in textum lectiones meliores. Posthaec *editiones* nominat 24. circiter, et quid quaeque



que valeat, quid ipse praestiterit, boni editoris munia rite impleturus abunde docet. Etenim nec te- p. 43.  
mere mutauit textum, nec abhorruit omnino a variis lectionibus, quas subiecit optimas, nec spreuit notarum copiam, quas antecessorum diligentia sug- gesserat, sed delectum adhibuit, et si qua senserat neglecta vel obscura, his demum suam ipsius operam addidit Cl. ACKERMANNUS. De textu ipso non attinet, ut multis dicamus. Inuenient certe lectores, quam aptus rei fuerit nouus editor, et quam nitide libellum exprimendum curarit bibliopola. Litteris enim BREITKOPFII puris pulchrisque ita impressus est, ut parum aut nihil absit ab splendore, quo exterae nationes iubent talia vetustatis monimenta perennare.

## XI.

De Antonio Musa Octauiani Augusti medico et libris, qui illi adscribuntur, prolusio, — auctore IOANNE CHRISTIANO GOTTLIEB ACKERMANN medicinae in vniuersitate literaria Altorfina professore publico ordinario. Altorfii 1786. 3 pag. in 4to.

Continet quaedam haec prolusio ad medicinae Romanae historiam pertinentia. Fama enim est nostris temporibus nondum satis discussa excussaue, medicos, post Archagathi primi apud Romanos Graeci medici tempora, seruilem omnes apud Romanos conditionem habuisse, et qui hoc argumentum pertractarunt celeberrimi viri hanc ignominiae maculam opera plurima data medicinae detrahare quidem studuerunt, vti speciosis quidem argumentis, at non veris, Graeca praesertim Romanis miscentes, quum

longe alia tamen medicorum apud Graecos, quam apud Romanos, extiterit conditio.

Ingenuum semper fuisse medicis apud Romanos statum, et in seruili conditione seruos tantum fuisse medicorum seruitia, chirurgicam etiam opem et ad dietam dominis praestantes, communis doctissimorum virorum opinio fuit, qui omnem seruilis ignominiae maculam medicinae Romanae detraxerunt. Alii exemplis quibusdam ducti, quibus medicus seruus adducitur a scriptoribus satis copiosis, omnem Romanorum medicinam penes seruos fuisse adseruerunt: media via pauci incesse-  
runt, quae hic tenenda est. Medicos enim temporibus inter Archagathum et Iulium Caesarem intercedentibus seruos, internam etiam aegrotantibus medicinam praecipientes plures fuisse negari nequit. Negari autem iterum nequit, Graecos nulla seruili macula dehonestatos medicos plures Romam venisse temporibus praesertim Iulii Caesaris aetatem proxime antecedentibus, ciuitate etiam donatos, qui Romae artem suam sine ullo seruilis conditionis praeiudicio exercuerunt. Magni tamen medicinam Graecorum rationalem et dogmaticam, empiricae magis indulgentes, Romani non habuere usque ad Iulii Caesaris tempora, qui omnes medicinam Romae professos et liberalium artium doctores, *quo libentius urbem incoherent caeterique appeterent*, ciuitate donauit.

Ab his itaque temporibus noua medicorum exterorum conditio Romae etsi incipit, non eam tamen ob causam medici Romani. Augusti temporibus florentes omnes ingenui fuere; plurima enim, quibus internarum medicinarum administratio denegari nequit, seruorum aut libertorum mentio apud scriptores his temporibus florentes occurrit. Plures tamen peregrinos medicos Graecos, ciuitatis



tis priuilegio et aliis immunitatibus ab Augusto ipsis concessis vsos Romae his temporibus floruisse satis credibile est, et loco ex SVETONIO allegato aliisque probatur. Romani AUGUSTI temporibus medicinae operam dedisse non videntur, omniaque, quae Plinius de celeberrimis medicis ex illustribus Romanorum familiis perhibet, Cassiis, Calpitanis, Aruntiis, Albutiis, Rubriis, ad tempora, quae Augusti aetatem exceperunt, referenda sunt.

Medicus Augusti libertus, adeoque seruilis ante im- p. 10. petratam libertatem, conditionis Antonius Musa fuit, frigida medicina, qua Augusto periculose decumbenti vitam seruauit, celeberrimus, celeberrimus etiam ob praemia ipsi a senatu populoque Romano decreta, statuam in foro ad signum Aesculapii positam, et ob annuli aurei ius ipsi ab AUGUSTO concessum.

Notum autem est, quanti hoc ius cum eoque iuncta equitis Romani dignitas ab omnibus facta sit, qui encomiis magis medicinae, quam historiae perscribendae operam dederunt. Plura sane ex hoc virtutis medicae praemio hi viri deduxerunt, quae probari nullo modo possunt, in quibus confutandis Noster nunc versatur.

Primum id probatur, quod Augustus Musae annulum aureum sine censu equestri vix dederit. Census autem equestres Romani omnes qui habebant, equestrem dignitatem censui his temporibus adiunctam simul habuere. Libertis autem annulo uti non licuit his temporibus, idque ius Augustus Musae dedit.

Tanti itaque putanda haec equestris dignitas p. 17. ANTONIO MUSAE cum annulo aureo concessa non est, ut medicos cum ea Romanos omnes eandem dignitatem acquisiuisse vlllo modo credibile sit. Medicorum quidem doctrinam Antonius Musa muta-

vit, frigidam, praeunte tam specioso exemplo, calidae nunc praeferentium, sed conditionem non mutauit. Nec antiquitatis testimonia hoc probantia vlla adfunt; immunitas enim, quam Augustum medicis concessisse Dio refert, certe equestri dignitati et annuli aurei iuri aequiparanda non est. Nec medicorum felicitis audaciae praemium MUSAE datum conditionem vlllo modo mutauit. Eaedem penitus immunitates grammaticis et praeceptoribus, eodem Dione referente, ab Augusto datae sunt; quibus certe omnibus annulus aureus non simul datus est, temporibus, quibus Romani ciuis honores tanti habebantur, vt commendatis etiam a dilectis sibi et principibus in re publica viris ciuium Romanorum honores Augustus denegaret.

Adscripti viro tam claro ob felicem medicinam Augusto administratam libri quidam sunt, alter de vettonica herba, alter de diaeta ad Maecenatem. *De vettonica herba* liber certe ab alio, recentiore auctore, empirico medico, profectus est, et Apuleii labores istos, quos in herbario suo condidit, perfecte redolet, ita vt docti viri hodie de hoc opere Apuleio adscribendo fere omnes conueniant. Probauit Noster, plurima ex PLINIO desumpta esse, ipsumque adeo hoc opus, quod auream Augusti aetatem nullo modo, sed ferream potius refert, longe recentius esse.

De diaeta autem ad Maecenatem liber mancus admodum, graece scriptus, cuius tamen versio nobis superest, aliquoties cum aliis scriptis medicinalibus edita, Musam auctorem magis redolere videtur. Argumentum enim auctori suo admodum respondet plura continens amicae familiaritatis Musae cum Augusto et Maecenate testimonia, quaedam etiam de morbis, quos Augustus ipse perpeffus est.



XII.

IOANNIS ANDREAE MURRAY D. Equitis ordinis  
Regii de Wafa — de materia arthritica ad ve-  
renda aberrante disquisitio. Sectio prior vitis  
et commendationi aliquot medicinae candida-  
torum praemissa. Sectio posterior. Göttin-  
gae 1785. in 4to.

**S**cenam amplissimam ludit, prout omnibus no-  
tum est, in omnibus diuturnis morbis materies  
arthritica, quae saepius morborum decursum ita  
mutat, turbat peruertitque, ut exercitatus etiam  
in cognoscendis morbis medicus in erroneas vias fa-  
cile deducatur. Verendarum inprimis partium  
morbi complures ex arthritica materia ad eas aber-  
rante sunt, praesertim in his, quibus hae partes  
aut ob impuram, quam passae sunt, infectionem,  
aut aliam ob causam admodum debilitatae sunt.  
Hinc, quum parum de hac arthritidis anomalia haec-  
tenus in medicorum libris scriptum sit, quae saepe  
morbos venereos inueteratos suetaque methodo  
non curandos simulat, gratiae plurimae habendae  
sunt Illustri harum prolusionum academicarum au-  
ctori, viro in observando sagacissimo, et in his, quae  
haecenus in medicina praestita sunt, versatissimo,  
quod observationes de harum aberrationum natura,  
cognitione et curatione ex auctoribus, suasque,  
quae maximam libelli partem efficiunt, literis con-  
signauerit.

Rheumatismum ab arthritide Ill. Auctor non  
distinguit, nisi in eo, quod musculosas partes rheu-  
matismus, articulos arthritidis occupet, faciliorque  
ab aëre, caet. rheumatismum contrahendi occasio  
sit. Vidit adeo Ill. vir vnum eundemque morbum  
li 5 quoad

quoad affecta loca, mox rheumatismum, mox arthritidem constituisse, dum materies celerrime a musculosis partibus ad articulos decurreret.

Ad verendas partes autem translata arthritica materies mox grauiora mox mitiora symptomata excitat. Qui leuius aegrotant, mingendi difficultatem tantum experiuntur, tam mitem subinde, vt solito plus temporis tantum mingendo consumant. Alios mingendi difficultas corrumpit, gonorrhoea spuria alios, molestissimum pruritum, excoriationem glandis, omnesque harum partium morbos ab inflammatione oriundos excitans. Alii catarrhum ex vesica habent. Aliis testiculi, scrotum, aliae partes afficiuntur. Alii symptomata omnia gonorrhoeae venereae vehementissimae patiuntur, in iisque metus est, ne prostata glandula inflammatione affecta scirrhum et carcinoma contrahat. In aliis morbus haemorrhoides mucosae vesicae simulat. Summa autem in plurima caussarum, quae gonorrhoeam excitant, varietate, cura opus est, ne originum ignorantia quid committatur, quod in aegri perniciem cedat. Omnia enim, quae internam vrethrae tunicam irritare, inflammare valent, gonorrhoeam excitant, pro irritamenti magnitudine vehementiorem.

Notae autem, quibus eruitur miasma arthriticum in culpa esse, difficiliore redduntur complicatione venerea, haemorrhoidali, aliaue, inprimis, si quis gonorrhoea olim venerea tentatus in arthriticam incidit, aut si in aegro arthritide nunquam antea affecto natus subito arthriticus humor ad verendas partes deponitur. In hoc casu lucem quandam medico dare potest negatiuum iudicium, dum nulla reliquarum gonorrhoeae caussarum accusari potest, conditiones adsunt, sub quibus arthritis alias facile enascitur, haereditas, contagium, diaetae vitia, et  
in



in externo forsan corpore arthritici cruciatus sequuntur, silente vel mitescente altera labe. Aliud signum praebent filamenta in lotio fluctuantia, ficcata speciem calcis prae se ferentia (quod signum nos in gonorrhoea arthritica, veneream rite percuratam excipiente, admodum diuturna et rebeli cum pertinaci scroti, imprimis in his partibus, sub quibus funiculi spermatici descendunt, pruritu coniuncta constanter obseruauimus.)

Planior cognitionis via est, si malum in corpore est, arthritidem anomalam perfectam passio, licet etiam interuallum ab arthritide ad hunc morbum admodum longum sit. Maxime firmatur iudicium de arthritica morbi indole, si, disparentibus cruciati-  
bus in alia corporis parte, incommoda ista in verendis sentiuntur, disparentia vero in verendis alias partes occupant. Nec damni quid in aegrum redandat, dum medicus, statu irritationis perseverante, in causae iusta aestimatione decipitur, in hoc enim omnis curatio irritationi aduersa esse debet: superato vero hoc stadio auxilia causae, quae subest, studiose accommodanda sunt.

Quemadmodum autem quaeuis arthritidis anomala difficilior curatu magisque ambigui euentus est, quam ista, quae exterius corpus obsidet, ita et ad verendas partes aberrans. Non semper tamen aequae timenda est, quum a leuissima stranguria usque ad lethale prostaticae carcinoma extendatur. Si gonorrhoeam spuriam, aut leuiorem vrinae difficultatem excitat, blandius malum est, difficilius, si comitem se adiungit vera vrethrae inflammatio, quae si versus vesicam descendit et prostaticam corripit, ambiguum exitum reddit. Ipsa etiam induratio et intumescencia prostaticae curationem admittit, modo recens sit et efficacibus medicinis impugnetur.

Decubitus arthriticae materiae ad partem antea a morbo liberam maxime nixus huius partis intensior determinat, qui vel stimulo, vel debilitando partem ad suscipiendum virus alicubi latens opportunam reddit. Sic ischias nervosa intensissima scapulas subito occupavit, brachiis alte exporrectis. Sic nixus verendorum intensior, stimulus ad ea extrinsecus allatus plurimum valet ad virus arthriticum alliciendum. Insuper singulari nisu arthriticum miasma in lotii vias fertur.

In posteriore sectione historia dicta haecenus illustrans enarratur. Vir integram et puram sceleris vitam agens arthriticis insultibus saepius, haemorrhoidalibus symptomatibus parum vexatus Ill. Auctorem, ob profluvium ex vrethra cum ardoris sensu consuluit. Venereae labis suspicio ne minima quidem. Itinere instituto sanus ab arthritide vir redierat, sed mox, ob debitum conjugale frequenter vxori praestitum, vrethrae titillationem, deinde dolorem sensit. Postea muci stillicidium cum ingenti dolore, versus collum vesicae saeuiente, et vrina, licet crebro ad mingendum stimuletur, admodum difficili. Quibus omnibus mox accessere glandis et praeputii tumor, auctum muci stillicidium, dolor in inguinis glandulis et in femore, mentulae cum dolore erectio, ponderis in ano sensus. Postea febris, vere inflammatoria, arthritica, cum summo dolore, doloribus arthriticis mox hanc, mox illam partem occupantibus. Postea, mitigata febre, et inflammationis externae signis mitioribus, tenesmus accessit, summum dolorem excitans, a glandulae prostaticae inflammatione residua natus, quae explorata per anum digito tumorem exhibuit ovatum, tactu mollem, dolentem. Febre tandem accedente eaque mitigata inflammatio disparuit. At superstes mansit tumor



mor prostaticae piriformis, indolens, durus, latitudinis quatuor transuerforum digitorum. Cicutae extractum, etiamsi tribus cum dimidia vnciis consumitis, ad tumorem non valuit, qui nec decreuit, nec mollior euasit, sed sollicitum magis medicamentum reddidit, sensu aliquo molesto fornicationis, punctationis, vel tensionis accedente. Magis suspecta aegri conditio reddita est, quum vesperi per plures dies febricula emergerit. Minuit tumorem tinctura antimonii Thedenii postea data, tentato antea incassum corticis Peruvianum cum cicuta connubio. Interpositus postea tincturae antimoniali usus gummi guaiaci cum sapone alicantino est, laesisque concoctionis viribus elixiria amara subuenerunt. Quibus omnibus aeger a difficili morbo perfecte liberatus est.

Thedenius, ad quem Ill. Auctor morbum hunc perscripserat, in responsoriis certiores illum fecit, sibi septem vel octo casus similis fere indolis obuenisse. Horum tres infaustum exitum habuere, in auxilium licet vocatis medicis peritissimis, quum malum in prostaticae carcinoma inueteratum, quod et in anum et in perinaeum vim suam sparserat, transisset. Reliqui sanitati restituti; in duobus tamen vrethrae eluuiis remansit, pro mucosis haemorrhoidibus habenda, quibus arthritica materies sese adsociasset. Eadem remedia, quae Ill. Auctor, THEDENIUS, V. Ill. adhibuit.

Tandem casus eiusdem morbi ab aliis visi exhibentur. (Vidimus et ipsi hunc morbum, gonorrhoeam veneream proxime excipientem, diuturnum admodum, per tres paene annos perdurantem, nec penitus haecenus sanatum, liberato quidem aegroto perfecte ab omnibus malis, residuis vero pertinaciter gonorrhoeae mucosae licet leuio.

leuioribus vestigiis. Morbum et curandi modum, ab agyrtis vero tonforibusque saepe pessime turbatum, proxime in his commentariis enarrabimus.)

XIII.

Philosophical Transactions of the royal Society of London. Vol. LXXII. for the Year 1782. P. I. II. Lond. sold by Lockyer Davis and Peter Elmsly 1782. 1783. 4. 462 pagg. c. Append. pagg. 33. et Tabb. aen. 16.

i. e.

Acta Societatis regiae Londinensis ad ann. 1782. Vol. LXXII. P. I et II.

- P. I. I. **C**OMITIS GIOENI *Dissertatio de nouo pluuiæ genere.* In montis Aetnae vicinia a. 1781. d. Aprilis 24ta, arbores, prata, quaecunque sub dio erant loca, humore multo ex cinereo albicante madebant, qui solis calore abstersus copiosam terram albidam post se relinquebat. Quae humectaverat liquor iste, ferrea instrumenta, ea statim erodebantur, rubiginemque contrahebant. Vulgaris erat opinio, portentum istud pestilentes morbos vel famem praesagire, multique, venenum esse suspicantes, toto illo tempore ab aqua pluuiâ abstinebant. Vanum tamen metum fuisse cum euentus ipse, tum chemica analysis docuerunt. Nulla enim calamitas publica accidit, et noster, experimentis cum pluuiâ istâ institutis, terram, quae admixta erat humori, praeter calcem et sal calcareum nihil esse cognouit. Aetnae incendio nouissimo rem omnem tribuit, terramque cum coelesti aqua delapsam montis quasi fuliginem fuisse, non incongrue suspicatur, cum notum sit omnibus, flammarum vehementia cineres



neres multas et ingentes materiae volatilis nubes ex igniuomis montibus in sublime rapi, quae deinceps frigore compacta ex aëre in terram demittuntur. — Haec dissertatio italico sermone scripta, in appendice anglico idiomate expressa repetitur.

II. LAURENTII CRELLII *ad* GULIELMUM HUN- p. 8.  
TERUM *epistola*, (latine scripta) *de nouis experimen-*  
*tis chemicis, quae ad penitiorem Acidi pinguedinis*  
*cognitionem valere videntur.* Continuatur enarratio  
experimentorum, quae ex LXXmo Aëtorum angli-  
corum Volumine, Commentariorum nostrorum  
T. XXVI. p. 566 recensuimus. Destillatione ex sale  
suo medio elicited pinguedinis acidum, mitius,  
quam antea fuerat, esse, idem ex sapone puro, alu-  
mine addito, ignis adminiculo extortum tanta vi prae-  
ditum esse, vt fumos etiam emittat, per tentamina  
Cl. CRELLII constitit. Porro acidum illud repeti-  
tis destillationibus ita mutari cognouit, vt non mo-  
do mitescat, verum etiam sedimentum terreum pe-  
culiaris indolis demittat. Aurum a puro aci-  
do pinguedinis haud soluitur; aliqua tamen con-  
tingit solutio nitri acore addito; neutiquam tamen  
inde efficitur, acidum pinguedinis salino prorsus esse  
simile. Nam mixtura ex singula nitrosi et binis pin-  
guedinosi acidi partibus parata auro soluendo par-  
erat: in aqua regia autem alia esse debet salini acidi  
ad nitrosum ratio, alioquin aurum non dissoluitur.  
Platinae calcem, non vero platinam ipsam soluit  
pinguedinis acidum, argentum ab eodem non sol-  
uitur; sed corroditur, hydrargyrus, licet tantillum  
eius soluatur, magis solidescit; calx eiusdem me-  
talli facilius ab acido recipitur. Cuprum, ferrum,  
zincum, regulum antimonii, magnesium denique  
facile soluit acidum pinguedinis; longe difficilior  
plumbum, stannum et arsenicum; Bismuthum, co-  
baltum et niccolum plane respuit, quorum tamen  
calci-

calcibus satis facile nubit. Variorum etiam metallorum in aliis acidis solutionibus acidum pinguedinis *Auctor* addidit, eaque ratione huius cum metallis adfinitates accuratius determinauit. Experimenta ista, et alia, quibus tum *salis Segneriani* (ex acido pinguedinis et alcali fixo parati) ad alia acida habitus, tum noui huius acidi actio in varia familia media declaratur, hoc loco, ne diutius lectores moremur, praetermittimus, addituri tantum acidi pinguedinis et salini discrimina. Quamuis enim multa vtrique sint communia, pinguedinis tamen acidum a muriatico differt, intima cum oleosis partibus coniunctione; sale calcareo, quem non diffluentem praebet; naphthae faciliore genesi, argenti et mercurii solutione prompta, huius denique praecipitatione ex sublimato corrosiuo.

p. 35.

III. GUL. WHITE *observationes de hominum Eboraci quotannis mortuorum numero.* Inde ab anno 1728. ad a. 1735. mortuorum numerus quotannis ad natorum numerum se habebat, vt 498: 400 siue vt 5: 1. Insequente aetate inuersa fuit ratio; ita vt partus frequentiores essent mortuis, horumque numerus annuus septenni spatio ab. a. 1770 ad finem anni 1776. ad partuum numerum comparatus esset vt 452: 474, siue propemodum vt 45: 47. Frequentiores tamen erant feminarum, quam marium, mortes, ex illis etiam plures moriebantur quotannis, quam nascebantur. Saluberrimum anni tempus aestas erat, infensus vitae, et quo plures morerentur, hiems. Cum autem priori aetate ex  $21\frac{3}{4}$  vnus quotannis mortem obiret, posteriori tempore, scil. ab. a. 1770 - 1776. mortuorum ad viuos proportio annua fuit vt 1: 28 $\frac{1}{4}$ ; vnde luculenter apparet, ciuitatem Eboracensem hoc nostro aeuo salubriorem, quam olim, esse: cuius rei causam Cl. *Auctor* tum in variolarum insitione omnium fere suffra-



suffragiis accepta et meliori febribus medendi methodo, tum in ipsius vrbis regimine, platearum domorumque nuper exstructarum amplitudine, aquae pluviae per vicos olim fluentis passimque stagnantis derivatione, vicinorum lacuum exsiccatione, canalium denique et cataractarum substructione positam esse existimat.

IV. IOH. TORLESE *Equitis, Praefecti Anni* p. 44.  
*gensis ad GUILIELMUM HORNBEY Praectorem Bombaiensem de monstroso quodam partu epistola.* Puellae erant duae natibus inter se ita coalitae, vt altera alteri insidere quasi videretur. Capita duo huic monstro erant totidemque trunci, quorum singulus brachiis manibusque binis instructus erat. Ex medio corpore, latere sinistro, pedes duo porrigebantur; ex ipso dorso eminebat tertius duorum pedum inter se coalitorum speciem quodammodo referens. Vnicus aderat anus, vnicus etiam vmbilicus, sed duo genitalia muliebria.

V. KEANE FITZGERALD *Experimenta cum* p. 46.  
*Cannabis chinensis seminibus instituta.* Demonstratur, hanc cannabis speciem coeli nostri naturam patienter ferre, et ob filorum textilium inde parandorum subtilitatem et firmitatem cannabi nostrati praefarendam esse.

VI. SAM. MORE *Dissertatio de Scoriis, quae in* p. 50.  
*officinis ferro fundendo destinatis sponte colliguntur.* Filamenta sunt tenuia, candida, vitri instar pellucida, fragilia, lauae vitreae filamentosae HAMILTONI simillima. Pari modo hanc lauam in montibus igniuomis, scoriam illam in furnis fusoriis ignis violentia excoqui, per argumenta varia demonstratur.

VII. GUIL. GORSUCH *Compendium necrologii* p. 53.  
*Parochiae sanctae Crucis Salopenfis (Holy Cross, Salop) inde ab a. 1770. ad a. 1780. Plurimos. ta-*  
*Tom. XXVIII. Pars III. Kk bes*

bes et variolae, paucissimos inflammatorii morbi iugulauerant. Mortuorum intra decennium ad natos ratio erat, vt 311 : 385.

p. 179. XV. RICH. KIRWAN *Continuatio Experimentorum et Observationum, quibus nonnullorum salium pondera propria viresque attractivae determinantur.* Principia, quibus haec experimenta nituntur, alio loco exposuimus \*). Addidit Cl. Auctor observationes nonnullas de phlogisto, quod idem esse cum aëre inflammabili, multis iisdemque ingeniosis argumentis contendit. Indagavit etiam per experimenta, quanta phlogisti copia fixo, nitroso, vitriolico et salino aëri, nec non sulphuri adhaereat.

p. 237. XVI. ALEX. VOLTA *Methodus nova electricitatem minimam inuestigandi.* Nemo facile erit inter lectores nostros, qui nouum illud instrumentum, cui *condensatoris electrici* nomen dederunt physici, plane ignoret. Debetur autem illius instrumenti inuentio Cl. VOLTAE, qui hac dissertatione de constructione et usu eiusdem exposuit. Sunt quaedam corporum genera, quae medium quasi locum inter electrica et non electrica obtinent: v. c. marmor exsiccatum, lignum leniter tostum vel vernice obductum et alia. *Imperfecti conductores* nuncupari consueuerunt. Ex tali igitur materia condensatores fiunt, accumulandae materiei electricae, cui transitum non concedunt, aptissimi. Tabula marmorea polita, igne modico exsiccata et calefacta, vel vernice illinita optimum condensatorem praebet. Cui si discum metallicum imposueris eamque filo metallico a conductore atmosphaerico porrecto per aliquod tempus contigeris, sublato iterum disco, manifesta electricitatis signa tum motu electrometri;

\*) Vid. Comment. nostr. Vol. XXVI. p. 223. et Vol. XXVIII. P. I. p. 68.



metri, tum scintillis e disco profilientibus, sese produnt, licet antea nullum electricitatis superstitis vestigium inuenire potueris. Simili propemodum ratione experimentum succedit, si conductoris atmosphaerici loco, phialae Leydensis, electricitate uti videtur, prorsus orbatae, globum condensatoris disco applicueris. Eiusdem apparatus adminiculo constitit, sub aquae euaporatione, carbonum combustione, acidorum denique cum metallis aut lixiuis salibus efferuescentia, materiem electricam excitari et euolui. Vero simillimum igitur est, illam corporum facultatem, qua electricam materiam sibi iungunt et retinent, augeri eorundem in vapores dissolutione. Qua in re non potest non intelligi ea, quae materiem caloris fluidumque electricum intercedit, similitudo, cum per nuperrima experimenta constiterit, illam quoque virtutem, qua corpora calorem absorbent, in vaporibus eorum maiorem esse. Caeterum Cl. VOLTA multa adhuc docte et subtiliter de condensatorum natura et vtilitate disputat, quae si repetere vellemus hoc loco, totam fere dissertationem describere cogeremur. Eadem, cum italice scripta sit, in appendice anglice versa legitur.

Subiungimus indicem dissertationum mathematicarum, mechanicarum et astronomicarum, quas huius Voluminis pars prior continet.

VII. PATRICII WILSON *Dissertatio, qua nobilis illa quaestio, an radii lucis diuersa media peruadendo, velocitatem iuxta legem refractionis a Newtono inuentam mutant? aberrationis stellarum fixarum observatione illustratur.* IX. GEORGII LLOYD *plu* p. 71: *viae agrum Barrowbyensem prope Leeds annuo spatium irrigantis copia numeris expressa.* X. IAC. SIX p. 72. *noua thermometrorum emendatio.* XI. GUIL. HER- p. 82.

- p. 112. SCHEL *de Parallaxi stellarum fixarum.* XII. EIU-  
 p. 163 DEM *Enumeratio stellarum duplicum.* XIII EIU-  
 DEM *descriptio Micrometri lampade illuminati* (Lamp  
 p. 173. Micrometer). XIV. EIUDEM *responsio ad dubia*  
*quaedam contra usum lentium vitrearum obiectorum*  
 p. 281. *volumina valde augmentum suscitata.* XVII. TH. RUT-  
 p. 285. LAND *Diarium meteorologicum Lyndonense.* XVII.  
*Diarium meteorologicum Societatis regiae.*

Iam ad posteriorem huius voluminis partem ac-  
cedimus.

- p. 305. XIX. IOSIAE WEDGWOOD *Descriptio thermo-*  
*metri noui maioribus caloris gradibus mensurandis ido-*  
*nei.* Notum est, vulgaria thermometra mediocres  
 tantum calores indicare, ignitionis vero gradus de-  
 terminare haud posse. Multa tamen opera artificum,  
 quae igne vehementi fortique indigent, sine huius  
 accurata moderatione perfici nequeunt. Quae re-  
 putans secum Auctor noster, facile intellexit, men-  
 suram ignis a tali corpore esse repetendam, quod  
 sub ignitione aequabiliratione sensim mutetur, sed  
 nullam destructionem patiatur. Nouum, quod in  
 hac dissertatione proposuit, thermometer, argil-  
 lae mutatione ignis gradus dimetitur. Argillae scili-  
 cet indoles ea est, vt inde ab ignitione vsque ad eum  
 aestus ignei gradum, quo in vitrum conuertitur, sen-  
 sim sensimque voluminis deminutionem experiatur.  
 Noster igitur ex argilla purissima apyra talos paruos  
 aequali volumine parauit, molisque eorum igne  
 factam deminutionem in modulis aeneis, quorum  
 parietibus decliuibus per aequalia interualla gradus  
 inscripti essent, dimetiendo, ignis varia discrimina  
 aestimauit. Scala modulis aeneis inscripta, duo-  
 rum pedum habet longitudinem et gradus 240 in-  
 dicat. Auctor, varios ignis gradus per experimen-  
 ta cum hoc thermometro suo indagando, cuprum  
 Suecicum 27, argentum 24, aurum 32, aurichal-  
 cum



cum 21, ferrum 130 — 150, vitrum 114 — 124, massam fictilem testacum Hetruscarum et Romanarum 20 — 32, testas porcellaneas Chinenfes 120 — 156 graduum calore fundi obseruauit. Caeterum talos illos thermometricos parauit ex argilla alba apyra Cornwalliensi, quae a calcarea terra acidoque vitriolico prorsus libera est, et praeter terram aluminis (argillam puram BERGM.) siliceam tantum continet.

XX. GUIL. WITHERING *analysis chemica lapidum Rowley-Ragstone et Toadstone.* p. 327. Vtraque lapidum species ad siliceorum classem pertinet. Lapis, quem *Rowley-rag-stone* Angli vocant, in Centenario, siliceae terrae partes  $47\frac{1}{2}$  argillae purae  $32\frac{1}{2}$  calcis ferri 20 continet. Centenarius lapidis *Toadstone* terrae siliceae partes  $63\frac{1}{3}$ , calcis ferri 16, terrae calcareae  $7\frac{1}{3}$  terrae aluminis  $14\frac{8}{15}$  habet. Appendicis loco adiecta est tabula, salium in spiritu vini rectificatissimo solubilitatem et insolubilitatem demonstrans.

XXI. IOH. SMEATON *Experimenta noua, quibus corporum mutua collisio explicatur.* p. 337. Instrumentum nouum proponitur percussioni mutuae corporum elasticorum aestimandae idoneum. Cuius constructio, cum in reliquis machinae vulgari, quam *percussoriam* dicunt, satis similis sit, in eo tamen differt, quod elateres additi sint, pendulos bacillos ligneos (filis substitutos) dirigentes. Reliqua figurae adiectae clarius, quam verba possent, illustrant.

XXIII. IOH. HUNTER *Dissertatio de organo auditus piscium.* p. 379. Ipsa cranii cauitate organum auditus in piscibus continetur, et tribus canalibus curuatis conuergentibus cartilagineis vnico saepe orificio terminatis, cranio tectis, non autem vndique inclusis, vel in ipso cranio exsculptis, constat. Ex his canalibus bini sunt perpendiculares, singulus horizontalis,

talís. A communi perpendicularium orificio meatus extrorsum porrigitur, paruo nonnunquam ostio in suprema capitis parte terminatus. Nerui auditorii non in ipsis canalibus, sed in coeca eorundem et dilatata appendice distribui videntur. Caeterum non omnia in piscium diuersorum organis auditoriis pari modo se habent.

P. 384. XXIV. ABR. BROOK *Electrometri noui descriptio.* Artificiosa huius electrometri constructio vix potest, sine figurarum adiectarum inspectione, explicari.

P. 426. XXVII. IOH. INGENHOUS *Observationes et experimenta, nexum, qui vegetabili regno cum animali intercedit, illustrantia.* PRIESTLEYUS contendebat, aërem dephlogisticatum, qui in vasis, aqua plenis et vegetabilia continentibus, dum solis radiis exponuntur, colligi solet, non ex ipsis plantis, sed ex aqua prodire. Quam opinionem confutaturus Noster, aquae, per coctionem omni aëre orbatae, vegetabilia varia, inprimis conferuam riuularem, immerfit, vasaque plantas istas cum aqua continentia fundo inuerso in patina hydrargyri plena collocavit. Sic aërem e plantis prodeuntem vidit protinus ab aqua absorberi, quae deinceps agitata multas bullas excussit, et coctione aërem dephlogisticatum praebuit. Experimento isto aliisque multis similiratione institutis efficitur, aërem dephlogisticatum plantis, non aquae, deberi.

P. 440. XXVIII. GUIL. ANDRÉ *Dissertatio de oculis Monoculi Polyphemi.* Vulgaris est opinio, hoc insectum binis oculis instructum esse. Noster quaternos ei naturam dedisse inuenit. Ex his bini sunt maiores, latius a se inuicem distantes, bini minores approximati. Illi renum figuram habent, multisque foveis exsculptae sunt, quas, si microscopio lustrentur, totidem conorum apices esse apparet.

Sin-



Singulus quisque conus solidus est et pellucidus, multisque minoribus conis sibi inuicem insertis constat. In medio corneae loco recti sunt coni, reliqui obliquo situ versus centrum inclinantur. Cum autem ipsa cornea pars sit crustae quotannis exui iterumque innouari solitae, vero simile est, extrema conorum strata, vna cum crusta infecti, singulis annis abscedere, eorumque loco stratum, quod proxime subiacet, extremum fieri. Minores Polyphemi oculi singulos tantum conos habent.

Elenchus commentationum mathematicarum etc.

XXII *Descriptio Xenodochii Heckinghamensis*, p. 335. quod, cum conductoribus acutis munitum esset, fulmine tactum fuit. XXV. S. VINCE *Methodus noua infinitarum serierum summam inuestigandi*. XXVI. IOH. P. 417. HELLINS *Methodus aequales radices aequationum Divisione inueniendi*.

#### XIV.

Medicinae praxeos Systema ex academiae Edin-burgenae disputationibus inauguralibus praecipue depromptum et secundum naturae ordinem digestum, curante CAROLO WEBSTER M. D. Valetudinarii Publ. Edin. Med. Alter, e Coll. Reg. Med. Edin. Societ. Reg. Med. Paris. et Edin. huiusque ad acta edenda a Secretis. Tomus I. Edinburgi typis I. Bell et R. Murray. Venalia prostant apud Gulielmum Gordon et Robertum Murray; Londini apud Carolum Dilly, nec non Richardson et Urquhart, bibliopolas 1781. 8. 498 pagg. Tom. II. 1781. 308 pagg. Tom. III. 1781. 299 pagg.

**N**on mala subiit Cl. WEBSTERUM cogitatio, cum, quae hinc inde sparsae dilaberentur disputationes Edinburgenses, in vnum veluti ordinem iungeret, et ex his Systema quoddam practicum condere conaretur, mutando, augendo, in breuius spatium redigendo, annotationes subiiciendo, et vt nihil deesse videretur, alienas addendo, has vero ita collocando, vt suo singulas ordini redderet. Vellemus tamen, si ita agere lubitum erat, aliquem e Systematicis secutus eiusque ordinem imitatus esset, subiiciendo annum, quo quaeque scripta est. Nam et illud sua vtilitate non caret.

P. 7.

De modo, quem in tractanda materia candidati adhibuerunt, nihil est, quod moneamus. Idem enim fere in omnibus hisce disputationibus esse solet. Neque stilus purus est. Delibemus ergo potiora.

p. 1.

*Ordo I. Morbi haemorrhagici.* Continentur hoc quidem

p. 1.

1. *De plethora*, auctore B. COGHLAN. Praeuia generali plethorae diuisione, definitionem, symptomata, causas, diagnosin et curam scribit. Nihil noui inest.

p. 20.

2. *De haemorrhagiis*, auctore G. CLAPHAM. Verfari se velle potissimum in explicanda epistaxi, haemoptysi, haemorrhoidibus et menorrhagia, spondet Noster, sed ultra communia non progreditur, ita quidem, vt post signa et causas, et curationem adferat. In hoc quidem dissuadet opii vsum ante sedatam dispositionem inflammatoriam.

p. 38.

3. *De administratione antiphlogistica*, auctore R. SCOTT BYAM. Intelligit Noster sub hac id, quod medici vulgo appellant *regimen antiphlogisticum* et *medicamenta antiphlogistica*, et comprehendit vitandis irritamentis, quae pauciora aut plura magisque aut minus corpora nostra semper fere exercent. lubet  
ergo



ergo *cap. 1.* vitanda, quae instrumenta sensus affi- p. 40.  
ciunt i. e. tactum et calorem, *cap. 2.* motum, *cap. 3.* p. 43.  
animi perturbationes, *cap. 4.* alimenta stimulantia, p. 45.  
*cap. 5.* sitim, *c. 6.* ventriculum infestantia, *c. 7.* ster- p. 47.  
cora dura, *c. 8.* communem humorum acrimoniam. p. 48.  
(Nollemus hanc dissertationem in societatem rece-  
pisset Noster, vtpote ieiunam, nec huic ordini sa-  
tis accommodatam, cum nihil de haemorrhagiis con-  
tineat.

4. *De epistaxi.* Videtur hoc sumtum ex *Dun-* p. 49.  
*cano*, sed minus idoneum ad hunc morbum satis  
perspiciendum est.

5. *De haemoptoë*, auctore T. CAW. Statuit non, p. 51.  
nisi 12 species *Sauvag.* damnat ergo phthificam,  
catarrhalem et tuberculosam, reddendo causas et  
explicando breuiter potiora momenta, etsi nihil  
memorable hic deprehendas.

6. *De haemorrhoides*, auctore F. CLAXTON. Red- p. 61.  
dit, praeter definitionem, historiam morbi, cau-  
sas (in his deest sexus sequior, vbi vel infarctus vr-  
get, vel obstructio mensium) et rationem meden-  
di, quam soli plethorae et irritamentis accommo-  
dat. Sed id nequaquam sufficit ad curationem hae-  
morrhoidum, ideoque debebat Cl. editor, certe no-  
tulis supplere, quae desunt.

7. *De menorrhagia in non grauidis, nec puerpe-* p. 73.  
*ris*, auctore D. DALY. Praemittit quaedam de men-  
struorum origine, tunc accedit ad ea, quae nimis  
fluunt, causas nominat, quae plethoram faciunt,  
sanguinis cursum citant, solidas partes relaxant vte-  
rumque ipsum molestant, sed iterum desideratur  
vberior explicatio et distinctio, et finit cum me-  
thodo medendi, quam vellemus supra memoratis  
caussis accommodasset. Sic enim tyronum studiis  
succurritur.

- p. 85.      *Ordo II. Morbi inflammatorii.*      Hic largior  
messis est, eamque ob rem breuiter opellas indi-  
camus.
- p. 85.      1. *De phlegmasiis vel inflammatione*, auctore R.  
JOHNSTON. Infunt communia inflammationis  
signa, causae, methodus. Proximam causam ne-  
gat esse obstructionem vasis et spissitudinem sangui-  
nis, sed magis accusat spasmum vasorum extremo-  
rum. Subdit exitum inflammationum per resolu-  
tionem, suppurationem, gangraenam et scirrhum,  
item medendi rationem, i. e. antiphlogisticam, de  
camphorae virtute dubitat, sed sine probatione.
- p. 99.      2. *De cynanche tonsillari*, auctore G. HOGGART  
TOULMIN. Est haec eadem, quae vulgo angina  
inflammatoria dicitur, neque hic memorabile quid  
inuenitur, nisi quod noxas antecedentes, noxas se-  
minium facientes, noxas excitantes et id genus alia  
nominet.
- p. 121.      3. *De cynanche tracheali*, auctor AND. MEASE.  
Raram hanc speciem Noster putat, apud *Ellerum*  
eam inueniri, quae adultos occupat, primam de-  
scriptam esse ab Cl. HOME 1765. nouum tamen  
morbum non videri, quia semper in borealibus re-  
gionibus exstiterit. Causam proximam statuit in-  
flammationem febre synocha stipatam, membra-  
nam morbosam natam ex lymphâ coagulabili, cu-  
randum malum esse ita, vt auferatur inflammatio  
topica, suffocationi obuiam eatur, et recursus mor-  
bi praepediatur. Remedia nota sunt, nec semper  
fatis definita.
- p. 137.      4. *De ophthalmia*, auctore GUL. WEMYSS. Agit  
Noster tantum de idiopathica ophthalmia, caus-  
sam proximam assumit spasmum, mancus est in  
percensendis aliis causis, in curatione sperat et  
quaerit resolutionem.



5. *De phrenitide*, auctore ALEX. BERTRAM. p. 151.  
 Causam mali proximam statuit inflammationem cerebri, eique accommodat rationem medendi per sanguinis missionem, emetica, cathartica, pediluvia et somenta, regimen antiphlogisticum, applicata frigida, epispastica et opiata, ubi leuata est dispositio phlogistica.

6. *De pneumonia*, auctore J. SHEPHERD LEITH. p. 157.  
 Damnat species et ipsam pleuritidem, negat, inflammationem pulmonibus insidere, sed incipere semper ab parte membranosa, ideoque hoc pneumoniae nomine comprehendit quamvis pectoris eiusque partium inflammationem. Sedem in pleura ponit, et morbum internoscendum praebet *pyrexia, spirandi difficultate, tussi et alicubi thoracis dolore*. Cetera his functionibus respondent.

7. *De gastritide*, auctore G. HARMAN. Agere p. 182:  
 potissimum placuit Nostro de inflammatione phlegmonica. addidit tamen quaedam ex Cl. CULLEN p. 182:  
 obseruatione de *erysipelate idiopathico*, cuius signa notantur caloris dolorisque sensus in regione ventriculi, alior corporis externi, sitis et quae comitantur inflammationi, certissimum vero omnium oris et faucium erysipelas, quod quidem varia loca occupat, et ubi ventriculus male se habet, singultum, vomitum etc. contra ubi intestinis infidet, diarrhoeam cruentam facere solet. Praefert etiam Noster definitionem CULLENI, qua *pyrexia typhodes* p. 183:  
 esse dicitur, et symptomata primaria, praeter hanc, nominat pulsum intermittentem, anxietatem, ardorem epigastrii, dolorem, vomendi cupiditatem, singultum, sitim, crustam sanguinis phlogisticam, dyspnoeam et urinam suppressam. In causarum p. 183:  
 occasionalium numero ponit frigus, vim externam, nimiam distensionem ventriculi et dura, stimulantia, acria ingesta, hisque superstruit methodum meden-

medendi, etiam purgantia (?), sales neutros (?) et acida (?) commendat.

p. 195. 8. *De enteritide*, auctore G. HICKS. Adducit post definitionem causas, symptomata et diagnosin quia medici multum interest, hunc morbum curate nosse, prognosin, ubi pessimus putatur pulsus humilis, meteorismus et facies mire mutata, tandem methodum medendi. Hic, praeter sanguinis missionem, iubentur regimen antiphlogisticum, sudorifera, vesicantia et cucurbitae coecae, et posthaec ea, quae symptomata vrgentia releuant, v. c. cathartica leniora, enemata mollientia, anodyna, topica, in primis balneum tepidum.

p. 208. 9. *De hepatitide*, auctore R. SCOTT. Negat, more VOGELII ad definitionem requiri ictum, bilis vomitum et alui deiectionem, quia haec symptomata in idiopathica inflammatione rarius incidunt, neque vero CULLENI meliorem ideo putat. Huius varios exitus narrat, causam proximam statuit congestionem et spasmum cum vasorum hepatis actione incitata, percenset symptomata, dolorem et tensionem in hypochondrio dextro, dolorem acutum et ad os iuguli vsque protensum, (hac occasione reprobatur explicatio ab consensu nervorum vel oscillationibus peritonaei et pleurae) decubitus in latus affectum, dyspnoeam et tussim siccam, vomitum et singultum, colorem oris flavidum, quem pathognomonicum esse iterum negat, denique subdit consilia medendi. In his nihil est, quod memoremus, nisi mercurii usum in India orientali, qui acrimoniam humorum mitigando prodesse creditur.

p. 226. 10. *De nephritide*, auctore PLUNKETT LHOYD. Raritatem morbi ab insensibilitate repetit, ex definitione CULLENI abesse iubet partem posteriorem,

p. 230. quoniam ad calculum pertinet. Diagnosin bonam est,



est, cum hic facile errent medici. Opiata censet intutilia, si qua inflammatio dolorem facit.

11. *De hysteritide*, auctore LUDOV. BRO-P. 237. THERSON.

12. *De rheumatismo acuto*, auctore BARTHOL. P. 241. DILLON. Putat, hunc morbum ignotum, certe minus cognitum fuisse veteribus, proprium esse terris septentrioni propioribus, obnoxios ei, qui temperiem sanguineam habent, distinctionem in acutum et longum saepe difficilem videri, euentum rarius funestum, causam proximam vasorum minorum constrictionem et hinc ortum spasmum, methodum medendi antiphlogisticam, sub qua etiam continentur emetica.

13. *De erysipelate*, auctore T. DALE. Interp. 254. symptomata refert etiam tumorem faciei, eumque nasci statuit ab effusione quadam humoris tenuissimi in telam cellulosa. Causam, quare verum ventriculi erysipelas nunquam in suppurationem transeat, tribuit cuidam consensui eius et cutis. Praeferit ceteris remediis venaesectionem, deinde lenem alui purgationem, reiicit externe applicata, laudat corticem ad gangraenam auertendam.

14. *De variola*, auctore IAC. MACKNIGHT. De-p. 271. scribit variolam benignam et malignam. Cetera secundum CULLENUM. Ad partes ulceratas commendat unguentum molliens superhabendum et renouandum, ad hecticam ulcerosam corticem, opiata et alui lotiones, ad ophthalmiam opiata et mercurialia purgantia, ad apostemata superuenientia vero cataplasmata mollientia.

15. *De variolae insitione*, auctore ANDR. DOU-P. 286. GLAS. Variolas ab Arabibus vel ex Aegypto perfectas esse auctor est, insitionem hoc demum seculo apud Britannos usu euenisse, et ab his primum tentatam, Germanos eam nec expulisse omnino, nec.

- nec penitus recepisse, Batauos verbis, non factis comprobasse, Gallos despiciatui habuisse, America-
- p. 288. nos plurimum tribuisse. His addit *diuersas inseren-*
- p. 290. *di vias, obiectiones et methodum hodie vfitatissimam,* sed haec lippis et tonsoribus nota sunt. - Coronidis
- p. 300. loco superaddita est *varicellae* definitio.
- p. 300. 16. *De rubeola*, auctore CADWALLADER-BLAYNEY LEE. Origo morbillorum ab Arabibus repetitur, et *historiae morbi* subiicitur sectio demortuae feminae. Erat aspera arteria repleta materia purulenta, membrana interna vero inflammata, sed nec vlcerata, nec praeter naturam crassa, pulmo intus sanguine refertus. Ex quibus concludit, rubeolam sic differre ab peripneumonia, quod in hac pulmones semper graues et duri sint, in illa minime. Etiam probabilem signorum rationem exhibet, et iubet secari venam, aluum cieri, regimen antiphlogisticum adhiberi, propter catarrhum vero dari emetica, propter tussim opiata, propter acrimoniam humorum epispastica, propter tensionem laxantia, denique propter sequelas morbi ea, quae ad affectus pneumonicos commendantur, et in his etiam insitionem.
- p. 311. 17. *De scarlatina*. Videtur haec particula quidem aliunde sumta velutique operi insita, sed levis momenti esse.
- p. 312. 18. *De catarrho*, auctore I. NANKIVELL. Meminit catarrhi epidemici, qui a. 1732. et 1733. omnem Europam magnamque Americae partem peragrauit. Ad sputa mucosa et purulenta internoscenda repetit ea, quae *Darwin* scripsit, et methodum antiphlogisticam adhibendam suadet.
- p. 323. 19. *De phthisi pulmonali*, auctore I. HALLILAY. Constare putat Noster phthisin hanc tussi, sputis plerumque purulentis et febre hectica, et comple-
- p. 323. xus est binis partibus, quarum *prima* agit de *phthi-*  
seos



*seos originibus.* Huc refert labem hereditariam, temperiem sanguineam, scrophulas, aetatem mediam, haemoptysin, peripneumoniam et catarrhum, et id genus alia. Ex his concludit, phthisin pulmonum semper esse symptomaticam, saepius scrophulis deberi, certe tuberculis, et ex his ulceratis vlcus fieri, ideoque pus sorptum esse causam proximam, certissimam vero notam mali praesentis febrem hecticam et prognosin in principio ancipitem, adultam vero immedicabilem.

In P. 11. sistitur *phthiseos pulmonalis curatio*, eaque praeferuatoria continetur crebra sanguinis missione, curatoria vero ulceris sanatione. Symptomatica in alleuamento symptomatum. Laudat ergo Noster vesicantia, subdubitat de aëris fixi, corticis et myrrhae virtute, commendat lichenem Islandicum ad tussim sedandam, diarrhoeam mitigandam et phthisin ipsam minuendam, acidum vero vitrioli, cum opio copulatum, vel alumen ad sudores colliquantes refrenandos.

20. *De gonorrhoea virulenta*, auctore SAM. GRA. p. 339. HAM. Causa excitans dicitur solus coitus impurus, materia peccans est virus acre quoddam subtile, cetera symptomata repetenda ab inflammatione ad alias partes diffusa, methodus medendi primum antiphlogistica, post roborans. Hic approbatur injectio mercurii corrosivi diluta, tanquam tuta, reprobat lixivium causticum propter dolorem, adstringens quodque, quin etiam oleosa et mucilaginosa, commendatur ad longum stillicidium sine notis inflammationis balsamum copaibae, vel vitriolum album ex aqua solutum, negligendi putantur cerei (Bougies) quia meatum vrinarium dilatare posse videntur, ad vlcera parum vel nihil proficere.

p. 350. 21. *De synocha vel febre inflammatoria.* Est quoddam ex practico compendio supplementum.

*Ordo III. Morbi febriles.* Hoc sub ordine memorantur:

p. 352. 1. *De febribus intermittentibus*, auctore ION. BRANDRETH. Subdubitat Noster de febribus longiori circuitu redeuntibus et de quotidiana, quia multi clarissimi medici eam non obleruarunt vel literis prodiderunt; credit, tertianam basin omnium esse, quia saepius fuit epidemica, quartanam ex hac demum fieri, morbum per stadium horroris, caloris et sudoris persequitur, in principiis eius admittit contagium, negat lentorem sanguinis, vt causam proximam, sed debilitatem, (hanc nuper causam esse docuit Cl. GRUNER) spasnum periphericum et cordis arteriarumque actionem auctam contendit hunc efficere. Posthaec reddit signa discriminis, quod febres intermittentes et remittentes intercedit, et medendi rationem exacerbationi et remissioni accommodat. Laudat ergo pro ceteris opium post delirii finem datum, quia eius ope fit caloris mitigatio et perfecta intermissio, sales neutros sub frigore, inque his ammoniacum ante accessionem, purgantia, si opus est, tandem corticem.

p. 358. 2. *De typho vel febre nervosa*, auctore GUL. FEARNE. Distinguit Noster tria stadia typhi, iam a *Fracaitorio* descripti, quorum primum debilitate subita potissimum cognoscitur, et intra octiduum spatium continetur, alterum augmento languoris, sudore frigido et ipsa typhomania ceterisque signis malis sese prodit, in tertio ad vltima ventum est, interdum superaccedunt putredinis notae. Raro morbus iudicatur, rarius id fit die septimo et decimo. In hoc etiam incidunt tria febris stadia, debilitas,



bilitas, frigus et calor. Signa ita diuidit, vt adfe- p. 383.  
rat, quae debilitatem magnam indicent in functio-  
nibus animalibus et naturalibus, quae putredinem  
ostendant, singula breuiter explicando. Denique p. 385.  
medicationem sic instituendam suadet, vt spasmus  
minuatur, tonus partium reddatur, et putredini re-  
sistatur. Id quod vbertim explicatur, sed nihil in-  
est memorabile.

3. *De febre flaua Indiae occidentalis*, auctore p. 401.  
SAM. CURTIN. Praeuia morbi historia, in qua  
discedit ab SAUVAGESIO et CULLENO, qui hanc  
febrem ad typhum retulerant, nec hoc certum ha-  
bet, quia natura febris inflammatoria subest, hinc  
eius signa scribuntur, horror, cui succedit calor  
vrens, carotidum dolor pulsans, vultus et oculo-  
rum rubor, vomitus, linguae flauedo, dein ma-  
ior debilitas, et maior flauedo, bilis superne et in-  
ferne reiecta, tunc pulsus debilior et exilis, excre-  
tiones flauae et liuentia exanthemata. Causam hu- p. 405.  
ius morbi putat Noster temperiem sanguineam, et  
dispositionem phlogisticam, signum characteristi-  
cum totius corporis flauedinem, explicationem  
symptomatum addit, et methodum medendi sic or-  
dinat, vt spasmus et diathesis phlogistica tollatur,  
tonus restauretur, et putredini obuiam eatur.

4. *De febre maligna, quae a. 1779. legionem de* p. 415  
*Buccleugh afflixit*, auctore I. BELL. Erat febris con-  
tagiosa, (hinc Noster praemittit *quaedam de conta-*  
*gione*, quam nasci putat ab effluuiis) eaque syno-  
chu, ita tamen, vt praecederet status inflammatorius,  
deinde putridus, vndecimo die sequeretur mors, cri-  
sis vero mitioribus symptomatis sine vilo augmento  
secretionum, curatio cita et diligenti purgatione,  
vino rubro, cortice ac calce antimonii nitrata, ad  
delirium mitigandum, dosi granorum trium ad quin-  
que vsque, binis horis.

- p. 425. 5. *Cautelae de venae sectione in febris continuis*, auctore GUL. DRENNAN. Insunt regulae non malae, etsi satis notae.
- p. 436. 6. *De peste*, auctore BARTHOL. THOMAS. Totā constat ex praeceptis aliorum, methodus medendi vero statuitur et antiphlogistica, et antiseptica, sub *prophylaxi* scribuntur regulae pestilentiae cauendae vel arcendae.
- p. 466. 6. *De cynanche gangraenosa*, auctore I. TAILLOUR. Solam Noster concedit contagionem, ut causam, et discrimina bene scribit, cetera, ut omnes e schola Edinburgensi progressi medici.
- p. 476. 7. *De dysenteria contagiosa*, auctore ANDR. WARDROP. Contagium defendit Noster, negat vero, fieri ab miasmate palustri. Curari morbum dicit auertendo impetum humorum, actionem stimuli temperando, debilitatem tollendo. Sub finem in *nota* addit Cl. Editor, auctorem disputationis hanc dysenteriam in America ortam vidisse ab frigore et madore absque vlla contagione.
- p. 491. 8. *De febre miliari*. Debetur haec disputatio Cl. QUIN, medico Dublinensi. Statuit, febrem hanc semper esse synochum, et iure referendam inter idiopathicas, quia non ante annum 1650. comperta est (de hoc vero nos subdubitamur), quia epidemice grassatur, nec vero pertinet ea ad exanthemata, quia eruptionis tempus non satis certum est. Dissuadet ergo Noster venae sectionem, magis probat largiorem vini usum (habuimus curandum aegrum, qui morti proximus copioso vino miliaria alba et rubra perniciose sustulit), commendat vero liberalem aëris admissionem, laxantia et diuretica remedia.
- p. 496. 9. *Urticaria*. Est definitio, repetita ex CULLEN. Gen. Morb.



10. *Pemphigus*) vtraque similiter exinde desum. p. 496.

11. *Aphtha* ) ta est.

12. *Addenda. De variola.* Repetitur ex Cl. p. 497

FOWLES disputatione, mercurium esse antidotum variolarum.

*De febribus intermittentibus, typho et syncho.* Repetita sunt quaedam momenta practica, ex Cl. HOME *Experimentis clinicis*, typis iam vulgatis.

*Tomus II.* totus versatur in describendis morbis neruorum et adferendis huc attinentibus libellis. Placet ergo et hic, quam fieri potest breuissime, Cl. editorem per singula sequi.

*Ordo IV. Morbi neruosi.* Sistuntur hic loci 18. dissertationes.

1. *De dyspepsia*, auctore IO. TEMPLE. Defini. p. 1. tio, vt semper, ex CULLENO est, historia morbi non mala, notae valent ad discernendam eam ab hypochondriasi, a chlorosi et scirrho pylori (desunt vero quaedam similia vitia); caussa proxima ponitur in sola ventriculi atonia, caussae remotae sunt, quae vel ipsi ventriculo insident, vel aliunde veniunt, signa mali vero, i. e. symptomata, anorexia, nausea et vomitus, inflatio, ructus et ruminatio, cardialgia, gastrodynia et aluus adstricta, methodus medendi cum remouendis caussis, tum roborando stomacho continetur.

2. *De hypochondriasi*, auctore STAN. BAYNES. p. 17. Definitio CULLENI, quam quidem nos angustiore suo definito putamus. Symptomata describuntur secundum munia naturalia, vitalia et animalia, (in his plura desunt) exhibetur *theoria*, sensilitati morbosae superstructa, item *diagnosis* ab hysteria, dyspepsia et melancholia, caussas remotas putat, quae torporem augent, quae corpus vel ventriculum

- debilitant, quae circuitum humorum retardant, proximam vere quendam torporem vel debilitatem. Quare
- p. 32. per *diffectiones* comprobare annitur, morbum latere in vasis viscerum ventris, subdit *rationem symptomatum*, et medendi rationem, quaiubemur causas remouere, tonum restituere atque irritabilitatem minuere. In medicamentis eminent cortex, amara, ferrum.
- p. 44. 3. *De chlorosi*, auctore DIONYS. DORSEY. Causa morbi continens dicitur ventriculi et intestinorum atonia, idque symptomatum explanatione confirmatur. His aptatur curatio.
- p. 60. 4. *De colica*, auctore ELLIS. BUTTON METFORD. Causa doloris colici spasmus intestinorum est. Diagnosıs bene scribitur. Methodus auctoris per se liquet.
- p. 72. 5. *De cholera*, auctore I. LEMAN. Redarguit Noster *Sauuagesium*, vt moris est Edinburgens. ex auctoritate praeceptoris, et quasdam species exulare iubet, relicta sola spontanea, causam continentem nominat bilem (?) negando acidam eius fermentationem, concedendo acrimoniam, sedem ponit in intestinis, cum maxime duodeno, docente id cadauerum sectione, tandem medicationem includit eiiciendo humori et spasmo sedando per opium.
- p. 89. 6. *De diarrhoea*. Inest aliunde desumta lacinia.
- p. 92. 7. *De diabete*, auctore IOS. HART MYERS. Cum CULLENO diabetem ponit Noster in largiori et longa vrinae profusione (?) causam proximam triplicem ex CULLENI hypothese facit, ita tamen, vt tertiae i. e. sanguinis conditioni primas det, hisque superstruat remotas causas, symptomata et curationis modum. In remediis etiam legitur tinct. cantharidum.



8. *De hysteria*, auctore HEN. WOOLLCOMBE. p. 109.  
Vterum aegrum esse Noster negat, et morbum ab hypochondriasi, syncope ac epilepsia breuiter distinguit, causam proximam in spasmo intestinorum quaerit, medicationem ad paroxysmum eiusque reditum pertinere putat. Medicamenta nota sunt.

9. *De asthma spasmodico*, auctore IAC. MEL- p. 124.  
LIAR. Historia morbi et diuisio in dyspnoeam, asthma et orthopnoeam praeit; sequitur causa proxima i. e. spasmodica fibrarum muscularium bronchiorum constrictio, traditur medicatio i. e. per venae-sectionem, epispastica rel. In primis laudatur camphora, aether vitrioli, sub accessione regimen antiphlogisticum, ad sensilitatem amouendam cortex.

10. *De pertussi*, auctore G. KIRKLAND. Per- p. 137.  
tussim Noster contagiosam statuit, interdum cum febre hectica copulatam, causam in atmosphaera quaerit, sed quaenam sit, ignorat, et curationem ita aggreditur, vt symptomata mitiget euacuatione sanguinis, minus purgatione alui, vesicantibus et demulcentibus, magis moscho et castoreo.

11. *De epilepsia*, auctore PHIL. TURPIN. Caus- p. 147.  
sae recensentur plures ad ductum CULLENI, sed non omnes, methodus medendi veluti includitur causis vitandis occasionalibus, et remouendis praedisponentibus, nominantur multa medicamenta, desunt plura.

12. *De spasmo*, auctore IAC. STEVART. p. 164.  
Origines repetit Noster ab atonia, ergo commendat stimulantia.

13. *De paralyfi*, auctore DAV. WARDROBE. p. 185.  
Noster censet, contineri omnem paralyfin compressione cerebri et actione neruorum diminuta. Remedia sunt notissima, quae adhiberi sine delectu iubet.

- p. 214. 14. *De apoplexia*, auctore THOM. RUDDIMAN-  
NO-STEVART. Nihil inest memorabile.
- p. 238. 15. *De mania*, auctore DAV. STUART. Caus-  
sam proximam habet quandam cerebri excitationem  
obstructam, eique accommodat curationem.
- p. 255. 16. *De rabie contagiosa*, auctore CALEB. HIL-  
LIER PARRY. Assumit Noster quandam rabiei et  
variolae similitudinem; vitiumque credit nasci ab  
sui generis veneno, in systematis partem aliquam  
inserto, et per 40. dies latere posse, antequam  
prorumpat, actionem vero eius deberi cuidam vir-  
tuti narcoticae seu sedanti. Ad *prophylaxin* laudat  
extirpationem partis affectae, superhabendo post-  
haec cucurbitas, vel pulverem pyrium, reprobat  
remedium quoddam domesticum, i. e. terram absor-  
bentem, ad *sanationem* vero laudat mercurium et  
opium.
- p. 281. 17. *De arthritide*, auctore SAM. NICOLT. De-  
scribit arthritidem regularem, negat materiam mor-  
bificam, ait, eam pendere a temperamento quo-  
dam singulari, sed incognito, hinc morbum dicen-  
dum affectum inflammatorium, cum vitio neruoso  
arcte coniunctum. Hinc auctor est, vt caueatur  
victu tenui, exercitatione, aequali vitae genere, sa-  
libus alcalinis et amaris medicinis, curetur sub ac-  
cessione alui ductione, sanguinis missione ac topi-  
cis. Sub finem *podagrae regularis* historia repeti-  
tur ex CULLENO.
- p. 301. 18. *De rheumatismo chronico*, auctore RICARDO  
COWLING. Causam proximam appellat spasmodi-  
cam atoniam fibrarum ex auctoritate CULLENI,  
huic consentaneam medicationem suadet.

*Tomo III.* persecutus est Cl. WEBSTER, quae  
ad absoluendum systema medicinae practicae requiri  
videbantur. Initium facit.



*Ordo quintus. Morbi hydropici.* p. 1.

1. *De hydropē.* Sumta est haec commentatio p. 1.  
ex disputationibus velutique confarcinata BENNE-  
TI, SCOTTI et VIZE. Orditur ergo Noster ab  
laude vasorum lymphaticorum, e quorum stagna-  
tione ac congestione fiunt tandem varia hydropum  
genera. Explicantur ergo speciatim *anasarca*, *asci-* p. 2.  
*tes*, vbi quaedam dicuntur de dubia fluctuatione p. 4.  
et grauitate aquae vt signo, *hydrothorax*, quem p. 7.  
ab empyemate sic distinguendum putat, vt in hoc  
praegressa sit inflammatio et adsit febris hectica, in  
illo desit omnino, *hydrorachitis* i. e. spina bifida, p. 8.  
*hydrometra*, vbi quaedam ambigua signa hydropis p. 9.  
et grauiditatis adferuntur, et *hydrocele*. Tunc se-  
quuntur *causae et remedia*. In his nihil noui vel  
incognitiprehenditur.

2. *De hydrocephalo interno*, auctore CAR. GUL. p. 22.  
QUIN. Potiora nominantur symptomata, dubia de  
pulsu citato et tardo, qui sub instante obitu aequa-  
lis, frequens et debilis fit, quaedam de morbi ano-  
malia, saepius acutos, rarius longos aemulantis.  
Ponitur causa proxima hydrocephali chronici in  
aquae congestione, in acuto tamen minime, quia  
hic semper illa defuit, vasorum sanguineorum tur-  
gor adfuit, et continetur curatio medicamentis qui-  
busque deriuantibus, cum maxime mercurio, vel  
digitali purpurea, vt in notula memoratur.

*Morbi anomali.* Huc retulit Noster quaedam p. 36.  
morborum genera, quae alii systematici cachexiis  
adsignarunt.

1. *De scorbuto*, auctore ED. BRERETON. Di- p. 36.  
stinguit scorbutum incipientem, crescentem, inue-  
teratum, et putat scorbutum terrae, illi, qui maris  
esse dicitur, consimilem esse, causas praedisponen-  
tes statuit temperiem melancholicam et debilita-  
tem, occasionales malum victum et secretionum

turbationem, proximam vero quandam putredinem, haemorrhagiam, maculas etc. pendere ab sale ammoniaco, hisque caussis superstruit medendi rationem. Ad *praeservationem* valere putat infusum hordei confecti et frumenti acidum.

P. 54. 2. *De scrophula*, auctore THOM. WESTROP. Sedem collocat Noster in glandulis lymphaticis, vel conglobatis, harumque debilitatem dicit causam proximam, labem hereditariam assumit, vitium ag-greditur tumores amouendo, et systema lym-phaticum roborando. In illis etiam memoratur electricitas.

P. 72. 3. *De rhachitide*, auctore SAM. MOORE. Con-genitus morbus non est. Causae quaerendae sunt in parentibus, nutrice ac ipso infante, causa proxi-ma est laxitas corporis vniuersi, effectus aqua inter fibras collecta, medicatio absoluitur abstergendis primis viis, corpore roborando, deformitatibus cor-rigendis. In numero medicamentorum collocan-

P. 85. tur lotio ex aquis aluminosis et inunctio ex *oleo scatinae*, qua febris quaedam diaria excitatur.

P. 88. *Morbi locales*. Hoc in numero fere collocan-tur cutis vel singulorum membrorum vitia.

P. 88. 1. *De ulcusculis venereis*, auctore SNOWDEN WHITE. Origines mali repetuntur ex America. Notae originis venereae bene discernendae iuben-tur. Ulcuscula tribuuntur infectioni, per vasa bi-bula factae. Curatio recentium fit methodo anti-phlogistica, mercurio, lotione partium affecta-rum ex leuiter acribus et mollientibus, curatio ex-crescentium resoluentibus vel cultro, curatio tu-morum inguinis inflammatoriorum primum refri-gerantibus, deinde, si opus est, suppurantibus, con-tra oedematosorum vel durorum escharoticis, cura-tio ulcerum gutturis praeprimis mercurio, quia la-bes iam affecit omne corpus.

2. *De*



2. *De luis venereae stadio confirmato*, auctore P. 101.

P. P. WALSH: Praemittit Noster quaedam de morbi propagatione, vel contactu, vel hereditate. Negat infectionem infantis ab transitu genitalium matris, cum nihil tale in abortiuo fetu obseruetur. Stadium confirmatum nominat, quod alii contagionem secundam, eamque fere praecedat gonorrhoea virulenta, vlcuscula venerea etc. Symptomata resumit ab Cl. HOME, et diuidit secundum Astruc in pathognomonica, dubia, commemoratiua, mercurio primas dat, ad symptomaticam diarrhoeam laudat anodyna copulata mercurio, ad gonorrhoeam residuam roborantia, ad dolores nocturnos decoctionem ex cort. rad. Mezerei, praefereute tamen Cl. DUNCAN puluerem corticis ex paucis granis constantem et cum pulv. liquiritiae copulatum, ad vlcera mercurium et corticem.

3. *De scirrho et carcinomate*, auctore F. HOPKINS. P. 120. Caussam proximam nominat stagnationem humorum in glandulis. Sanationem efficiendam suadet per resoluentia remedia vel exstirpationem. Reprobat arsenicum, laudat ex parte cicutam, solanum et electricitatem, suadet operationem.

4. *De morbis cutaneis*, auctore IOH. DIMSDALE. P. 140. Damnat acrimoniam cuti insensam, item communem sanguinis fontem impurum, ergo et veterem morborum cutaneorum originem. Magis eos repetit ab vitio secernentium organorum, a bulbis pilorum obstructis et ductibus sebacearum glandularum imperuiis, et curationem ita ordinat, vt interdum topica fumantur, interdum exstirpentur partes, vt in tinea euellendis radicitus capillorum bulbis, reprobando alui purgationem, laudando diaphoretica, minerales aquas, prae ceteris antimonium et mercurium, (in not. puluerem Plummeri.)

- p. 155. 5. *De ictero*, auctore IOAN. WILLIS. Caussam proximam statuit Noster bilis excretionem impeditam, negando secretionis vacationem et bilis in sanguinem aditum, causas remotas bilem viscidam, tumores hepatis, calculos et spasnum, et his medendi viam adaptandam censet.
- p. 168. 6. *De calculo renum et vesicae*, auctore S. LAN-  
PHIER. Describit vtrumque calculum, et defini-  
tionem addit, quia nullam dari putat. Deinde do-  
cet, basin calculorum i. e. terram perpetuo in vrina  
detegi, et huc conferre credit lympham effusam,  
pus, mucum, tumores. Methodum medendi sub  
paroxysmo iubet fieri antiphlogisticam, extra eum  
vero expelli calculum vel lithontripticis, vel sectio-  
ne. Statuit ergo vsus experimentis chemicis, alcali  
causticum quidem gaudere vi solvente, sed mi-  
nime, quando vrinae adiungitur, aquam calcis vi-  
vae hanc virtutem non habere, nec spernendam  
omnino esse, saponem agere, vt medicamenta alca-  
lina, vuam vrsi adstringendo prodesse, aërem fixum  
vix transire vsque ad renes et vesicam, acida, prae-  
sertim vitriolicum, et alcali volatile multum valere in  
soluendis calculis.
- p. 185. 7. *De ischuria vesicali*, auctore ROB. BUCK.  
Hanc in veram et falsam diuidit. In medicamentis po-  
nit laudanum liquidum, scintillas electricas in para-  
lysi, nec non mercurium.
- p. 199. 8. *De vermibus intestinorum*, auctore ARTH.  
BROUGHTON. Praeit descriptio vermium; dubi-  
tat de origine illorum Noster, nutrimentum ab  
p. 206. alimentis deriuat. Catalepsin a verme factam et  
visam narrat. Inter remedia refertur dolichos pru-  
riens L. qui ter profuit, cortex Geofrae inermis,  
qui Indiae occidentalis incolis in vsu est, Spigelia  
Marylandica, quae secundum Cl. HOME multum  
valet, corallina, et alia dubii euentus sunt.



9. *De venenis*, auctore G. LOGAN. Distinguit p. 214. Noster venena localia, humores corrumpentia et nervis infensa, sed leuiter percenset. In not. subiecta est HARVEY diuisio in *venena directa* i. e. quae nervos afficiunt, et in *venena indirecta* i. e. quae fabricam partium destruendo interimunt.

10. *De amaurosi*. Haec et sequens particula p. 222. ex VOGELII praelect. acad. sumta est ad lacunam resarciendam.

11. *De auditu difficili et surditate*. p. 225.

*Morbi muliebres*. p. 229.

1. *De amenorrhoea*. Transcripta est ex HARRIS. p. 229. L. de morb. virgin.

2. *De leucorrhoea*, auctore GE. KEATING. p. 235. Agit tantum de specie illa, quae a vasis menstrua fundentibus proficisci solet, et in vsum vocari iubet adstringentia vel impetum humorum retardantia. In illis remediis plura sunt inutilia.

3. *De abortu*, auctore THOM. WAITE. No. p. 241. mina veterum et signa breuiter exponit, causam proximam credit placentae solutionem. Methodus curandi nota, nec rei satis apta est.

4. *De quibusdam puerperarum morbis*, auctore p. 251. IOS. GIBBONS. Refert Noster principes post partum morbos, animae defectionem, lochiorum profluuium immodicum et dolores secundos, momenta potiora memorando.

5. *De febre puerperali*, auctore HEN. SLAUGHTER. p. 264. Ponit febrem hanc cum *Hulmio* in omento et intestinis laesis, lochiorum suppressionem ab febris et alui violentia pendere putat, naturam erysipelatis defendit contra Cl. HOME, affectionem localem mutato post partum humorum circuitui tribuit, hinc fieri congestionem sanguinis et dispositionem phlogisticam contendit, praeseruationem et curationem communem scribit.

*Morbi*

p. 273. *Morbi infantiles.* Attulit Cl. WEBSTER vnicum libellum.

I. *De morbis infantum arcendis et curandis,* auctore G. LOGAN. Versatur primum in explicando infantum vestitu, victu, exercitatione, aëre, deinde addit quaedam de aphthis et dentitione, sed plura restant, quae ad penitus cognoscendam infantilium morborum naturam pertinere putanda sunt.

XV.

*Vermischte chirurgische Schriften, herausgegeben von IOHANN LEBERECHT SCHMUCKER, Königl. Preussischen ersten Generalchirurgus. Erster Band, mit Kupferstichen, zweyte Auflage. Berlin und Stettin, bey Nicolai 1785. in 8. 352 Seiten.*

i. e.

*Opusculorum chirurgicorum vairorum collectio. Volumen primum. Editio altera.*

**P**rima editio operis sub Cl' editoris chirurgi inter Germanos probatissimi doctissimique auspiciis editi anno 1776. prodiit, continetque chirurgorum exercitus Regis Borussorum observationes varias lectu dignissimas. Altera haec editio a priori in eo tantum discedit, quod errores typographici in priorē notati in hac correcti reperiantur. Caeterum cum priorē quoad paginarum numerum adeo, aeneasque figuras ex omni parte conuenit.



XVI.

*Einleitung in die Lehre von den Arzeneyen des Pflanzenreichs von ANDR. IOH. RETZIUS, aus dem Latein. übersetzt, und mit einigen Anmerkungen versehen von IOH. FRIEDR. WESTRUMB.*

i. e.

Prolegomena in pharmacologiam regni vegetabilis, auctore ANDR. IO. RETZIO, ex latino sermone traduct. et nonnullis adnotat. aucta a IO. FR. WESTRUMB. Lips. in bibliopolio Mülleriano 1786. 8. p. 84.

**Q**uod primae (Commentar. Vol. XXVI. p. 334 — 336.) recensione huius operis addamus habemus nihil, praeter id, usum eius adnotationibus Cl. WESTRUMBII tum ex propria locuplete penusumtis, tum ex aliis recentioribus scriptis diligenter congestis non parum fuisse auctum; acidum acetosellae verum esse absque nitri acido impetratum sacchari acidum; olea aetherea multa cubicas deponere aetate crystallos, acidum sacchari aemulantes.

XVII.

Noua physico-medica.

**L**ipfica Iablonowiana Societas in confesso die decimo Augusti anni MDCCLXXXVI. haec promulgavit: Quum ad quaestionem, anno 1785 propositam, quae Hygrometriae historiam concernebat, ad calendas Aprilis anni MDCCLXXXVI vna, eaque sola tractatio, cum symbolo: *aër tum fusus et extenuatus in sublime fertur etc.* tantum missa esset: terminum

minum usque ad exitum anni, quo iam viuimus, prorogauit, iterumque hanc quaestionem repetiit.

*Exponatur Hygrometriae historia, a prima eiusdem disciplinae origine ad haec usque tempora, simulque instrumenta indicentur, eaque, quae ad perficiendam hanc disciplinam etiamnum restant, enumerentur.*

Deinde quaestionem physicam, ad annum MDCCLXXXII. propositam \*), nondum plane resolutam iterum repetiit: atque denique nouam hanc thesin proposuit:

Phaenomena electrica ex reciproca actione duarum, sibi oppositarum materierum electricarum, earumque variae relationes ad alia corpora experimentis explicentur et comprobentur, insimulque haec hypothesis cum aliis praesertim cum Frankliniana comparetur.

Inuitantur itaque omnes omnium gentium physici, ut ad has tres quaestiones commentarios cum Societate communicent, eosdemque ad Cl<sup>um</sup> Professore AUGUSTUM GUILIELMUM ERNESTI, qui societati est per hunc et sequentem annum a literis, solutis vestigalibus mittant ante calendas Ianuarii a. MDCCLXXXVIII. Ipsi tractatus sint oportet conscripti latino idiomate, adiecto epigrapho, additaque schedula sigillo occlusa, cui nomen Auctoris sit inscriptum.

Societas regia *Göttingensis* scientiarum die XV Iulii anni MDCCLXXXVI. in conuentu publico, quem Celsissimi principes ERNESTUS AUGUSTUS FRIDERICUS, et ADOLPHUS FRIDERICUS, filii serenissimi Regis Anglorum GEORGII III. praesentia sua condecorarunt, habitis praelectionibus

\*) Vid. comm. nostr. Vol. XXV. p. 169.



bus haec, quae nostrum institutum concernant, proposuit. Ex septem cum societate ad quaestionem de construendis sanitati conuenienter pagis communicatis tractatibus, illum optimum censuit, praemioque ornauit, cui symbolum adiectum erat hoc: *Lorsque l'on veut changer les mœurs etc.* aperta schedula auctor NICOLAUS BECKMANN, Praefectus primarius piscinarum Harburgi, Membrum societatis oeconomicae Brunsvicensis, et societati Göttingensi litterarum commercio iunctus, publice renuntiabatur. Alius commentarius cum symbolo, *Lasset uns wirken, weil es Tag ist*, accessoria laude praedicata est, societas autem nominis recognitionem non, nisi consentiente Auctore, suscipiet.

Quaestiones denuo propositae omnes plane oeconomici sunt argumenti, ideoque ab instituto horum commentariorum alienae.

In confesso ordinis Medicorum Parisini publico, die 29 Decembr. 1785. habito, diiudicati sunt tractatus conscripti super quatuor quaestionibus anno 1783 propositis: 1) declarare, quae sint rachitidis causae, signa atque curatio; 2) exponere historiam variarum conuulsionum infantes vexantium; 3) describere medullae morbos; 4) constituere certos characteres diuersarum asphyxiae specierum atque remedia commemorare singulis speciebus accommodata. Sed tractatum illorum nullus dignus haberi potuit, qui praemio promisso ornaretur. Duo tamen eorum laudem ordinis tulerunt: vnus super medullae morbis scriptus a medicinae doctore, MOIGNON, in quem virum ordini placuit conferre monetam auream, incitamenti gratia; alter conuulsionem tractans, consignatus a medicinae doctore, BAUMES, qui itidem, vt ad specimen praestantius exhiben-

bendum concitaretur, ab ordine duas monetas aureas accepit.

Eodem in confesso tres quaestiones propositae sunt. Prima spectat icterum recens natorum. Expetit ordo claram huius morbi descriptionem, atque vult, vt definiatur, quibus conditionibus isto in morbo sit ad artem medicorum confugiendum, ac quibus sit auxilium ab ipsa natura expectandum. Moneta aurea in optimum libellum conferetur in proximo confesso. Mittendi sunt tractatus ante initium mensis Maii 1786.

Alter quaestio, grauior illa ac solutu difficilior, spectat historiam morbi, quo mesenterium infantum fere afficitur, *carreau* a Gallis dicti. Debent viri docti ad eam soluendam animum appellentes ordiri ab ipso morbi initio, attendere ad gradus, per quos morbus pergit, anquirere ipsius causas, distincte declarare et prophylaxin et medellam. Praemium aequabit 200 libras Gallicas.

Tertia denique quaestio spectat medullae morbos: quod quidem argumentum, vtut iam antea virorum doctorum studiis ab ordine Parisino commendatum, tamen hucusque non ita tractatum fuit, vt non necesse habeat ordo denuo hanc quaestionem mouere. Quae in altera quaestione monita sunt, eadem hic ordo repetit. Praemium erit 300 librarum gallicarum.

Libelli super secunda et tertia quaestione scripti mittentur ante initium mensis Aprilis 1787, ad Decanum Ordinis medici, atque in confesso publico eiusdem anni diiudicabuntur. Societas regia scientiarum Montispeliensis praemium 300 librarum Gallicarum dicauit optimae huius quaestionis solutioni: experimentis simplicibus certisque declarare, quae sit causa frigoris liquoribus euaporantibus nascentis, quatenusque ista causa conueniat cum causa

fa



la refrigerationis factae ope transpirationis copiosae in statu corporis tum sano tum morboſo, (*démontrer par des expériences ſimples et déciſives la cauſe du froid, que les liqueurs produiſent en ſ'évaporant, et le rapport de cette cauſe à celle du rafraîchiſſement, qu'une abondante tranſpiration procure, ſoit dans l'état de ſanté, ſoit dans l'état de maladie.*)

Tractatus mittendi ſunt ante initium menſis Nouembr. 1786., ad ſecretarium ſociet. perpet. DE RATTE.

Societas regia medica *Parifina* die ſeptimo Martii, anni MDCCLXXXVI, congreſſa, primum ad quaefiones propoſitas praemia diſtribuit: 1) ad quaefionem, quae *atram bilem* veterum concernebat \*) duos tractatus, qui praemio ornarentur, diſtinxit, ideoque praemii valorem partita eſt, dimidiamque eius partem 300 librarum pretio tribuit Cl<sup>o</sup> MEZLER, M. D. et phyſico vrbiſ Gengembach, alteram dimidiam decrevit Cl<sup>o</sup> IEUNET, M. D. 2) quaefionem *morborum nervoſorum naturam ſpectantem* \*\*) cum diligenter, docte et perſpicue ſoluiſſet Cl. IOAN. PETERSEN MICHELL, M. D. Societatis Traiectinae ſocius, is praemio 600 librarum ornatus eſt. Praemium accessorium obtinuit Cl. MOUBLET GRAS. 3) praemium, quaefioni *de cauſis ad calculos diſponentibus* \*\*\*) propoſitum, datum eſt Cl<sup>o</sup> IACQUINELLE. 4) quaefionem *de conſervanda ſanitate militum* †) optime ſoluerunt et Cl. CRAISINE, medicus noſocomii militaris Lillienſis, et Cl. PARTY, chirurgus noſocomii militaris Breſten-

\*) Vid. comm. noſtr. Vol. XXV. p. 718.

\*\*) Vid. comm. noſtr. Vol. XXVI. p. 176.

\*\*\*) Vid. ib. p. 177. \*) Vid. ib. p. 176.

stensis: igitur praemium 600 librarum est inter  
vtrumque diuisum.

Praeterea societati restat summa 2800 librarum,  
quam distribuet in confesso publico, mense Augusti  
huius anni habendo, inter eos, qui observationes  
super epidemiis hominum et animalium cum socie-  
tate communicauerint. Iam ornauit moneta aurea  
100 librarum Cl<sup>um</sup> CHAPTAL, qui observationes  
practicas subiuncta historia epidemiarum, et vario-  
larum circa Montem pessulanum ab anno 1746.  
vsque ad 1770 grassatarum, cum societate commu-  
nicauit. Sic quoque topographias medicas Cl. PI-  
CARD et TERREDE praemiis ornauit.

His a Cl<sup>o</sup> VICQ D'AZYR, qui societati est a lit-  
teris, edictis propositae sunt denuo quaestiones,  
quarum prima *morbos systematis lymphatici* respicit.  
Quaerit nempe societas, quinam morbi in systema-  
te lymphatico resideant, i. e. in quibus glandulae,  
vasa lymphatica eorumque fluidum sint affecta; qui-  
busnam symptomatibus se distinguant, et quam  
methodo curandi sint? (*rechercher, quelles sont les ma-  
ladies dont le systeme des vaisseaux lymphatiques est le  
siège immediat, c'est à dire, dans lesquelles les glan-  
des, les vaisseaux lymphatiques et le fluide, qu'ils con-  
tiennent sont essentiellement affectés; quels sont les  
symptômes qui les caractérisent et les indications géné-  
rales qu'elles offrent à remplir.*)

Auctores, qui ad hanc quaestionem enodandam  
animum aduertant, respiciant potissimum omnia  
haecenus tradita anatomica obseruata, systematis-  
que lymphatici expositionem, atque huius cogni-  
tionem ad morbos applicent, vt inde eorum natu-  
ra, atque influxus eorundem in alias naturales fun-  
ctiones clare exponatur. Praemium est moneta  
aurea, 600 librarum pretio; commentarii mit-  
tantur ante calendas Ianuarii anni MDCCLXXXIX.

Altera



Altera quaestio *aphthas* neonatorum attinet. Inquirantur nempe causae morbi aphthosi, eiusdemque variorum graduum, quibus infantes sunt obnoxii, praesertim cum in nosocomiis plures iunctim habitent, a primo usque ad quartum post natiuitatem mensem: quaenam sunt eorum symptomata, natura, et qua denique iis praecauendum et medendum est methodo? (*Rechercher quelles sont les causes de la maladie aphteuse, connue sous les noms de Muguet, Millet, Blanchet, à la quelle les enfans sont sujets, sur-tout lorsqu'ils sont reunis dans les hôpitaux, depuis le premier jusqu'au troisiéme ou quatriéme mois de leur naissance; quels en sont les symptômes, quelle en est la nature, et quel doit en être le traitement, soit préservatif, soit curatif?*)

Etenim duplici modo hic occurrit morbus, vel in nosocomiis, vbi contagiosus est et funestus, vel ruri, tumque infantes infestat, qui in nosocomiis eodem infecti sunt prius, quam nutricibus tradebantur. Commendat societas hoc de morbo iam scriptos tractatus Cl. COLOMBIER et DOUBLET, quorum prior commentariis Societatis medicae anni MDCCLXXIX. pag. 181. posterior Diário medico, mens. Maii. 1785. p. 181. inserti sunt, quos consulant qui hanc quaestionem explicare velint!

Praemium 600 librarum anno MDCCLXXXVII distribuetur: commentarii ante calendas Maii eiusdem anni mittantur.

Tertia quaestio *scrophulas* respicit: Determinentur causae et dispositio, quae vitio scrophuloso maxime faueant, inquiranturque remedia vel diaetetica, vel medicinalia, eius progressum retardandi, duritiemque diminuendi, morbisque secundariis occurrendi, quorum hic morbus causa fieri potest. (*Determiner quelles sont les circonstances les plus favorables au developpement du vice scrophuleux*

*et rechercher quels sont les moyens, soit diététiques, soit médicaux, d'en retarder les progrès, d'en diminuer l'intensité, et de prévenir les maladies secondaires dont ce vice peut être la cause.)*

Quum natura acrimoniae scrophulosae nondum sit satis cognita, morbusque saepe haereditarius infantes inuadat, saepeque cum rachitide sit coniunctus, atque praeterea frequentior sit, rapidiusque euoluatur in magnarum urbium incolis, morbisque secundariis locum faciat, quorum causa est obstructio glandularum pectoris abdominisque: optat societas, ut, qui ad hanc quaestionem concurrant, huc potissimum animum aduertant.

Praemium, 600 librarum, in consessu vernali, anni MDCCLXXXVIII. decernetur optimo tractatui, qui singuli ante calendas Ianuarii missi sint oportet.

Quarta quaestio haec est: Indicentur et praecautiones, quae, respectu temperiei et climatis, obseruandae sint ad conseruandam sanitatem cohortis militum hieme finiente, atque in primis expeditionum mensibus; et morbi, quibus hoc tempore milites maxime sint obnoxii, quibus denique remediis morbis his mederi et praecauere debeant medici. (*Determiner quelles sont, relativement à la température de la saison, et à la nature du climat, les précautions à prendre pour conseruer la santé d'une armée vers la fin de l'hiver, et dans les premiers mois de la campagne; à quelles maladies les troupes sont le plus exposées à cette époque, et quels sont les meilleurs moyens de traiter et de prévenir ces maladies?*)

Praemium distribuetur 1787, commentariique mittantur ante calendas Maii, eiusdem anni.

Caeterum descriptiones et obseruationes de epidemiis, ut et topographias medicas et in posterum optat societas, speratque, ut ii, qui litterarum com-

mer-



mercio eidem iuncti sint, illas ad eam mittant, tum quoque observationes meteorologicas, super aquis mineralibus et medicatis, morbis artificum, et animantium brutorum institutas secum communificent.

*Eadem* societas in conuentu die XXVI Augusti praemium quaestioni *de relatione inter morbos hepatis et cutaneos* \*) propositum, ita distribuit, vt Cl. RUJOLI, M. D. societatique Castrensi litterarum commercio iuncti, tractatus moneta aurea, 400 librarum valore, coronaretur, Clarissimus autem RAMEL filius, M. D. et societati Aboinensi litterarum commercio iunctus, monetam auream 200 librarum acciperet. Praemium accessorium 100 librarum pretio tributum est dissertationi, a Cl. BONTE ad societatem missa.

Cum ad quaestionem *de lactis variorum animalium natura* nondum responsio numeris suis absoluta ad societatem missa sit, eandem quaestionem in anni MDCCLXXXVIII. festum Paschale distulit praemiumque optimo hac de re tractatui duplum 1200 librarum decreuit. Commentarii usque ad calendas Ianuarii anni modo dicti mittantur ad Cl. VICQ D'AZYR, qui societati est a litteris.

Quaestionem a facultate medica *Parifina* propositam, quae icteri neonatorum descriptionem, et discrimen earum rerum quae artis auxilium necessarium reddant, vel quae, cuncta a naturae vi expectanda esse indicant, attinebat, ex iudicio facultatis optime resoluit Cl. BAUMES, medicus practicus Nismienfis, isque praemio est condecoratus, quod accessorium Cl. BERTRAND obtinuit.

Mm 3

Regia

\*) Vid. comm. nostr. Vol. XXV. p. 340.

Regia scientiarum academia *Parifina* in confeffu  
pafchali quaefiones *neruum intercoftalem in homine*  
*et in animalibus* attinentes, cum fufficiens eo-  
rundem descriptio non eidem oblata effet, in annum  
MDCCLXXXVIII. iterum propofuit.

In academia Diuionenfi Cl. MORVEAU, Cancel-  
larius Academiae, in locum b. MARET fuffeffit, vi-  
cesque Secretarii perpetui fufcepit; Cl. CHAUS-  
SIER chemiae Profeffor fecundarius et Cl. MASUYER  
Profeffor tertius eiusdem difciplinæ nominatus eft.

Munus Profeforis Phyfices ordinarium in vni-  
verfitate Lipfica, quo b. FUNCCIUS, dum viueret,  
fungebatur, in *Ampl.* HINDENBURG, virum fcientia  
et ampla longe clariffimum, delatum eft.

Paullo poft Sereniffimus Hafforum Princeps,  
GUILIELMUS, cui fauftiffima fors gentis fuae curae  
cordique eft, quique ideo quaecunque in difcipli-  
narum vtillum augmentum quidquam conferre po-  
funt fuis terris profpicit, in *Marburgenfi* academia  
nouam Scientiae cameralis et Oeconomiae Profef-  
fionem ordinariam fundauit, atque ad eandem auspi-  
candam vocauit NATHANAELEM GODOFREDUM  
LESKE, Profefforem hiftoriae naturalis et Oecono-  
miae Lipfienfem, cuius cura per aliquod inde tem-  
pus hi commentarii editi et continuati funt. Qui  
quidem oblatam fibi prouinciam quum acceperit,  
proxime hinc illuc profecturus eft. Promifit au-  
tem, mutato licet habitationis loco, fe in edendis  
his commentariis eadem follertia, quin imo maiori  
feruore, verfaturum efle, fi modo, quemad-  
modum polliciti funt collegae et collaborato-  
res, iidem ftrenuo labore fe adiuuare perrexer-  
int. Etenim non Lipfici folum viri docti recen-  
fendis his commentariis iam operam dant, fed,  
quod in honorem inftituti renuntiare licet, per vni-  
ver-



versam Germaniam fere distributa societas, viro-  
rum scientia, arte, et experientia celeberrimorum,  
vnitis viribus hanc physico-medicam supellectilem et  
thesaurum in postera tempora conseruare annititur.  
Rogamus igitur omnes, quorum interest, vt, quae  
cum orbe medico-physico litterario communicata  
fieri cupiunt, mittantur nunc *Marburgum* ad operis  
huius editorem LESKE, vel, si commodior via fue-  
rit Lipsiam, litteris ad EUNDEM datis, in biblio-  
polium IO. GOD. MÜLLERIANUM.

Societas regia medica Parisina in numerum ex-  
teriorum sociorum recepit Cl<sup>um</sup> GRÜNERUM, Con-  
siliarium aulicum et Professore Ienensem et Pro-  
fessorem LESKE.

Mortui sunt.

Sub initium anni MDCCLXXXV. XAVERIUS  
MANETTI, Medicus collegii regii *Florentini*, Pro-  
fessor medicinae et botanices, Inspector horti regii  
botanici, Secretarius et Director Societatis botani-  
cae Florentinae, sub initium anni MDCCLXXXV.  
Florentiae. Eius scripta sunt 1) *Catalogus plan-  
tarum nonnullarum horti Academiae physico-botanicae  
Florentinae 1747.* 2) *Viridarium Florentinum*, siue  
conspectus plantarum, quae floruerunt et semina  
dederunt anno 1750. 1751. 8. 3) CAROLI LIN-  
NEI *regnum vegetabile*, iuxta systema naturae in  
classes, ordines et genera etc. 1757. 4°. 4) *Tratta-  
to dell' inoculatione del vajuolo.* 1761. 4. 5) *Lettera  
che puo seruire di supplemento al suo trattato sull' in-  
oculatione del vajuolo.* 1762. 4. 6) *Delle specie diver-  
se di frumento e di pane siccome della panizzazione,  
e parte chi, in occasione di carestia, possono panizzarsi*  
1765. 4. 7) *Ornithologia methodice digesta.* Tomus  
V. 1775. fol. 8) *Discours relatif à l'histoire naturelle.*

Die VI. Ianuarii anni 1786 Madriti Cl. PETRUS  
FRANCISCUS DAVILA, Director primarius musei  
Mm 4 regii,

regii, membrum Hispanicae historicae et Berolinensis academiae, vti quoque Societatis, antiquitatum inquisitioni dicatae, quae Cassellis floret, Physicus doctus et celebris.

Menſe Septembre huius, quo viuimus, anni, Celeberrimus GLEDITSCH, membrum academiae ſcientiarum et humaniorum litterarum Berolinenſis, anno aetatis LXXIII. Merita eius in re herbaria et foreſtali ſemper ſunt duratura.

## XVI.

Continuatio Indicis librorum phyſico-medico-  
rum, qui anno 1782 prodierunt.

P. T. NAVIERS *Gegengifte des Arseniks, ätzenden Sublimats, Grünſpans, und Bleyes; nebst 3 Abhandlungen unter der Aufſchrift. 1) Medizinische Forschungen über verschiedene Mittel, das Queckſilber aufzulösen, u. ſ. w. 2) Erörterung verschiedener Mittel, das Queckſilber mit dem Eiſen zu verbinden u. ſ. w. 3) Neue Wahrnehmung über den Aether u. ſ. w. A. d. Franz. mit Anmerk. v. D. L. E. WEIGEL. Zweiter B. 4. (vid. c. n. dec. III. ſ. 4. p. 615.)*

An Introduction to Natural Philosophy. Illustrated with Copper-Plates. By W. NICHOLSON. 2 vols. London. 8.

Avis ſur l'électricité conſiderée comme remède dans certaines maladies. par M. NICOLAS D. M. A Nancy 1782.

D. ERNST. ANTON. NICOLAI *Pathologie. Zweiter Band. Halle. 8. (vid. c. n. dec. III. ſuppl. p. 22.)*

C. C. OELHAFENS VON SCHELLENBACH *Abbildung der wilden Bäume, Stauden und Buſchgewächſe. 1ten Theils 8te Ausgabe bis Tab. 28 mit illum. K. Nürnberg. 8.*



I. M. OESTERREICHER analyfes aquarum Buden-  
fium praemiffa methodo examinandi aquas Cl.  
Prof. WINTERL. Viennae. 8. (vid. c. n. Vol. XXV.  
p. 438.)

Variétés, ou nouveaux Melanges historiques, cri-  
tiques, de physique, de littérature et de poefie :  
par M. le Marquis D'ORBESSAN. Paris. 8.

Voyage autour du Monde, et vers les deux Poles,  
par terre et par mer, pendant les années 1767-  
1775. Par M. DE PAGES. 2. Vol. avec des Car-  
tes. Paris. 8.

Icones Infeftorum praefertim Roffiae Sibiriaeque  
peculiarium, quae collegit descripsit P. S. PAL-  
LAS. Erlang. 4.

Differtazioni mediche intorno a diverfe malattie del-  
le Donne. T. I. di A. PASTA. Napoli. 8.

Ragionamento fopra gli Sgravii del parto, e fopra  
il Rattenimento, e l'Eftrazione della Secondina,  
di A. PASTA. Napoli. 8.

Sopra i mestrui delle Donne. Di A. PASTA. Na-  
poli. 8.

G. PATON de typho grauiori petechiali. Edin-  
burg. 8.

Pharmacopoea nationalis denuo correctâ et aucta ;  
edidit IAC. PHIL. PIDERIT. *Cassel.* 8. (vid. c. n.  
XXVI. p. 135.)

History of Quadrupeds. By PENNANT. 2 Vols.  
London. 4.

A Iourney from Chester to London. By *the same.*  
London. 8.

Cases in Midwifery ; with References Quotations  
and Remarks. By WILL. PERFECT. Vol. I. Ro-  
chesterand. London. 8.

Differtation Anatomico-Acouftique fur l'Art d'ap-  
prendre à parler aux fourds et muets de naiffance.  
Par M. PERROLLE D. M. Paris. 8.

**Y. C. PFENNIGS** *Anleitung zur Kenntniß der physikal. Erdbeschreibung. Neue Auflage. Stettin und Berlin. 8.*

**Y. H. PFINGSTENS** *Bibliothek ausländischer Chemisten, Mineralogen und mit Mineralien beschäftigter Fabrikanten. 2ter Band. Nürnberg. 8.*

*Magazin für Pharmazie, Botanik und Materia Medica. Von I. H. PFINGSTEN 1ster und 2ter Band. Halle. 8.*

**M. VON PHELSUM** *pathol. Geschichte der Springwürmer, herausgeg. von Ioh. Weise, mit I Kupfert. Gotha. 8.*

*Detail des succès de l'établissement, que la Ville de Paris a fait, en faveur des personnes noyées etc. Septieme Partie. Années 1779, 80, 81. Par M. PIA. Paris. 8.*

*Moyens de préserver les edifices d'incendies et d'empêcher les progrès des flammes, par Mr. PIROX. Strasbourg. gr. 8.*

*Memoire sur l'art de mollifier et purifier les fers, Découverte du Sieur DE LA PLACE.*

**J. I. PLANER'S** *Beobachtungen der Veränderungen der Witterung und der Luft in Erfurt vom Jahre 1781. Erfurt. 4.*

**J. C. PLANK** *de osteosarcosi commentatio cum tab. aen. Tubingae. 4.*

**D. A. G. PLAZ** *progr. de medicina supra iurisprudentiam aestimanda. Lips. 4.*

**J. I. PLENKS** *Anfangsgründe der gerichtl. Arzneykunst und Wundarzneykunst, aus dem Latein. durch F. A. VON WASSERBERG. Wien. 8.*

*Des PLINIUS Naturgeschichte übersetzt von G. GROSE. 2ter B. Frankf. am M. 8.*

*Histoire naturelle de PLINE traduite en françois, avec le texte latin, retablie d'après les meilleures leçons manuscrites, accompagnée de notes*



notes critiques pour l'éclaircissement du texte,  
et d'observations sur les connoissances des anciens,  
comparées avec les decouvertes des modernes.  
T. XI. XII. Paris. 8.

POUQUET diss. inaug. Noua pulmonum δοκιμασία.  
Tubing. 4.

BERNARDI NICOLAI PLUVINET, tentamen che-  
micum de fermentatione spirituosâ et acetosâ,  
harumque productis. Monspel. 4.

Del Mondo creato giusta la Storia di Mosè in con-  
fronto de' nuovi Sistematori Lettere filosofiche  
scritte da GIORGIO BARTOLOMEO PODESTA.  
Venezia. 8.

Traité des affections vaporeuses des deux sexes ou  
maladies nerveuses, vulgairement appellées  
Maux de nerfs. Par M. POMME, D. M. Nou-  
velle Edition. à Paris. 4.

Traité de l'Apoplexiae, et de ses différentes espé-  
ces, avec une nouvelle méthode curative, dont  
l'utilité est prouvée par l'expérience, etc. par  
M. G. B. PONSART. à Paris. 8.

PORTALS *Bemerkungen über die Natur und Heilung  
der Wuth vom Bisse toller Thiere, aus dem Franz.  
Leipzig. 8.*

Farther Remarks on the useles State of the lower  
limbs, in Consequence of a Curvature of the  
Spine: being a supplement to a former Treatise  
on that subject. By PERCIVALL POTT.  
London. 8.

Des élémens, ou Essai sur la nature, les proprié-  
tés, les effets, et l'utilité de l'air, de l'eau, du  
feu et de la terre 1782. T. I. II. par Mr. IUL.  
HENR. POTT. à Lausanne. 8.

Traité des dartres. Par M. POUPART. 12.  
à Paris.

Heelkundige Mengelwerken, door CLAUDIUS POUTEAU vertald, en met Anmerkingen vermerdert, door P. M. NIELEN. Tweede Stuck. Te Utrecht, gr. 8.

I. F. PRANGENS *Farbenlexikon. Nebst 48 illum. K. Halle.* 4.

J. H. PRATIENS *Anleitung zur Anlegung, Wartung und Erhaltung eines Obstgartens. M. K. Göttingen.* 8.

An Account of Some experiments on mercury, silver and gold, made at Guilford in May 1782. By JOHN PRICE. Oxford. 4. (vid. c. n. Vol. XXVI. p. 407.)

FRIESTLEY *Expériences et Observations sur différentes branches de la Physique, avec une continuation des Observations sur l'air, traduit par Mr. Gibelin. in 12. 2 Vol. fig.*

Pharmacopoeia officinalis et Extemporanea. The 15 Edition. By JOHN QUINCY, M. D. T Longman. London. 8.

*Gemeinnütziges medicinisches Magazin. Herausgegeben von D. I. H. RAHN. Zürich.* 8. (vid. c. n. Vol. XXVI. p. 423.)

Traité de la Phthisie pulmonaire par M. ROULIN. 2 Vols. 8.

D. IOS. REHMANN'S *Unterricht für Wundärzte, wie sie die von tollen Hunden und andern Thieren beschädigten behandeln sollen. Tübingen.* 8.

D. I. I. REICHARDS *medicinisches Wochenblatt. Des 11ten Jahrgangs 2tes — 4tes Quartal. Frankf. am M.* 8.

EIUSDEM *fylloge opusculorum botanicorum. Ibid.* 8.

EIUSDEM *enumeratio stirpium horti botanici Senckenbergiani, qui Francoforti ad M. est. Ibid.* 8.



An Essay on the Nature and Cure of the Phthisis Pulmonalis. By T. REID. M. D. London. 8.

I. C. REIL diss. inaug. de polycholia. Halae. 4.

IO. GOTTFR. REIMANN praecipua experimenta de effectibus putredinis in pulmones infantum ante et post partum mortuorum, subiunctis nouis quibusdam experimentis circa pulmones infantum, ante partum mortuorum institutis. Disp. Francof. ad Viadr. 4.

*Nachricht von einem Erdbruche, welcher sich im Hochstifte Osnabrück ereignet hat; als ein Beytrag zur Naturgesch. herausgegeben von D. C. L. REINHOLD. 2te Auflage. Münster und Osnabrück. 8.*

A Treatise on the Venereal Disease. By G. Renny. London. 8.

A. CH. REUSS *Beschreibung eines neuen chemischen Ofens, nebst 3 Kupfert. Leipz. 8. (vid. c. n. Vol. XXVI. p. 600.)*

A. G. RICHTERS *Anfangsgründe der Wundarzneykunst. 1ster B. M. 8. K. Göttingen. 8.*

DESSELB. *chirurgische Bibliothek. 6ten B. 1tes und 2tes Stück. Ebendas. 8.*

*Försök till lärnets Historia, med Tillämpning för Slögder och handtwerk, författadt af SWEN RINMAN. Stockholm. 4.*

De la nature et de l'homme piece qui a été lue dans une Seance de l'Academie Francoise et qui a concourru pour le prix de 1782. Par Mr. LE CHEVALIER DE RIVAROL. à Paris. 8.

Nouveau voyage dans l'Amerique septentr. en 1781. Et Campagne de l'armée de M. LE C. ROCHAMBEAU, par M. l'abbé ROBINA. à Paris. 8.

RÖSSIG *Versuch einer pragmatischen Geschichte der Oekonomie, Polizey und Cammeralwissenschaft. 2ter Th. Leipzig. 8.*

Memoire sur les polypiers de mer, par I. E. ROQUES DE MAUMONT — Zelle. 8. av. fig.

*Beiträge zu Verfertigung, wissenschaftl. Kenntniß und Gebrauche meteorol. Werkzeuge, 1 Band. Von G. E. ROSENTHAL. Gotha. 8.*

A. W. ROTH'S *Beiträge zur Botanik. 1ster Theil. Bremen. 8.*

An Introduction to Natural Philosophy. Illustrated with Copper-Plates. By W. NICHOLSON. 2 vols. London. 8.

Observations on the Prognostic in Acute Diseases. By CHARLES LE ROY. M. D. F. R. S. Regius Professor of Physic in the University of Montpellier, and member of the royal society of Physicians at Paris. Translated from the french. With Notes. London. 8.

Cours complet d'agriculture théorique; pratique économique et de médecine rurale et vétérinaire, suivi d'une méthode pour étudier l'agriculture par principes, ou Dictionnaire universel d'agriculture, par une société d'agriculteurs, et rédigé par M. l'abbé ROZIER, T. I. II. 4. enrichis de planches en taille douce. à Paris. 8.

Journal de Physique par l'Abbé ROZIER. 4to. Paris.

A letter to the commissioners for Sick and Wounded Seamen, etc. relative to the Means of Preventing and Curing the Scurvy on board of his Majesty's Ship. By JAMES RYMER, Surgeon of the Royal Navy. 8.

F. I. S. *Altes und Neues, oder dessen litterarische Reise durch Siebenbürgen, den Temeswarer Bannat, Ungarn,*



- Ungarn, Oestreich, Bayern, Schwaben, Schweiz und Elsaß in drey Sendschreiben an Hrn. Prediger Theodor Lange zu Kronstadt in Siebenbürgen. 8. 11 B.
- F. W. SACK die Sündfluth mit forschendem Auge betrachtet, zu Aufklärung der Naturgeschichte. M. 5 K. und 1 Karte. Breslau. 8.
- DESSELBEN Betrachtung über die Sonnenwelt. Ebendas. 8.
- I. B. SAGAR Abhandl. von den wahren Kenuzeichen der Hornviehseuche, Wien. 8.
- LE SAGE Kunst, Gold und Silber zu probieren. Aus dem Franzöf. Reval und Leipz. 8.
- Memoire sur l'inoculation de la Peste avec la description de trois poudres fumigatiues antipestilentielles. P. M. D. SAMOILOWIZ. Strasbourg. 8.
- SAMUEL SANDELS Tal om förhållandel af Varors in — och ut förfel til och ifrån Sverige i färfkilda tid — hvarf. Stockholm hos Lange 8.
- Short Strictures on the Method of Treatment recommended by Dr. DAWSON, in the Acute Rheumatism. By TH. SANDEN, M. D. London. 12.
- H. SANDER über die Kunstsprache der Naturforscher. Basel. 8.
- DESSELB. ökonomische Naturgeschichte. 2 Theile. Leipzig. 8.
- DESSELB. über das Große und Schöne in der Natur. 3tes Stück. Leipzig. 8.

Reliqua proxime.

Con-

## Contenta in hac parte.

I. Kongl. Vetenskaps Academiens nya Handlingar Tom. VI	387
II. Dissertationes medicae Edinburgenses 1782. 1783. 1784.	397
III. Dissertation sur l'importance des evacuens dans la cure des playes récentes par M. LOMBARD.	433
IV. Dissertation sur l'utilité des evacuens dans la cure des tumeurs etc. par le même.	434
V. Journal de medecine etc. T. LXI. LXII.	442
VI. PICHLER methodus formulas medicas conscri- bendi.	456
VII. OPPIANI poemata edidit DE BALLU.	464
VIII. AUR. CORN. CELSI medicinae libri octo ex re- censione LEONH. TARGAE etc.	484
IX. SCRIB. LARGI compositiones medicamentorum.	494
X. QUINTI SERENI de medicina praecepta.	499
XI. De ANTONIO MUSA libris prolusio auctore IO. CHR. GOTTL. ACKERMAN.	501
XII. IOAN. ANDR. MURRAY de materia arthritica ad verenda aberrante disquisitio.	505
XIII. Philosoph. Transact. Vol. LXXII. for 1782.	510
XIV. Medicinae praxeos systema curante CAROLO WEBSTER.	519
XV. <i>Vermischte chirurgische Schriften</i> von IOH. LEBER. SCHMUCKER. 2te Auflage.	540
XVI. <i>Einleitung in die Lehre v. d. Arzneyen des Pflan- zenreichs</i> von RETZIUS übersetzt durch IOH. FR. WESTRUMB.	541 ib.
XVII. Noua physico-medica.	ib.
XVIII. Continuatio scriptorum physico-medicorum, quae anno MDCCLXXXII. prodierunt.	552